

Ա. ԱԿԱՐՈՆԵԱՆ

**ԱԶԱՏՈՒԹԵԱՆ
ՃԱՆԱԳԱՐՀԻՆ**



ՈՍԿԵԴԱՐ
ՊԵՅՐՈՒԹ, 2015

ԻՆՉՊԵՍ ԳՐՈՒԵՑԱԲ ԱԶԱՏՈՒԹԵԱՆ ՃԱՆԱՊԱՐԻՒՆ

Աւետիս Ահարոնեան իր մէկ գրութեան մէջ, նուիրուած Զրիստափոր Միքայելեանին, կը պատմէ թէ ինչպէս իր ուսանած քաղաքին՝ Լոզանի մէջ, այցելութիւնը կ'ընդունի Զրիստափորին «նա մի օր եկաւ Լոզան, գտաւ ինձ, երկար խօսեց, բացատրեց մեր հարցի վիճակը, մեր ժողովրդի կրած հոգեկան ծանր տագնապն ու բեկումը, հաւատն ամրապնդելու անհրաժեշտութիւնը: Խօսեց, համոզեց, հմայեց ինձ իր թաւ, ողբերգակ ձայնով եւ պարտադրեց փոքրիկ պատկերներ գրել Դրօշակի համար: Եւ առաջին իսկ պատկերի նիւթը ինքը տուեց ինձ ու գնաց:

«Գնաց եւ ես մնացի խորունկ մտածումի մէջ: Դրօշակից ու Զրիստափորից չեմ ազատուի, ապա ուտ՞ւմը... Երկար խորհեցի - ճար չկար - պետք էր անել ե՛ւ մէկը ե՛ւ միւսը. անհնարին էր մերժել Զրիստափորին:

... Եւ ինչ որ գրեցի, ամբողջը Զրիստափորի բարձր, ազնուական ներշնչումով է եղած:

Առանց Զրիստափորի Ազատութեան ճանապարհին չէր գրուի»:

Այս պատմուածքներուն շնորհիւ Ահարոնեան լայն տեղ կը գրաւէ հայ ժողովուրդի սրտին մէջ: Կ'երգէ հայ վիշտը: Կ'երգէ ֆետայիներու պայքա-

րը: Ահարոնեան դեմ է բոլոր տեսակի բռնակալութեանց: Ժողովուրդը ինքն իր ճակատագրին տերը պետք է ըլլայ: Գրեթէ դար մըն է անցած Ահարոնեանի նկարագրած պայքարի օրերէն: Հայութեան պայքարը չէ աւարտած տակաւին:

Քանի մը տասնամեակ առաջ Գուրգէն Մխիթարեան հետեւեալ ձեւով աւարտած է Ահարոնեանի մասին նուիրուած իր գրութիւնը: «Դարբի-նի գաւակ՝ այս նոր հայութեան դարբինը պիտի մնայ Ահարոնեան, իր գրականութեամբ: Ինչ հոգ որ իր աշխատանոցը, իր ստեղծագործութեան աշխարհը, կայծին ու կրակին հետ լեցուած ըլլայ նաեւ ծովիով ու անծովիով: Պայքարող երիտասարդութիւնը յաճախ պիտի փնտռէ զայն, որեւէ հեղինակէ աւելի: Ինքը չէ՞ որ գրած է տեղ մը.- Ամէն մի պայքար մի նոր հորիզոն բաց կ'անի եւ ամէն հորիզոնի մի նոր արշալոյս:

Ահարոնեան արշալոյսին մէջէն քալող գրագետն է, դէպի նոր հորիզոններ, քալող, նոր արշալոյսներու հաւատացող գրագետը: Ինք՝ պայքարող երիտասարդութեան պատկերով, երիտասարդութիւնը՝ իր»:

Ազատութեան ճանապարհին-ի պատմուածքները կ'ապրին քանի հայութեան պայքարին վերջակէտը չէ հասած տակաւին:

Խմբագիրը՝ Լ.Ճ.
Պէյրուս 1984

ԵՐԿՐՈՐԴ ՏՊԱԳՐՈՒԹԵԱՆ ԱՌԻԹՈՎ

Այսօր Հայութեան պայքարը նոր թափով կը շարունակուի գօտեպնդիչ տուեալներով՝

ա.- Անցնող տարուայ Դեկտեմբերէն ի վեր գոյութիւն չունի Սովետական Միութիւնը:

բ.- Հայաստան անկախութիւն հռչակած է Սեպտեմբեր 21, 1991-ի հանրաքուեով: Հանրապետութեան նախագահն է Լեւոն Տեր Պետրոսեան ընտրուած ազգին կողմէ 16 Դեկտեմբեր 1991-ին:

Եռագոյնը կը ծածանի նախկին Լենինեան հրապարակին վրայ ինչպէս նաեւ ՄԱԿ-ի այլ դրօշակներու շարքին:

գ.- Լեռնային Ղարաբաղը նոյնպէս անկախութիւն հռչակած է 1991-ի Դեկտեմբերին: Հանրապետութեան նախագահը ընտրուած է Արթիւր Մկրտիչեան 8 Յունուար 1992-ին: (Աղետահար Ապրիլին):

Երկու անկախ հանրապետութիւն եւ սակայն կռիւը կը շարունակուի Ղարաբաղի համար, արիւնոտ կռիւ, վայրագ եւ կատաղի նոյն թշնամիներուն դէմ:

Ազատութեան փշոտ ճանապարհը դեռ կը շարունակուի:

Խմբագիրը՝ Լ.Ճ.
Պէլրութ Ապրիլ 1992

ՄԵՐ ԵՐՐՈՐԴ ՏՊԱԳՐՈՒԹԵՆ ԱՌԻԹՈՎ

Ա. Ահարոնեանի այս գիրքին երրորդ տպագրութիւնը կը զուգահիյաի 2015 սեւ թուականին, հայ ազգի Յեղասպանութեան 100-ամեակին, որ կը նշէ մեր 4000 տարուայ գրաւոր պատմութիւն ունեցող «Հայկական բարձրավանդակին» կորուստը. յոյն եւ հռոմիացի պատմիչներու կողմէ Փոքր Ասիան կոչուած է Armenian Plateau: Այս է ամենածանր մեր կորուստը:

Սումերական եւ ակադական արձանագրութիւններու մէջ, Գիլկամիշի հերոսը կը խօսի, քրիստոսէ շուրջ 2200 տարիներ առաջ, դեպի հիւսիս գտնուող Անմահներու երկրի մասին, Արատտայի-Արարատի երկրի մասին որուն բնիկները արմէններն էին: Հայկական բարձրավանդակի կորուստը, հայ գիտակից երիտասարդի ուներուն վրայ դրած է արդար բայց ծանր դատ մը հետապնդելու նպատակը: Ամբողջ կեանք մը պայքար, պայքար եւ պայքար: Աստուած կ'իմանայ քանի՞ սերունդներ:

Աւետիս Ահարոնեանի պատմութեանը հերոսները՝ Զաջ ֆիտայիներ՝ Գեորգ Չաւուշ, Հրայր եւ Անդրանիկ առասպելական սիրանքներ, յաղթանակներ իրագործեցին սակայն թշնամին նենգ եւ անմարդկային էր եւ թիւով բազմապատիկ:

Ղարաբաղը յաղթանակ արձանագրած է եւ
աւելի քան քսանըջորս տարիէ անկախ է սակայն
խաղաղութիւնը կ'ուշանայ: Յուսանք պատմու-
թիւնը արագ կ'ընթանայ եւ խաղաղութեան ալ կը
տիրանանք:

Խմբագիրը՝ Լ.Ճ.
ՊԵՂՈՒՔ 2015



**ԱԶԱՏՈՒԹԵԱՆ
ՃԱՆԱԳԱՐԿԻՆ**

**ՆՐԱՆՑ՝
ՈՐՈՆՔ ԽԻԶԱՆ ԿԵԱՆՔՈՎ ՂԱԺԱՆ ՄԱՅՐ
ԴԵԳՆԵՑ ԻՆ
ԵՒ ԴՊԱՐՏ ՄԱՅՐՈՎ ՍԵՐ ՍԵՒ ԿԵԱՆՔԻՆ
ՓԱՅԼ ՏՈՒԻՆ**

Դուք էիք՝ որ Ազատութեան տատասկոտ ճանապարհին ցաւոտ ու բոտոր մշուշի մէջ ամենից մեր գեղեցիկ, ամենից խիզախ երազները հիւսեցիք:

Դուք էիք՝ որ ըմբոստութեան ժայռերի բարձրութիւնից գահապէժ՝ նետուեցիք ժողովրդի մեծ տառապանքի ծովը, որ ուռած ու մրկածուկ ետում էր Ձեր ոտների տակ:

Դուք էիք՝ որ բռնութեան ու արհաւիրքի խեղդող խաւարի մէջ Ձեր բոցավառ աչքերի փայլով մոլորուած ու լքուած հոգիների ուղիները լուսաւորեցիք:

Փա՛ռք Ձեզ:

Հոյակապ բախումների ու հսկայական պայքարի մէջ Ձեր բաց ու գունատ ճակատների կախուած մնացին բոլոր զրկուածներն, բոլոր դժբաղդների յուսացող հայեացքները:

Ձեր երկաթ բազուկների գոռ հարուածները չարիքի խօլ կամարները դղրդեցին եւ տանջուած հոգիների մէջ ազատութեան յոյգերը փոթորկեցին:

Եւ այժմ՝ ո՛վ հոյակապ, ուխտուած հսկաներ.
Ազատութեան խորանի առաջ ծնրադիր՝ Ձեզ եմ
նուիրում Ձեր արիւնով ցօղուած այս կարմիր
երազները:

Եւ Ձեզ, ո՛վ անանուն ու կորած մարտիկներ,
քու անտառներում եւ մռայլ ձորերում ընկած հե-
րոսներ, որոնց վերջին հառաչանքները մրրիկնե-
րի հետ են տարւում, որոնց ոսկորները հողմերն
են լիզում հեծեծալով:

Ձեզ բոլորիդ, պաշտամունքի եւ հիացմունքի
արցունքով եւ Ձեզմով այն վսեմ, այն արիւնա-
ներկ Գաղափարին, որին այնքան սերունդներ
փարել են խանդաղատանքով եւ որ ահա Ձեր
շնորհիւ փայլփլում է մեր մռայլ հորիզոնի վրայ:

Փա՛ռք Ձեզ:

Աւետիս Ահարոնեան

ՅԱՐԳԱՆՔ ԲԵՉ

Յարգա՛նք քեզ, նահատա՛կ ժողովուրդ:

Ո՞վ չափեց երբ եւ իցե քո տառապանքի անդունդները, ո՞ր սգաւոր կարապը եկաւ մի օր յուզելու հոգւոյ խորունկ ցաւի խորունկ լճերը, ուր եռում են պղտոր ալիքները անեծքի մրմունջով: Ինքդ միայն գիտես անօրինակ ցաւիդ մեծութիւնը. ինքդ միայն ես վարում քո անդէկ ու ալեծուսի նաւը դեպի անծանօթ հորիզոններ, ո՞վ դու ծովերի մոլար, տանջուած ճամբորդ, մրրիկների յաւիտենական ուղեկից. յարգա՛նք քեզ:

Հազար տարիների արիւնի մառախուղի միջից դու քայլում ես անյողողող, յամառ ու վսեմ դեպի մի վեհագոյն, մի սքանչելի նպատակ, գրաւիչ՝ որպէս փարոս, դիւթական՝ որպէս ժպիտը կոյսի. քայլում ես հեւ ի հեւ, վիրաւոր, խոշտանգուած, քո հսկայ թիկունքին կրելով մի բեռ, որի ծանրութեան տակ այնքան ազգեր լացով խորտակուել են ու կորել, որպէս մրրիկների վարած փոշու ամպեր. յարգա՛նք քեզ:

Հազար տարի բարձրից ընկնող կաթիլները կամաց-կամաց կրծում են հսկայ ժայռը եւ յոր-

ձգեց հարսի վիզը եւ գլուխը դեպի իրեն քաշեց, տեսաւ թէ ինչպէս մի ուրիշը աշխատում էր երեսը բանալ, Ջաւոյի՛ հարսի երեսը... Էլ բան չտեսաւ Ջաւոն, նա մէկէն վեր ցատկեց տեղից, արագութեամբ կռացաւ նաաւկի եզրին, երկու ձեռքով բռնեց եւ վայրկենապէս ձգուեց ջրի մէջ՝ իր բոլոր թափով հետը քաշելով նաաւկը ու ճշալով՝

- Ծո՛վ, ծո՛վ, մեզ էլ ծածկի՛ր...

Նաաւկը շուռ եկաւ հենց նրա գլխի վրայ եւ իսկոյն խորասուզուեց: Ալիքները մի փոքր աղմկուեցին. մի քանի շաչիւն, մի քանի հունդիւն լսուեց մթութեան մէջ, օգնութիւն կանչող մի քանի ճիչեր խեղդուող կոկորդիներից - եւ ամէն ինչ լռեց... Չոհերն ու դահիճները միեւնոյն սառն ալիքների տակ թաղուեցին, եւ ջրի մակերեւոյթը կրկին խաղաղուեց...

Դարձեալ աստղերը պլպլում էին ծովի մէջ, դարձեալ լեռները իրենց խոռոչէ կոյր աչքերով դիտում էին ծովի եւ երկնքի խաղը, բնութեան հմայիչ ներդաշնակութեան մէջ: Մարդն էր միայն մի յանցաւոր շփոթ առաջ բերում այդ բոլորի մէջ. նա՛ էր իր ոճիրով պղծում երկրի երեսը:

Եւ երկիրը կ'ամաչէր երկնքից, եթէ խաւարը չծածկեր նրա դէմքը...

ԱՇՈՒՂ

Ջարդը վերջացաւ. հաւարն իջաւ, իջաւ սարերից եւ ծածկեց արար-աշխարհը: Այն գիշերը հոգեմաշ էր, սոսկալի. խաւարը շատ թանձր: Զաղաքը ոչ թէ քնեց, այլ մեռաւ: Փողոցներում մարդ չկար, տներում ճրագ չկար, ո՛չ մի ձայն. կենդանութեան նշոյլ ցոյց տալը այդ գիշեր ոճիրներից մեծագոյնն էր: Իշխողը մահն էր, բռնի, արիւնոտ մահը, որ սարսափելի թելերով սաւառնում էր վեր-վեր մռայլ տներից, որոնք այդ օրը չտեսնուած բաներ տեսան: Զանի՛ր քանի՛ օջաղ մարեց, աչք չմնաց արիւն արցունք չթափէր... Այժմ էլ մի գարմանալի լուսթիւն կար ոճիրով յղի խաւարում: Ո՞վ ձայն հանէր, յօշոտուած ու այլանդակուած դիակները շարան-շարան փռուած էին գերեզմանատանը՝ ճոթուած ու արիւնոտ աչքերը դեպի երկինք չռած, ասես հարցնում էին «ինչո՞ւ» բոլոր «ինչուններից» ամենից անմիտը, որի վրայով դարերը քրքիջով են սահում՝ անպատասխան թողնելով խեղճերին: Լուռ էին նաեւ մեծ ոճիրի հեղինակները: Խաւարը եկաւ, ծածկեց արիւնը մի մռայլ քօղով. բայց իր հետ բերեց նաեւ մի սոս-

կում, որ թափանցում էր նոյնիսկ ամենաանսիրտ արիւնարբուի երակներում. նրանք թագնուեցին իրենց տներում, ինչպես որսից դարձող գազաններ բնում: Այն գիշեր դրսում, փողոցում եւ մանաւանդ հայոց գերեզմանատան շուրջը մի բան կար, որ հազար աչքով, հազար ձեռով գալարում էր խաւարի մէջ եւ խեղդում էր խեղդում... Զամի էլ կար, աշնանային չար քամի:

Շատ ուշ միայն փողոցներից մեկում յայտնուեցին մի խումբ մարդկային ստուերներ - քանի չափ զինուորներ եւ մի յիսնապետ: Նրանք շարժւում էին հանդարտ, անձայն, ասես վախենալով մահու հանգիստը խռովել կամ գայրացնել խաւարի մէջ գալարուող սարսափը: Ի՞նչ էին փնտռում այս անապատ փողոցներում այժ ժամին,- անկարելի էր իմանալ մթութեան մէջ: Միայն նրանք անցնում էին գողերի գգուշութեամբ, մերթ ընդ մերթ կանգ էին առնում այս ու այն դրան առաջ, ականջ էին դնում եւ կրկին շարունակում ճանապարհը նոյն գգուշութեամբ: Փողոցի ծայրում յիսնապետը, որ առաջ էր ընթանում կանգ առաւ. մի քանի դիակներ կային գետնին փռուած:

- Վերցրէ՛ք, հրամայեց նա, պետք է տանել «այնտեղ»:

«Այնտեղը» հայոց գերեզմանատունն էր: Մի քանի հոգի մօտեցան, վերցրին դիակները եւ դրին ձեռքերի պատգարակների վրայ, ապա կրկին առաջ շարժուեցին: Այս խումբը փողոցնե-

րում թափթփած վերջին դիակները հաւաքելու պարտքն ուներ: Դարձեալ մի քանի տեղ կանգ առան. դարձեալ դիակները շարեցին Նախկինների վրայ եւ շարունակեցին ընթացքը: Մեկ եւ յանկարծ իրենց արիւնտտ բեռը վար դրին եւ բոլորը միասին քարացան... Յեռու գերեզմանատնից քամին մի ձայն էր բերում, մի աղէկտուր ձայն, որ լսում էր մերթ ինչպէս խորունկ հառաչանք եւ մերթ ինչպէս օգնութեան աղաղակ կամ սարսափի սրտաճաք ճիչ: Երբեմն քամու հետ խառնուելով, այդ զարմանալի ձայնը մեծանում էր, դառնում հարիւրաւոր կոկորդից պոռթկած մռմռոց: Այդ ժամանակ թւում էր, թէ գերեզմանատան բոլոր դիակները միագամից ճչում են, հառաչում են ցաւերից եւ դատ ու արդարութիւն են պահանջում: Երբեմն էլ, երբ քամու թափը մեղմանում էր, պարզ ու որոշ լսում էր մի սրտաճմլիկ երգի ձայն, որով կարծես մի սգաւոր ոգի Նզովում էր աշխարհի արդարութիւնը եւ լուռ դիակների ցաւերն էր ողբում: Այս խաւարի, այս սարսափի մէջ անսպասելի, գերբնական էր թւում այդ զարմանալի ձայնը, եւ խումբը քար կտրած՝ լսում էր անկարող լինելով առաջ գնալ: Իրենց ձեռքով խող-խողուածներն էին խօսում, նրանք էին բողբոջում, եւ դահիճներն անկարող էին չլսել:

Երգը շարունակում էր.

«Սեւ խաւարն իմ ընկերն է անբաժան,
Ես չգիտեմ, ի՞նչ ասել է պայծառ օր,

Բայց այսօրուայ խաւարն է խոր, հոգեհան...
 Դիակները փսփսում են ահաւոր,
 Եւ պատմում են իրենց ցաւերն անապատում,
 Որից Աստուած գուցէ դողայ երկնքում:
 «Յին դարերից ցաւերն անապատում,
 Յառաջելով, անցաք արեան ծովերով,
 Յամբերութեան դասեր առիք լեռներէն...
 Քնէ՛ք այժմ բոցով, ցաւով, վերքերով.
 Եւ պատմեցէ՛ք ձեր ցաւերն անապատում,
 Որից Աստուած գուցէ դողայ երկնքում:
 «Այս իմ անճար քնարն ունի երեք լար,
 Այն՝ ողբաձայն, լալկան, խղճուկ, դողդոջուն,-
 Ի՞նչպէս ողբամ ձեր ցաւերն անհամար,
 Սրտեր վառեմ, արցունք քամեմ ես անհուն...
 Դո՛ւք պատմեցէք ձեր ցաւերն անապատում,
 Որից Աստուած գուցէ դողայ երկնքում:
 «Տառապանքի, սուգ ու սեւի ինձ ընկեր
 Մարդ չմնաց իմ արիւնոտ վաթանում.
 Լուռ են շուրջս լեռներ, ձորեր, շիրիմներ,
 Լոկ քամին է կողկողագին մրմնջում...
 Դո՛ւք պատմեցէք ձեր ցաւերն անապատում,
 Որից Աստուած գուցէ դողայ երկնքում»...

- Գտէ՛ք այդ մարդուն, հրամայեց յիսնապետը:
 - Գերեզմանատանն է, բէյ - պատասխանեցին մի քանի երկչոտ ձայներ:
 - Գերեզմանատուն. գնացէ՛ք տասն հոգի, առա՛ջ:
- Խմբից տասը մարդ բաժանուեցին եւ անհաս-

տատ քայլերով առաջացան, տանելով իրեն հետ
 հաւաքած դիակները: Ձայնը շարունակում էր.

«Ես էլ ցաւի դաշն կապեմ քամու հետ,
 Եւ արցունքի երգեր հիւսենք միասին.
 Նա խաղում է ամպրոպների շանթի հետ,
 Նա յոյզ ու բոց կը տայ նաեւ մեր երգին:
 Կոյր աշուղը, մրրկաշունչ, խօլ քամին
 Կը պատմեն ձեր տառապանքներն աշխարհին:
 «Ոռնա՛, քամի, հազար ու մի ձայներով.
 Թո՛ղ սարսուան լեռներ, ձորեր, անդունդներ...
 Անցի՛ր մեկ-մեկ դիակների վրայով,
 Լիզի՛ր վերքեր ու հաւաքի՛ր հառաչներ...
 Կոյր աշուղը, մրրկաշունչ, խօլ քամին
 Կը պատմեն ձեր տառապանքներն աշխարհին:
 «Ի՞նչ ես վազում աննպատակ դէպ հեռուն,
 Հառաչանքներ, խոր-խոր ցաւեր շալակած.
 Վե՛ր սլացիր դէպի երկինքն անհուն,
 Գտի՛ր գահը, ուր բազմած է մի Աստուած:
 Թէ անգոր է սրբել արցունքն աշխարհում,
 Գահ էլ պետք չէ եւ ոչ Աստուած երկնքում...
 «Փչի՛ր վրան ահեղաշունչ որոտով,
 Թող իր գահը դողայ հիմքից եւ Աստուած.
 Թո՛ղ երկինքը մթնի իր վառ աստղերով,
 Տիեզերքը դարձրո՛ւ քօս, աւերած...
 Թէ անգոր է այն Աստուածն աշխարհում,
 Գահ էլ պետք չէ եւ ոչ Աստուած երկնքում...
 «Չուր ես խառնում ծեր ալիքներն աշուղին.
 Այնտեղ միայն հին օրերի խոհեր կան:

Դու խօսմ գիտես լեզու, խօսք տալ ժայռերին,
 Նրանց ասա՛, թող քեզ պատմեն, ի՞նչ տեսան...
 Երբ անգոր է այն Աստուածն աշխարհում,
 Գահ էլ պետք չէ եւ ոչ Աստուած երկնքում...
 «Անցի՛ր հանդարտ շիրիմների վրայից,
 Հողի տակ էլ թշուառները քուն չունին.
 Շարան-շարան հողաթմբի խորքերից,
 Խուլ մրմունջներ գուցէ լսես ցաւագին...
 Երբ այսքան ցաւ ու արին կայ աշխարհում,
 Գահ էլ պետք չէ եւ ոչ Աստուած երկնքում...»

Չինուորների խումբը հասաւ գերեզմանատա-
 նը. դիակները ներս տարան եւ կանգ առան
 առանց համարձակուելու շատ խորքերը գնալ,
 ուր սարսափն էր թագաւորում:

- Ո՞վ ես, ձայն տուեց խմբից մէկը:

Պատասխանի փոխարէն երգիչը շարունակեց
 այս անգամ աւելի ուժգին, աւելի ցաւոտ:

«Կոյր աշուղդ, մորկաշունչ խօլ քամին
 Սեւ երգ կ'ասեն, ցաւ կը պատմեն աշխարհին:
 Երբ այսքան ցաւ ու արին կայ երկրում,
 Գահ էլ պետք չէ եւ ոչ Աստուած երկնքում...»

Չինուորներն առաջացան վախժխելով:
 Նրանք քայլում էին հողաթմբերի եւ դիակների
 վրայից, իսկ երգիչը մերթ երգում էր եւ մերթ հե-
 կեկում էր այնպէս, որ կարծես բոլոր տապանա-
 քարերը նրա հետ միասին հեծկտում էին ցաւից,

ուած ներկայացնում էր մի ձիւնակոյտ. պարզ էր, որ մարդը երկար ժամանակ բքի տակ էր մնացել:

- Բարի երեկոյ, ասաց նորեկը, թափ տալով եպփունչու վրայից ձեան հաստ շերտը:

- Աստուծոյ բարին, վա՛յ խեղճ խայ, արի՛, արի՛, առաջ անցիր, տնաշէն, փետացար - ձայն տուին այս ու այն կողմից նստողները սրտացաւ եղանակով - Խային տեղ տուէք թող նստի:

- Հա՛, վայլահ փետացայ, ասաց նորեկն առաջանալով, էլ դուրսը մնալու ճար չկայ, ասես թէ երկինքը փուլ է գալիս, գիւղի մէջ էլ մարդ խեղդուում է. ձիւն ու քամի. օ՛, ի՛նչ բուք է, ի՛նչ բուք. ասացի մտնեմ սաքուն տաքանամ, դուրս ելնեմ:

Մարդը նստեց:

Բուխարու վերեւ, փոքրիկ մրոտ ակնատի մէջ հանդարտ պլպլում էր ձէթի ճրագը. նրա աղօտ բոցն օրօրում դողդողում էր դանդաղութեամբ, ասես թէ նա էլ էր վախենում քամու վզվզոցից, բայց էլի մի խղճուկ լոյս կար, այնքան որ թանձր փափախների ստուրների տակ մի քանի դեմքեր գծագրուում էին. նորեկի վրայ էլ ընկան մի քանի դողդողջուն, դեղնագոյն շողեր: Գեղջուկ մի դեմք էր այն, ուր չարքաշ կեանքը դրել էր իր կոշտութեան կնիքը հաստ կաշուի խոշոր ծալքերի մէջ. երիտասարդ մարդ էր, բայց ըստ երեւոյթին շատ ապրած. թանձր բեխերի տակ իրար վրայ սղմած շրթունքները տալիս էին նրա դեմքին յամառ արտայայտութիւն. աչքերը մանր էին, բայց շարժուն. կրակոտ:

Գիւղի պահապանն էր նա, վարձուած գիշերապահը: «Խայ»-եր շատ կային Զ... գիւղում, գնացին. այս մէկը մնաց ուշացած կռունկի պէս. մուրալ չուզեց, պահապան եղաւ. տեղացիք անունը լաւ չգիտէին, Նախօ կանչելու տե՛ղ ոմանք: Միօ կանչեցին, ոմանք էլ Մկօ ասեցին, բայց վերջի-վերջոյ՝ խօսքերը կարծես մէկ արած՝ սկսեցին պարզապէս «Խայ» կանչել: Այսպէս լաւ էր, հեշտ էր, համ էլ՝ իրաւ որ նա «խայ» էր, որովհետեւ հայաստանցի էր, Ոզմ գիւղացի: Ահա այս «Խայն» էր, որ մի անկիւնում պատի տակ տեղ գրաւեց, կծկուեց, տազ արեց. սաքուն տաք էր:

Բուքը շարունակում էր. կատարի քամին վիրաւոր գազանի պէս մռնչում, ոռնում էր:

- Եսպիսի գիշերուայ է ռաստ եկել խեղճ ողորմելին հա՛- ասաց ռես Գեվօն - էլ ի՞նչ հողը տար գլխին:

Խօսքը մի գիւղացու մասին էր, որ մի քանի օր առաջ լեռներում բքի բռնուելով՝ խեղդուել էր:

- Զանի՛ ասինք մի՛ գնայ, Ես ծինն ու ծմրանը չօլերը մի՛ ընկիր, կնիկ, երեխայի տեր ես,- վրայ բերեց միւսը:

Ե՛, ի՞նչ ես անգետ անգետ խօսում, մարդի ճակատին. Էն էր գրուած, ասաց Մելիքը. նա պիտի գնար, նա պիտի գնար, նա պիտի խեղդուէր. ճակատագրից ո՞վ կարող է փախչել:

- Իրա՛ւ է, իրա՛ւ, Մելի՛ք, ասացին մի քանի հոգի, ճակատի գրածը չի ջնջուի:

Ճակատագի՛ր ամենագոր ճակատագի՛ր... Գի-

շերուայ այս զարհուրելի ժամին, կիսախաւար, գետնափոր սաքում, քամու այս անճոռնի գոռոցի տակ, որ սարսափելի բաներ էր պատմում այդ կոյր զօրութեան մասին, դժուար էր խօսակցութեան արելի յարմար նիւթ գտնել: Իւրաքանչիւրն իր դիտողութիւններն արեց այդ մասին. ամենքն էլ հասան այն եզրակացութեան, որ մարդը խաղալիք է ճակատագրի քմահաճոյքին, որ նրա առաջ անգօր են մարդկային բոլոր հնարքները, նրա բոլոր խելքը, եռանդը, աշխատանքը:

- Ես ճակատագրին չեմ հաւատում, ասաց մի ձայն սաքուի մի անկիւնից:

- Ամենքի հայեացքները դարձան դեպի այն կողմը... Չարմանքն ընդհանուր էր:

- Ո՞վ է այդ «աժդահան», ասաց Մելիքը հեգնութեամբ:

- Ծառա՛դ եմ, ե՛ս եմ, Մելիք. ես ճակատագրին չեմ հաւատում, կրկնեց նոյն ձայնը յամառութեամբ:

Մարդիկ չգիտէին ծածաղէ՞ն, թէ զայրանան. ճակատագրի ամենակարող ուժին չհաւատացողը ողորմելի «խայն» էր:

- «Էծերի քոստը կը կատաղի», սուտ չէ ասած, մրմռաց Մելիքը կես հեգնութեամբ, կես բարկացած:

Իսկապէս ամենքն էլ զայրացած էին. եւ ի՞նչպէս չզայրանային. Մելիքը, հարուստ, գօրեղ Մելիքը՝ հաւատում էր ճակատագրին, վախենում էր նրանից. ռես Գեվօն, որի ճիպոտի առաջ բոլոր-

րը դողում էին ինչպես ուռի տերեւներ, սաքսափում էր ճակատագրից. տերտերը խօ՛ ի՛նչ քարոզեր, վերջը ճակատագիրն էր. ամենքն էլ ընկճուած էին այդ աներեւոյթ զօրութեան առաջ, ամենքն էլ սոսկում էին նրանից, մե՛կ այս ողորմելի, խայր ճակատագրին չէր հաւատում, չէր վախենում նրանից:

- Այո՛, ես չեմ հաւատում այդ ձեր ճակատագրին, կրկնեց խայն - այս անգամ աւելի յանդուգն ձայնով, երբ տեսաւ իր վրայ ուղղուած արհամարհական հայեացքները: Եւ ես ձեզ հենց այս րոպէիս կարող էի ցոյց տալ, որ իրաւունք ունիմ, բայց ասիտո՛ւ, որ պիտի դուրս գամ գիւղը շրջելու: Եւ նա վեր կացաւ, պատրաստուելով դուրս գալ:

Մնա՛, մնա՛ խայ, գոռացին մի քանի ձայնե՛ր հետաքրքրուած. ո՛ւնս ասա թո՛ղ մնայ. հիմա գիւղը չթալանեցին:

Ռէսի ցանկութեամբ խայը կրկին նստեց իր տեղը: Ամենքի հայեացքները դէպի նա դարձան, ամենքը սպասում էին, թէ ի՛նչ պիտի պատմի այս մարդը, որ այդպէս յանդուգն յամառութեամբ արհամարհում է ճակատագիրը:

- Են տարին - այսպէս սկսեց խայը - տաս հոգի էինք, տասը գժեր, տասը բոց ու կրակ ունէինք կրծքերիս տակ, միատեսակ կրակ, միեւնոյն կայծից բռնկուած, որ վառում, փոթոթում էր մեզ: Միատեսակ անվախ սիրտ ունէինք, բայց ի՛նչ սիրտ... ծո՛ղ էր, վշտերով ալեկոծ ու ամօթից կապտած, խարոյկ էր՝ վրեժով վառուած... Ամիս-

Ներ էր, ինչ թափառում էինք չօլից՝ չօլ, սարից՝ սար, ձորից՝ ձոր. օձերի հետ էինք ջուր խմում, քարե անկողնի մեջ թռչեցրո՞վ հանգիստ առնում: ՂԷ, ի՞նչ անէինք. շատ երկար կուլ տուինք մեր անարգանքը. համբերութիւններս ահագին էր, բայց մեր դուշմանի անաստուածութիւնը, նրա անսիրտ անամօթութիւնը անսահման էր. էլ ապրել չէր լինում. հաց չկար, եղածն էլ կուլ չէր գնում, թոյն ու լեղի էր դարձել: Մենք էլ ամեն բան թողինք, տուն ու ընտանիք, մալ ու միւլք եւ մեր պատուի թուք ու մուրջ սրբելու համար մի մի հրացան առանք, սարերն ընկանք: Այսպէս լա՛ւ էր... ազա՛տ էինք...

Օ՛, երբ մարդ այնպիսի ցաւեր ունի, ինչպիսին մերն էր. երբ մարդու քոյրը, մայրը, կինն է անպատուած, երբ գաւակն է սպանուած, երբ ծերունի հայրն է անարգուած,- այն ժամանակ էլ աշխարհում ոչինչ, ոչինչ չի կարող նրան մխթարել. կուրծքը եռում, բորբոքում է բոցերի մեջ արցունքն անզօր է զովացնել նրան. սփոփիչ խօսքերը ծաղր ու ծանակ են... բայց երբ մարդ սղմում է կրծքին հրացանի տաք փողը, պի՛նդ, պի՛նդ, երբ մարդ տեսնում է, թէ ինչպէս է նա մահ որձկում արիւնապատ թշնամու գլխին, այդ ժամանակ, օ՛, միայն այդ ժամանակ՝ մարդու սիրտը հովանում է, հոգին հանգստանում, ամօթից էլ չի կարմրում երեսը, զգում է, որ ինքն էլ մարդ է, փափախ ունի գլխին. պատիւ ունի...

Քիւրդերն ու թիւրքերը մեզ ասում էին «Ֆեղա-

յի»- իսկ հայերն ասում էին «վրիժառու ոգի»: Մեր առջեկից սարսափն էր գնում, մեր յետեւում մահն էր փռում: Սարերի միակ տերը մնացիկը մենք ու արծիւները. մի քիչ նման էլ էինք իրար. միատեսակ մենք ու արծիւները. միատեսակ էինք յարձակում մեր որսերի վրայ: Զանի՛ տեղ հասանք, քանի՛ աւազակ թիւրք ու քիւրդի զգուելի մուրագը փորումը թողինք: Շատ անգամ մեզ փնտռում էին, բայց մենք դարձել էինք աներելոյթ դեւեր, ամեն տեղ էինք եւ ո՛չ մի տեղ. ֆեդայիին գտնելը հեշտ չէր, ամեն տեղ էինք եւ ո՛չ մի տեղ. հանդիպելն էլ զարհուրելի: Այսպէս էինք մենք, եւ սպասում էինք մեր ճակատագրին. մենք հաւատում էինք նրան:

Մի օր Սիմ լերան կատարին էինք, որ մեր պաշարը վերջացաւ: Ինձ վիճակուեց պաշարի գնալ: Ես գիւղերը ճանաչում էի. բայց շէ՛ն էին, թէ աներակ, բնակիչները կայի՞ն, թէ գաղթել էին,- այդ ես չգիտէի. ինչ եւ լինէր, պիտի գնայի, ինչպէս եւ լինէր, պիտի պաշար ճարէի: Ես ցած իջայ մեր որջից օրը ցերեկով, առանց զէնքի, առանց նոյնիսկ ձեռնափայտի. մտածում էի, թէ թշնամու չեմ պատահի, եթէ պատահեմ էլ, անզէն լինելս գուցէ ինձ փրկի. իսկ եթէ չեմ փրկուի, երեւի ճակատագիրս այդպէս է: Եւ այսպէս ես գնում էի... Բաւական ժամանակ շուրջս մտելու թիւն էր, ոչ ոք չկար. առջեւ մի սար էր, պետք էր բարձրանալ եւ ապա վար իջնել յաջորդ ձորը: Բարձրացայ, հեկց կատարին առջեւ ցցուեց մի քիւրդ, մի հա-

միդդիէ, ոտից գլուխ գինուած:

- Բարեւ քիւրճա՛, ասացի ես անհոգ եղանակով:

- Բարեւ Ֆլա՛, պատասխանեց քիւրդը, բայց չանցաւ, կանգ առաւ՝ կայեց ինձ:

Ես կանգ չառայ, այլ առաջ անցայ, շարունակեցի ճանապարհս: Բայց զգում էի, որ քիւրդը տակաւին կանգնած հետեւում է ինձ հայեացքով: Ես չէի շտապում՝ կասկածի առիթ չտալու համար:

- Դէ՛յ Ֆլա՛, կաց, լսեցի յանկարծ քիւրդի ձայնը, յետ կայեցի, կանգ առայ: Ճակատագիրս է, մտածեցի ես. եւ ճիշտ որ ճակատագիրը հենց այս քիւրդի կերպարանքը կարող էր ունենայ. հրացանն ուսին, կեռ թուրը կողքին, սպիտակ փղոսկրէ կոթով մի դաշոյն գօտիկը խրած, դէմքը զգուշի, աչքերը կատաղի՛ իսկ եւ իսկ քաղցած գայլի աչքեր: Եւ մօտեցաւ ինձ:

- Ես օրերում, ես տեղերում ո՛չ մի Ֆլա սիրտ չէր անի երեւալ, ասաց քիւրդը. դու բարի պտուղ չես երեւում. ո՞վ ես, ո՞ւր ես գնում:

- Զիւրդ, ասացի, ժամանակները վատացել են, բայց մի մոռացիր, որ մենք հարեւաններ ենք. քեզ իբր հարեւանի ասում են, որ ես խուրթեցի եմ, մեր կողմերում սով է, այդ խօմ գիտես. Դերջան եմ գնում երեխաներիս համար մի քիչ հաց ճարեմ: Թո՛ղ ինձ հանգիստ անցնեմ, գնամ:

- Զէ՛ Ֆլա՛, խաբել չես կարող ինձ, դու բարի պտուղ չես:

- Զիւ՛րդ, Աստուած ունիս, ինչպէս տեսնում ես՝

վրաս գեղք չունեմ, գրպանումս դանակ չկայ, թե գազան էլ դառնամ, երկու ձեռքով ի՞նչ կարող եմ անել, աղաչում եմ քեզ, թո՛ղ անցնեմ, գնամ:

- Առաջ անցի՛ր քեզ գայմագամին պիտի տանեմ:

Գայմագամի՛ն... Այս արդեն սարսափելի էր, որովհետեւ մեզ վաղուց փնտռում էին:

- Քի՛ւրդ, գայմագամին մի՛ տար ինձ. թեև դրանից իմ անձին վնաս չկայ, բայց կ'ուշանամ, երեխաներս մեղք են, սովից կը մեռնեն. Աստուծու սիրուն, քիւ՛րդ, բրա՛ (*), թող ինձ երթամ...

Քիւրդն անողոք մնաց: Ճակատագիրս է, մտածեցի ես, եւ գլուխս քաշ արած, առաջ անցայ: Ի՞նչ կարող էի անել, ուժը՝ նրանն էր, հրացանը՝ նրա ուսին էր, դաշոյնը՝ նրա գօտկումն էր, թուրը՝ նրա կողքին. ի՞նչ անեի երկու ձեռքով: Ճակատագիրս էր:

Գնացիք:

Շուրջս ամեն բան գեղեցիկ էր. արեւը՝ պայծառ, երկինքը՝ պարզ, լեռները կանաչ, ծաղիկներն անուշահոտ, օդը թռչուններով լի, ամեն կողմ կեանք, խնդութիւն: Վերեւ, շա՛տ վերեւ՝ օդի մէջ ճախրում էր մի արագիլ, ազատ, համարձակ: Ես չգիտեմ ինչու՝ իմ վիճակի բոլոր սարսափը մոռացած, նայում էի այդ թռչունին. անթարթ, երկա՛ր: Նախանձո՞ւմ էի արդեօք, թե ուրիշ մի բան կար, որ գրաւում էր ինձ, ես այդ չգիտեի, բայց

(*) «Բրա» եղբայր:

նայում էի: Երկար ճախրում էր արագիլը. մեկ էլ յանկարծ սկսեց պտոյտներ անելով դեպի վար իջնել էւ շեշտակի թափով ձգեց իրեն մեզանից շատ մօտիկ մի բլրի վրայ: Ես հետեւում էի, այնտեղ մի մեծ օձ կար, ուրեմն նշմարել էր արագիլը: Թռչկի թելերի շփշփոցից սողունը կծկուեց, գլուխը թագցրեց մարմնի օղակների տակ: Սկսուեց մի սարսափելի կռիւ:

Մենք երկսով էլ կանգ առանք:

- Տեսնո՞ւմ ես, սասց քիւրդը, ֆլան որ կայ՝ օձ է, այսպէս պէտք է ջախջախել նրան:

Ես պատասխան չունեի, ես դիտում էի: Արագիլն իջնում էր, կտցով հարուածում օձին եւ վրայից անցնում. այդ ժամանակից օգտուելով՝ օձն աշխատում էր փախչել, բայց հազիւ մի քանի օղակ արած, սարսափելի թշնամին սաւառնում էր նրա գլխին, օձը կրկին կծկում էր, կրկին ծածկում իր գլուխը: Իրաւունք ուներ քիւրդը, իմ էւ օձի վիճակի մէջ մեծ նմանութիւն կար: Օձի էլ ճակատագիրը հասել է, է՛լ փրկութիւն չունի, մտածեցի ես: Այս միտքը նոյնիսկ ինձ մի փոքր մխիթարում էր: Կամաց կամաց արագիլն աւելի յանդգնեցաւ, հարուածներն աւելի յաճախ եւ մահացու դարձան. վերջիվերջոյ օձին արդէն բաւական թուլացած համարելով՝ նա ցած իջաւ նրա կողքին եւ արդէն շուրջը քայլելով՝ երկար կտցով վերջին հարուածներն էր տալիս: Օձը շարունակում էր գլուխը թագցրած պահել, շարունակում էր ըստ երեւոյթին թոյլ թոյլ պաշտպանուել: Արագ-

գիլը խիստ մօտ էր նրան այժմ: Մեկ էլ յանկարծ մի զարմանալի բան պատահեց: Այդ կիսամեռ սողունը վերջին ճիգերը հաւաքեց, դուրս հանեց գլուխը, բացեց իր օղակները, պոչի վրայ ցցուեց, ձգուեց ինչպէս մի խարազան եւ մահացու օղակներով արագիլի երկար վզին փաթաթուեց: Ի զուր անցան արագիլի բոլոր ջանքերը դուրս կոր-գելու իր վիզը այդ մահաբեր օղակներից. նա թեւերը թափիթափ էր տալիս, կտուցը գետնին քսում, յետ յետ էր քաշում, ամաջ անցնում, գետնին թաւալում, փորձում էր վեր բարձրանալ, թռչել փախչել, - ապարդիւն ջանքեր... Օձի յուսահատ կատաղութիւնը զարհուրելի էր. նրա՝ օղակները սղմում էին ու սղմում, եւ վերջիվերջոյ թռչունը փռուեց բլրի կրծքին անկենդան... Օձը քաշուեց, անյայտացաւ:

Քիւրդը լուռ էր այժմ: Նա ինձ նայեց, մեր աչքերն իրար հանդիպեցին եւ մի քանի վայրկեան մենք անկարող եղանք հեռացնել իրարից մեր հայեացքները: Մեզանից իւրաքանչիւրն աշխատում էր հասկանալ, թէ ի՞նչ է մտածում իր հակամակոթող այդ թոպէին: Ոչ մի կասկած չկար, որ երկսիս գանգերի մէջ եռացող մտքերն էլ միմեանց վերաբերմամբ ահաւոր էին: Այդ մենք հասկանում էինք, կարդում էինք իրար աչքերում փոխադարձաբար. չէ՞ որ աչքերը մտքի ակամայ դաւաճաններն են: Ես հասկացայ, որ այդ գազանը օձի անակնկալ յաղթանակով կատաղած, որոշել է ինձ սպանել: Այդ ես շատ լաւ կարդացի նրա աչ-

քերում, որոնց արտայայտութիւնը այժմ աւելի չարագուշակ էր, օ՛, ես ճանաչում էի քիւրդի աչքերը: Բայց ես էլ էի մտածում: Օձի եւ արագիլի կռիւը իմ մէջ էլ մի փոփոխութիւն առաջ բերեց: Ես դեռ երբեք չէի լսել, թէ օձը արագիլին կարող է խեղդել. յայտնի է, որ արագիլն է օձի մահաբեր թշնամին, նրա մարմնացած ճակատագիրը. այդ ի՞նչպէս պատահեց, որ այսօր այդ ճակատագիրը սխալ դուրս եկաւ: Աստուած, որ չի թոյլ տալիս օձի նման զգուելի սողունն անգամ անարդար զոհ դառնայ արագիլին, նոյն Աստուածը մի՞թէ պիտի թոյլ տայ, որ այս քիւրդը, օձից տասն անգամ զգուելի այս արարածը իմ ճակատագիրը տնօրինի: Չէ, ճակատագիրը սխալ է, մտածեցի ես... պիտի ճար տեսնել:

Եւ ես սկսեցի մտածել երկա՛ր, երկա՛ր... Զնարք էի փնտռում. բայց ի՞նչ հնարք, մի դանակ էլ չունէի: Այդ բոպէին այցս ընկաւ քիւրդի այն սիրուն դաշոյնին, որ խրել էր իր գօտին... Ա՛խ, գոնէ այն իմ ձեռքում լինէր, միա՛յն այն:

- Գնա՛, որոտաց քիւրդը. ի՞նչ ես կանգնել:

Ես շարժուեցի, մենք մտանք մի ձոր, խուլ, ամայի ձոր: Քիւրդն սկսեց իր շուրջը նայել. նրա շարժումները անհանգիստ էին. երեւի չարագործն էլ իր անմեղ զոհի առաջ վճռական բոպէին գէթ մի փոքր դողալ գիտէ: Նա յաճախակ ցած էր առնում հրացանն ուսից, կրկին ուսն էր ձգում: Ես զգացի, որ մօտ է վախճանս, բայց այլեւս չէի ուզում մեռնել. երբ օձն ապրելու իրաւունք ունի,

մարդը, այն էլ հայ-քրիստոնեան չի կարող այդ իրաւութից զրկուած լինել: Ես կամաց-կամաց քայլերս նուագեցրի: Ես անելիք ունեի. ինձ համար անհրաժեշտ էր, որ քիւրդի առջեւը չլինեմ, դա վտանգաւոր էր:

- Շո՛ւտ, շուտ գնա՛, շտապեցնում էր քիւրդը: Նա աշխատում էր անդադար, որ ես իր առջեւը լինեմ. այդ ես գիտեի. իսկ ես աշխատում էի նրա հետ հաւասար գծով ընթանալ:

Կարծես թէ մենք հասկանում էինք իրար. մենք լուռ կուում էինք, կեանքի մահու կռիւ, որ ահաւոր էր մանաւանդ իր դաւաճան խոհրդաւորութեամբ:

Ես կանգ առայ յանկարծ. պետք էր տրեխիս թելը պնդացնել: Քիւրդը հասաւ ինձ, նոյնպէս կանգ առաւ: Ես առանց գլուխս բարձրացնելու վարից դիտեցի նրա դիրքը. նա իմ աջ կողմն էր ցցուած, դաշոյնի սպիտակ կոթը երեւում էր, գօտկի միջից:

- Շո՛ւտ արա՛, պրծի, ֆլա, կոչեց նա զայրացած, տեսնելով իմ դանդաղութիւնը:

Ես յանկարծ գլուխս բարձրացրի. քրդի գօտկից վայրկենապէս դուրս քաշեցի դաշոյնը, եւ մինչեւ որ նա ապշած ու սարսափած պաշտպանուելու որբէւ փորձ կ'աներ, փայլուն դաշոյնը մինչեւ կոթը ահագին թափով նրա կուրծքը մխեցի: Վայրենին ոռնաց եւ գետին գլորուեց... Ես փրկուած էի: Ահա այն փրկարար դաշոյնը...

Խայը դուրս քաշեց իր գօտուց մի փղոսկրէ կո-

թով դաշոյն ու դրեց բազմականների առաջ: Երբ ազգի առաջ փայլուն պողպատը պաղ պաղ փայլ էր արձակում: Ամենքը ծնկների վրայ ընկած, լուռ դիտում էին այդ ահաւոր գործիքը, որ մարդկային անզօր ձեռներում լուծել էր ճակատագրի բարդ հանգոյցը: Փոքրիկ, կորած, ողորմելի հայը հսկայ դարձաւ ամենքի աչքին. նա «աժդահա» էր, նա իշխում էր իր ճակատագրի վրայ, ծաղրում էր իր բախտը: Նա իրաւունք ուներ:

- Ես ճակատագրին չեմ հաւատում, կրկնեց վերստին հայը վեհ յամառութեամբ, բայց այդ բառերն այս անգամ ծիծաղ ու գայլոյթ չառաջացրին, այլ պատկառանք ու մտքե՛ր, մտքե՛ր, փրկարար մտքե՛ր, ազատի՛չ մտքեր, սրբազան խորհուրդներ:

Իսայը վերցրեց իր դաշոյնը, գօտիկը խրեց, դուրս գնաց գոմի դռնից, բազմականները մնացին լուռ...

Դրսում քամին շարունակում էր ոռնալ, բայց նա այլեւս չէր խօսում ճակատագրի հզօր ուժից: Զամու բազմազան աղաղակների մէջ մարդիկ այժմ կարդում էին պայքարի ու ազատութեան գոռ շեշտերը...

ՊԱՏԻԸ

Միքոյի յիշատակին

Շատախը ցնցուած էր: Լեռնէ լեռ, ձորէ ձոր Միքոյի անունն էր հնչում: Նա իր ընկերներով բուն էր դրել ժայռոտ բարձունքների վրայ եւ իր սարսափը սփռել ամեն տեղ: Թշնամիների համար դա մի առիւծ էր, որ յանկարծ դուրս էր պրծել երկաթեայ վանդակից եւ իր կրած ստրկութեան վրէժն էր պահանջում: Խաղաղութիւնը վրդովուած էր Շատախում. աւազակ քիւրդերը դողում էին. հայ գիւղերի պատուհաս Շաքիրը իր սեփական բնակարանի մէջ սոսկում էր նրա անունից եւ ի վերջոյ ճարը կտրած՝ գլուխն առնում կորչում: Հայերն օրհնում էին քաջին, աղօթում նրա կեանքի համար, բայց քիչ էին եւ այնպիսիները, որոնք անէծք էին թափում իրենց բարերարի գլխին. հիւանդ երեխան ե՞րբ չի անիծել բժշկին. ստրկական անզգայութիւնը հանգստի խաղաղութեան սիրահար է. քո՛ւն միայն քո՛ւն - ի՛նչ փոյթ, որ այդ քունը մահաբեր է: Բայց ոչ ոք այնպէս չէր անիծում Միքոյին, ինչպէս Զ... եցի Հայրօն:

Հայրոս չափազանց գոհ էր իր վիճակից, գոմում երկու լուծ հաստավիզ եզներ եւ մի քանի կթան, դաշտում լաւ վարելահողեր, որ իր ձեռքով մշակում էր: Ինքն էր, իր քոյրը եւ ծերունի հայրն ու մայրը - խաղաղ, սիրով ապրում էին: Ծշմարիտ է, վարուցանքի կիսից ասելին քրդերն էին տանում, շատ էր աշխատում՝ քիչ վայելում, բայց էլի մնացածը բաւական էր մի կերպ ապրելու համար - էլ ի՞նչ հոգս... Ասում էին, որ քիւրդերը հայ աղջիկ են փախցրել, որ զափթիւները հարեւանի տանը գիշերել եւ վիրաւորել են կնոջ պատիւը, որ ռեսի հարսին համբուրել է բեզը եւ այլն եւ այլն: Բայց այդ բոլորը Հայրոյին շատ քիչ էր հետաքրքրում. իրենք դեռ խաղաղ էին, Նազոյին ոչ ոք մինչեւ այժմ չէր ասել, թէ աչքիդ վերելը յօնք կայ, էլ ի՞նչ դարդ, ի՞նչ հոգս. ո՞վ է մեղաւոր, որ ուրիշները լաւ չեն նայում իրենց ընտանիքին. զափթիւն տուն եկաւ՝ թող ընտանիքը գիշերը տանից հեռացնեն. ի հարկէ, որ տանը մնան, զափթիւն էլ վատութիւն կ'անի, բեզն է կը համբուրի. դե՛ նրանք անօրէն են, անօրէն են, անօրէնն եղպես կը լինի: Այդպես էր մտածում Հայրոն եւ խիղճը հանգիստ էր: Ամէն առաւօտ, խարազանն ուսին, եզներն առաջն արած՝ դաշտ էր դնում, եւ երեկոյեան՝ քթի տակ երգ մրմալով՝ վերադառնում: Հայրոս էլ ի՞նչպես չանիծեր, չատեր Միքոյին, որ իր յանդուգն շահատակութիւններով իրար էր տուել քրդերին, զափթիւներին. նոյնիսկ՝ ծայն կար, թէ գիւղում պիտի պահականց էլ շինուի:

Եւ պահականոցը շինուեց հեց այն աղբիւրի մօտ, որից ք... գիւղի աղջիկները ջուր էին տանում: Եւ Զայրօն ատում էր Միքոյին ու իր ընկերներին: Սակայն մի դէպք այդ ատելութեան զգացմունքը էր անելի գօրացրեց:

Աշուն էր: Գիւղից շա՛տ հեռու, մի ամալի ձորակի մէջ, Զայրօն ակօսում էր իր վերջին վարելահողը:

- Բարի աջողում, Զայրօ՛: Նա յետ դարձաւ նայեց. Միքոն էր իր խմբով:

- Աստուծու բարին, պատասխանեց Զայրօն դժկամակութեամբ:

- Էդ ի՞նչ ես անում, Զայրօ:

- Վար եմ անում, չե՞ս տեսնում:

- Ինչի՞ համար է այդ վարը:

Զարցը տարօրինակ էր. Զայրօն պատասխանի փոխարէն՝ երկար նայեց Միքոյին, ապա մրմռաց.

- Ինչի՞ համար է. կ'ասես ինքը չի հասկանում, որ տուն ու տեղի տէր ենք, հացի հոգս պիտի քաշենք:

- Զա՛ց ես աշխատում հաա՛-ասաց խօսակիցը հեզնութեամբ- լաւ ես անում, հայրօ, լաւ ես անում: Բայց որ այդքան աշխատում ես, քիւրդ ու թիւրքը քեզ հաց թողնո՞ւմ են. տանդ հաց կա՞յ այժմ:

- Ապա չկա՞յ...

- Շատ ուրախ եմ, որ կայ: Թէ որ եղպես է, հարեան ջան, տեսնում ես, սար ու ձոր ընկած մարդիկ ենք, գեղերն էլ մտնել չենք կարող. մենք եզ-

ներդ կը պահենք, դու վազեվազ գեղ գնա, մի քիչ հաց բեր մեզ, հարեւան ենք, հայ քրիստոնեայ ենք: Ամբողջ մի օր է, որ բան չենք կերել:

Էդ էր պակաս. Հայրոն գնայ Ֆեդայիների, դա-
չաղների համար հաց բերի... Եւ փորձեց գլուխը ազատել, յոգնածութիւնը, գիւղի հեռաւորու-
թիւնը պատճառաբանելով, բայց ի գո՛ւր: Միքօս վերջիվերջոյ պահանջող, հրամայող, անողորմ հրամայող դարձաւ:

Ճար չկար:

- Աստուած ձեր գործին երբեք յաջողութիւն չտայ, միմռաց Հայրոն եւ եզները թողնելով՝ դէպի գիւղ գնաց:

Պահականոցի առաջեւից անցնելի՛՝ Եւ մի կանգ առաւ: Նրա գլխով մի զարհուրելի միտք անցաւ - չմտնե՛լ արդեօք յիսնապետին պատմել բոլորը եւ միանգամից ազատուել այդ դէւ Միքո-
յից: Եւ նոյնիսկ մի քանի քայլ արեց դէպի պա-
հականոցը, բայց հենց այդ րոպէին որտեղից որ-
տեղ՝ մի հատիկ անուն յիշեց, միակը, որ Եւ ո՞վ գիտէ երբ լսել էր ժամում, «Յուդա»... Եւ կանգ առաւ, շրթունքները մի քանի անգամ ինքնաբե-
րաբար հնչեցին՝ «Յուդա»... «Յուդա»... Եւ լսում էր այդ անունը, եւ նրան նոյնիսկ թւում էր, թէ ին-
քը չէ ասողը, այլ մի ուրիշ խորհրդաւոր անձ նրան կանչում է՝ «Յուդա»... «Յուդա»... Հայրոն արագութեամբ անցաւ պահականոցի առաջից, Եւ մինչեւ անգամ մի փոքր էլ վազեց... Եւ փախ-
չում էր գայթակղութիւնից...

Եւ Միքոն ստացաւ հացի պաշարը: Բայց այդ ծանր փորձութիւնը կրկնապատկեց Յայրոյի ատելութիւնը: Նա կ'ուզէր, որ Միքոյին բռնէն սպանեն, քերթեն, անյայտացնեն, բայց ինքը մաս չունենայ այդ բանում: Նա ոճրից վախճնում էր:

Էլի օրեր անցան:

Յայրոն նորից ընկաւ իր սովորական աշխատութիւնների յետեւից, նոյնիսկ մոռացաւ էլ Միքոյին...

Աշնանային մռայլ, ամպամած երեկոյ էր, երբ Յայրոն տուն էր դառնում դանդաղ ու անհոգ, ինչպէս այն զոյգ եզները, որոնք ականջները կախ գգած օրօրուելով առաջ էին շարժում: Եզները որոճում էին, Յայրոն էլ երգ էր մրմռում: Պահականոցի առաջ նա կանգ առաւ քարացած: Նրա ականջին մի այնպիսի կանացի ձայն հասաւ, մի այնպիսի ճիչ, որ նա մինչեւ իր ոսկորների ծուծը դողաց... Անասուններն անգամ, իրենց ականջները խլշեցին այդ ձայնից, Յայրոն ինչպէս չորդար... Ներսում մի ոճիր էր կատարում... Չոհը կին էր, աղբիւրի մօտ երեւում էր մի սափոր: Յայրոն ուզեց նորէն փախչել - ուրիշ ի՞նչ անէր. ներս մտնե՞լ, օգնութիւն աղաղակել, ո՞վ, Յայրոն... Բայց նրա ի՞նչ բանն էր խառնուել ուրիշի գործին. ո՞վ գիտէ ում աղջիկն է, եւ նա մի քայլ ձգեց, սակայն երկրորդ քայլն անել անկարող էր... Յայրոն զգաց, որ ինքն անկարող է հեռանալ այդտեղից, ասես թէ նրան մեխեցին պահականոցի առաջ... Չարհուրելի չարիքի հանդէպ զարթած առաքինութեան հզօր ձայնն էր, որ նրան դիւթեց, կաշ-

կանդեց իր տեղում հակառակ իր կամքի:

Մեկ էլ յանկարծ զափթիւների ձեռքից պոկուելով դուրս փախաւ մի կին սրտաճմլիկ ճիչով եւ Զայրոյի փաթաթուեց:

- Ամա՛ն ախպեր, ազատիր ինձ...

Նազօ՛ն էր...

Ամպերը որոտացին, կայծակը ճայթեց, Զայրոյի աչքերը մթնեցին. նրան թւում էր, թէ տիեզերքը կործանւում է, աշխարհը վերջ է առնում... Նա ինքն էլ չգիտեր թէ ուշաթափ քրոջն ինչպէս տուն հասցրեց: Յետոյ խարազանը դէն շարտեց, տան մի անկիւնը քաշուեց եւ կատաղութիւնից լաց եղաւ, երկա՛ր, երկա՛ր... Վաղուց նա լաց չէր եղել: Արցունքի խոշոր կաթիլները թափւում էին ամենքի համար, բոլոր վիրաւորուած, անպատիւ եղած հայ կանանց ու աղջիկների համար, որոնց ցաւն այժմ միայն զգաց նա:

Արդէն գիշեր էր, երբ նա կանգնեց, սրբեց աչքերը, տան մի անկիւնց վերցրեց երկար կոպալը... Զայրը հասկացաւ, որ Զայրօն հեռու տեղ է գնալու...

- Ո՛ր կ'երթաս Լա՛օ, քե՛ մեռնիմ, դուրսը մութճռիկ, երկիրը՝ չար, երկինքը սեւ, չորս կողմերս կուսի-արնի ծով, ես բէխեր սիւսթին ո՛ր կ'երթաս, Զա՛յրօ ջա՛ն:

- Չեմ կարող, հա՛յր, էլ չեմ կարող: Ես տեսայ, ես կոյր աչքերս տեսան, չեմ կարող տանել, ես պետք է երթամ... Անձրեւ է գալիս, անելի լաւ, թո՛ղ գայ, թո՛ղ կարկուտ էլ գայ. թո՛ղ քարեր, պետ պետ

քարեր թափուկն երկնքից ես գլխիս... Օ՛, ես անիծում էի Միքոյին, ես անիծեցի նրա գործը, եւ իմ շրթունքները չայրուեցին, եւ ես չը պապանձուեցի, ինչո՞ւ Աստուած: Թէ Միքոյի գործն անիծուած է, ո՞րն է օրհնուած, ի՞նչ... որ դատեմ քրդերն ուտե՞ն, քոյր պահեմ որ զափթիէն տանի՞... Զօ՛, թաղեմ ես գլուխը... Դեռ զդակ էլ ունիմ... Զայրոյին գդա՞կ... ինչո՞ւ, ի՞նչ իրաւունքով... Դէ ասա՛, բոլոր կնիկներն էլ պիտի գդակ դնեն էլի՞... Եւ նա խլեց գլխից իր քօլօզը, զարկեց գետնին եւ դուրս գալով կորաւ խաւարի եւ անձրեւի մէջ... Պետք էր Միքոյին գտնել:

Երկար ժամանակ նա գնում էր մտքում կրկնելով՝ Միքօ՛, Միքօ երբեմն վազում էլ էր: Անձրեւը ծեծում էր նրան, քամին խառնում էր մազերը, խճըճում գլխին, բայց նա շարունակում էր վազել անընդհատ, ինչպէս մի զայրացած գիշերային ոգի, որ փնտռում էր իր գոհին, կամ ինչպէս մի մեռելի ուրուական, որին մօր անեծքը հալածել է իր գերեզմանից այդ զարհուրելի ժամին...

Երկա՛ր գնաց... Դեռ խաւար էր. յոգնած նստեց մի քարի վրայ, մտածեց: Օ՛, զարհուրելի բաներ էր մտածում... Նա կ'ուզեր այդ ժամին բոց դառնալ, հրդեհել ամբողջ աշխարհը, որպէսզի այն պահականցն էլ իր զափթիէներով այրուի, մոխիր դառնայ. պէտք էր վրեժ առնել, պէտք էր մահու գնով սրբել քրոջ պատուի անարգանքը... Բայց ի՞նչպէս... Նա նորէն յիշեց Միքոյին: Գտնել նրա՞ն... Օրեր ու շաբաթներ թափառեց Զայրօն,

գտաւ Միքոյին եւ նրա ոտներն ընկաւ.

- Էլ չեմ կարող ապրել, չեմ կարող խմբապետ. մորթեցէ՛ք, քերթեցէք ինձ, դիակս շներին ձգեցէք, ի՞նչ հարկաւոր է այսպիսի կեանքը... Օ՛, ինձ ասում էին, ինձ պատմում էին, բայց ես ուրիշի ցաւը չէի հասկանում, իմ միտը չէին կտրել, իմ սիրտը չէին ծակել, իմ քոյրը չէր պղծուած, ես անզգայ էի: Այժմ... այժմ սպանեցէ՛ք ինձ, միայն թէ առէ՛ք Նազոյի վրեժը: Կոտորեցէք, այդ պահակատունը, կոտորեցէ՛ք զափթիւներին, օ՛ կոտորեցէ՛ք բոլոր զափթիւներին, առէ՛ք բոլոր հայ կոյսերի վրեժը...

Եւ նա մռնչում էր ցաւից, տրորում էր, չանգռում էր կուրծքը: Նա այրում էր ինչպէս բոցերի մէջ: Դեռ երբեք անսիրտ ապերախտութիւնն այդ աստիճան անողորմ կերպով չէր պատժուած, երբեք ապաշխարութիւնն անելի անկեղծ, անելի դառն չէր եղած: Եւ Զայրօն հայդուկ դարձաւ: Նա սեղմեց իր այրուած կրծքին պաղ հրացանը, բայց թախիծը նրանից չհեռացաւ. բոց ուներ ներսում. քրոջ անպատուութիւնը նրան հանգիստ չէր տալիս: Նրա ամենասուրբ ցանկութիւնն էր տեսնել պահականոցը, այդ արագակների բոյնը բոցերի մէջ եւ պահակները խողխողուած, ապա շունչը փչել հանգիստ: «Խմբապետ, կրկնում է նա յաճախ, դժոխք ուղարկես կ'երթամ, գլուխս. հազար մահու կը տամ, միայն վախենում եմ աչքերս չտեսնեն պահականոցի ջարդը»:

Զասաւ վերջապէս Զայրոյի համար սրբազան

վրեժխնդրութեան ժամը:

Ուշ աշուն էր, խաւար գիշեր: Բ... գիւղը գնեց երկչոտ քնով: Այն երկրում ուր Շատախն է, գիւղերը չեն քնում, այլ մեռնում են գիշերները վտանգի ահից: Անքուն էր միայն Նազօն: Իր անարգանհից ու եղբօր անյայտանալուց յետոյ նա քուն չունէր, նա տանջւում էր, նա սպասում էր եղբօրը... Զեռու մի շուն ոռնաց ողբաձայն, տխուր. ապա կաղկանձելով նրան ձայնակցեցին մի քանի ուրիշները. կազմուեց մի չարագուշակ, այլանդակ համերգ - միակ նշանը թէ գիւղում բնակիչներ կայ: Յանկարծ մի հրացանի տրաքոց, գիւղն էլ աւելի կծկուեց, ո՛չ մի դուռ չճռնչաց... Նորէն հրացանի պայթիւն եւ ապա անընդհատ, միահամուռ գոռոց գնդակների...

Նազօն կամացուկ նստեց անկողնի մէջ: Նա ականջ էր դնում... Զրացանների գոռոցի մէջ նա եւ մարդկային ձայներ էին լսում ուղիղ պահակատան կողմից: Նազօն ցնցուեց: Նրան յանկարծ թուաց, որ այդ բոլորն իր անձի հետ ինչ որ կապ ունի: Մի ներքին ձայն նրան ասում էր, որ ինքն է այդ ահաւոր հրացանաձգութեան, այդ աղմուկների պատճառը, որ անպատուութեան վրեժն է լուծում, որ այնտեղ Զայրօն...

Նա կամացուկ շորերը հագաւ, վեր կացաւ, դուռը բացեց զգուշութեամբ եւ բարձրացաւ կտուրը: Տեսարանն ահաւոր էր... Ամբողջ գիւղը լուսաւորուած էր. պահականոցը վառւում էր բոցերի մէջ եւ այդ հրդեհի շուրջը կատաղի կռիւ էր

մղում, հրացանները ճայթում էին անընդհատ: Նազոյի յուզուած կուրծքը բարձր ու ցածր էր լինում... Նա ե՛լ սարսափում այդ կատաղի որոտներից, ե՛լ հաճոյքով էր դիտում հրդեհի բոցերը: Օ՛, սրբազան բոցեր, որուն լիզում, մաքրում էին նրա պատուի վրայի կեղտն ու արատը: Այն միտքը, թէ իր եղբայրն այնտեղ է, այդ կռուի մէջ է, գուցէ այդ բոցերի մէջ, գուցէ վիրաւոր, նրան մի անօրինակ քաջութիւն ներշնչեց. նա համարեա անյաղթելի պահանջ զգաց այնտեղ լինել, այդ բոցերի մօտ, իր եղբօր կողքին, մօտիկից տեսնել իր դահիճների կոտորածը, լսել նրանց մահամերձ հռնդիւնները, նրանց հառաչանքն ու ճիչը, տեսնել իր եղբօրը եւ նրա ընկերներին իրենց սրբազան գայրոյթի, սրբազան ոգելորութեան մէջ...

Եւ ահա նա ցած իջաւ կտրից եւ ոլոր մոլոր փողոցներով դեպի պահականոցը վազեց: Մինչ այդ՝ պահականոցի ջարդը շարունակւում էր: Չինուորներից ոմանք ոռնում էին բոցերի մէջ խորովուելով, ուրիշները դուրս գալ փորձելով՝ ընկում էին հայդուկների գնդակներից, ոմանք գլուխները կորցրած խելագարի պէս դես ու դէն էին վազում: Կատաղի, անգութ էր մանաւանդ մի հայդուկ. մի թիկնաւետ, բարձրահասակ գեղջուկ, որի գլուխը փաթաթուած էր միայն մի լաթի կտորով: Խմբապետը՝ Միքօս որոտագին հրամաններ էր արձակում: Բոցերով լուսաւորուած այդ գայրացկոտ դէմքերը զարիւրելի էին: Մէկ էլ յանկարծ բոցերի միջից մի վերջին գնդակ թռաւ.

գլուխը թաշկինակով ծածկած մարդը երերաց, գունատուեց: Չէնց այդ լույսին Նազոն գրկեց նրան:

- Վա՛խ, քոռանամ ես, Չայո՛՛ջ ջան...

Եղբայրը քնքշութեամբ փարեց քրոջ վզին եւ համբուրեց նրան... Չայոն գունատ էր, շրթունքները դողդողում էին. նա կամաց-կամաց իր ամբողջ մարմնով ծանրացաւ քրոջ ուսին: Կրծքի վերքից հոսում էր արիւնը: Զոյրը սեղմեց ձեռքը վերքի վրայ եւ կրկին ու կրկին համբուրեց եղբոր գունատ ճակատը...

Չայոն աւելի եւ աւելի կախուեց, ծանրացաւ քրոջ ուսին եւ նա հազիւ կարողացաւ թոթովել.

Նազո՛՛ջ ջան. հիմա կարող ես գդակը գլխիս դնել...

Վրեժխնդրութեան բոցերը լուսաւորում էին պատուի նահատակի գունատ դէմքը: Նա մեռնում էր, բայց քրոջ անարգանքը սրբուած էր...

1899 թթ.

ԵԼ ՄԻ ԱՂՕԹԻՐ

Թ. գիւղից հիւսիս մի ժայռ է ցցուած, բարձր, այլանդակ. ոչ ոք չի բարձրանում նրա անձոռնի, հպարտ կատարը. միայն գիշատիչ թռչուններն են պատառոտում այնտեղ իրենց արիւնտ որսը կամ հանգիստ առնում երկար թռիչքից յետոյ, եւ անդադրում, թափառական քամին է գալիս այնտեղ փնտռելու իր մի կորուստը, որ երբեք չի ունեցել եւ կարծես զայրացած՝ ժայռի յամառ, դարաւոր ամրութիւնից՝ մերթ զայրոյթից մռնչալով եւ մերթ լալագին՝ հեռու է փախչում, գնում է մայր եթերին պատմելու իր ցաւը, որ ոչ սկիզբ ունի եւ ոչ վախճան: Այս ժայռի մէջքին յենուած են մի շարք այլ բլուրներ, մի շարք այլ ժայռեր, որոնք կարծես խօսքերը մէկ արած՝ յետեւից հրում, հրհրում են առաջին ժայռին, որ շարժեն, տեղահան անեն: Սակայն անհոգ է առաջին ժայռը, եւ որպէս մի հսկայ, որ իր մեծ ուժի գիտակցութիւնն ունի, մէջքը դէմ է տուել ամենքին թափին եւ անսպառ համբերութեամբ պահում է նրանց անվերջ, յաւիտեան: Կարծես նա գիտէ, որ առանց իրեն հազարաւոր ժայռեր մէկ մէկի վրայ դէպի վար,

դեպի Թ... գիւղը կը թափուեն եւ շեղջակոյտերի տակ կը ծածկեն բոլոր բնակիչներին, որոնք նրա ուժին ապաւինած՝ հաստատուել են նրա ստորոտում: Կայծակն է ճայթում նրա կատարին, շանթի բոցերն են լիզում գլուխը, կարկուտն է թափուում, անձրեւը ողողում, խստաշունչ ձմրանը ահեղ փոթորիկն է անհասկանալի կատաղութեամբ ձմրանը ահեղ փոթորիկն է անհասկանալի կատաղութեամբ աշխատում շարժել, գլորել նրան,- բոլորն էլ ի գո՛ւր... Տարիները գլորում են տարիների յետեւից եւ ժայռ այնտեղ է միշտ-անխախտ, անսասան, սեւացած, մռայլ, անճոռնի դիրքով, որպէս ծեր հսկայ, որ մէջքին դրած ահագին բեռի ծանրութիւնից միայն նօթերն է կախել, յօնքերը կիտել: Ծոգ ամրանը, երբ կենդանիներն ու մարդիկ տօթից խեղդում են, երբ զով քամիները կարծես խռոված փախուստ են տալիս խանձուած երկրից եւ արեւը վերից իր կիզիչ շողերով կրակ է մաղում ամեն կողմ, ժայռի ստորոտում խիստ ստուեր է լինում: Այստեղ շատ մօտ է Տեր Սարգսի տունն ու իր կալը. ծերունի քահանան ժայռի ստուերում սիրում է հանգիստ առնել կալում երան անելուց յետոյ: Յաճախ այդ ժամերին հաւաքւում են այստեղ ռեսն ու միւս գիւղացիները եւ խօսում են իրենց աշխատանքներից, իրենց ցաւերից, հոգսերից: Թ... գիւղն այցելող բեգերն ու շէյխերը իրենց խուլամներով եւ տաճիկ պաշտօնեաներն իրենց դափիթիւներով ամառ ժամանակ այս ժայռի զով ստուերումն են հանգիստ

առնում եւ հիւրասիրում: Նրանց ձիերն էլ այնտեղ տեղ ունեն. ժայռի մէջ՝ ո՞վ գիտէ ե՞րբ եւ ո՞ւմ ձեռքով փորուած են կանթեր, որոնցից կապում են ձիերը: Տարիների ընթացքում ինչե՞ր է տեսել եւ լսել այս ժայռը, եւ սակայն լուռ է...

Դարձեալ ամառ էր, դարձեալ շոգ-կրակ, բայց կալերում կենդանութիւն չէր երեւում եւ ժայռի ստորոտում ոչ ոք չկար: Գիւղի փողոցները դատարկ էին, այդ օրը գիւղացիք ամենքն էլ եկեղեցում էին: Ժամատրները մեծ ու փոքր, մարդ ու կին, շրջապատել էին երկու դագաղներ եւ Տէր Սարգսի թաղման կարգ էր կատարում: Վեց ամիս առաջ էր ընդամենը, որ Մուրոն ու Նավօն բանտ տարուեցան, եւ այժմ նրանց բանտից դուրս բերեցին մեռած: Ասում էին, որ հիւանդացել են ու մեռել: Բայց ինչո՞ւ էին բանտ տարել, այդ մարդ չիմացաւ, ոչ զոհերը եւ ոչ նրանց հարեւանները: Մարդիկ չհետաքրքրուեցին նրանց վիճակով. ամբողջ գիւղում միայն Թաթուլն էր, տէր Սարգսի տղան, որ կնճռեց իր ճակատը, կրծոտեց շրթունքները, մի փոքր դես ու դէն ընկաւ, ինչպէս ցանցում բռնուած թռչուն, որ թռչկոտում է, ելք է փնտռում եւ իր ճիգերի անզօրութիւնը տեսելով հանդարտւում, լռում: Եւ միայն այսքան: Դեռ փոքր հասակից գիւղացիք նրան «Նաղինջ» Թաթուլ կոչեցին, որովհետեւ գիւղում կատարուած յաճախակի անարդարութիւնները զայրացնում էին Թաթուլին: Եւ երբ մէկին թակում էին եւ կամ բանտարկում, երբ կողոպտում էին եւ կամ

անպատիւ անում, Թաթուլը կրծոտում էր շրթունքները եւ մռայլում... Թաթուլը գիտեր, որ մի բան պետք է անել, որ այդպես չէ կարելի, բայց թե ի՞նչ, այդ էր, որ նա չգիտեր:

Այսօր այդ «ի՞նչը» կարծես նրա համար լուծում էր. նա մռայլ էր, մտազբաղ եւ յափշտակուած: Նա կրծոտում էր շրթունքները եւ մոռանում էր նոյնիսկ ժամանակին խնկարկել, բուրվառը շարժել: Նա նայում էր մեռելների դէմքերին մի այնպիսի յամառ ուշադրութեամբ, որ կարծես թէ իր ճակատագիրն է կարդում այնտեղ: Նավոյի եւ Մուրոյի դէմքերը նման չէին ո՛չ մի մեռելի դէմքի. սրանց արտայայտութիւնը անօրինակ էր, անհասկանալի, բայց բազմախորհուրդ: Թաթուլն աշխատում էր հասկանալ այդ արտայայտութիւնը, աշխատում էր խորը թափանցել ընդմիշտ բաց մնացած նրանց աչքերի մէջ: Թաթուլի համար դրանք երկու դէմքեր չէին, այլ երկու խորհրդաւոր հանելուկներ, որ նա լուծել էր աշխատում...: Ահա թէ ինչու նայում էր եւ մոռանում խնկարկելը: Նրան թւում էր, որ Մուրօս եւ Նավոն փչել են իրենց վերջի շունչը առանց ասել կարողանալու ինչ որ զարմանալի բաներ, որ միմիայն իրենք գիտէին եւ որ կ'ուզէին ասել նրան՝ Թաթուլին, ասել Թ... գիւղիկ, ասել նոյնիսկ ամբողջ աշխարհին: Երկու դէմքերն էլ կարծես թէ մի երկու ժամի կեանք էին խնդրում, որ խօսեն, դուրս թափեն սրտերի թոյնը, պատրաստ այնուհետեւ հազար մահով մեռնելու: Թաթուլը չէր ուզում, որ

այդ գաղտնիք գերեզման իջնի, ծածկուի յաւիտեան, նա շարունակում էր նայել, նայել... Մի րոպե նրան թուաց նոյնիսկ, որ Նավոյի շրթունքները շարժուեցին, որ նա բաներ շնչաց. Թաթուլը տեսաւ մինչեւ անգամ, որ մեռելի գլուխը շարժուեց, բարձրացաւ. սրտի սաստիկ տրոփիւնով՝ մոռացած ե՛լ իր բուրվառը, ե՛լ յուղարկաւորների բազմութիւնը, նա խորին յուզմունքով ամաչացաւ, մի փոքր կռացաւ դէպի մեռելը, որպէսզի լաւսի նրա զարհուրելի պատմութիւնը, բայց հեկց այդ րոպէին հայրը զայրացած գոչեց.

- Թա՛թուլ, ի՞նչ է պատահել քեզ, բուրվա՛ռը:

Նա յետ յետ քաշուեց, մեռելների դէմքերն անշարժ էին, գլուխներն իրանց տեղերում. նա շարժեց բուրվառը, բայց բոլորովին հակառակ կողմը: Այս բանը եւս առաւել ապշեցրեց ամենքին: Տէրտերը վերջին անտարանն էր կարդում եւ մեռելների հակառակ կողմն անցաւ: Թաթուլը գոհ եղաւ, այժմ շատ մօտիկից կարող էր դիտել նրանց դէմքերը եւ... նայում էր... Նավոյի յօնքը շախջախուած, կապտած էր, Մուրոյի աչքի տակ կար մի մեծ կապոյտ նշան, իսկ բաց մնացած աչքերը արտեւանունքներ չունէին, փետուած էին: Մուրոյի վերին շրթունքը պատռուած էր եւ նրա բացուածքից երեւում էին լնդերը՝ փշրուած ատամներով:

Դէմքերն այժմ էլ լուռ չէին: Նրանք խօսում էին աչքերով, յօնքերով, շրթունքներով, պատմում էին Թաթուլին սարսափելի բաներ... Այժմ նա գի-

տեր, թե ի՞նչ է նշանակում այդ տարօրինակ արտայայտությունը, որ ո՛չ մի ուրիշ մեռելի դեմք չի ունեցել. գիտեր Սուրոյի եւ Նավոյի գաղտնիքը, որ էլ գերեզմանը ծածկել չէր կարող, գիտեր, թե ի՞նչ է նշանակում տաճկական բանտ, տաճկական արդարադատություն...

Թաղումը վերջացաւ: Կալերում աշխատանքը վերսկսուեց:

Ճաշ էր: Թաթուլն ու հայրը պատրաստուում էին Յէշան անել. երկու դեզերի առաջ հայր եւ որդի մի փոքր վիճեցին. մեկն առաջարկում էր փոքրը քանդել. միւսը դեպի մեծն էր դիմում տեր Սարգիսը առարկություն չէր սիրում, ուստի երկմատենը ձեռքին առաջացաւ դեպի մեծ դեզը. Թաթուլն այդ թոպէին մի այնպիսի շարժում արեց, որ կարծես կամենում էր արգիլել հորը մօտենալ մեծ դեզին, յետոյ մի թոպէ կանգնած մնաց մտազբաղ, յանկարծ ձեռքով մի ջլուտ շարժում արեց եւ մի խիստ որոշում կայացրած մարդու համարձակութեամբ՝ հաստատ քայլերով ինքն էլ մօտեցաւ միտենոյն դեզին:

Հայր եւ որդի միաժամանակ տնկեցին իրենց եկրմատենները մի մի խրձի մէջ, վեր բարձրացրին եւ միաժամանկ, ասես սառած, կանգ առան առանց կարողանալու խրձերն այս կամ այն կողմը ձգել... «Տէ՛ր, մի՛ տանիր զմեզ ի փորձություն»

մրմնջաց տերտերը. ապա նա ձգեց խուրձն ու երկմատենը, սաստիկ սպրտնած յետ յետ քաշուեց՝ սարսափած նայելով այն խոռոչին, որ բացուել էր դեզի վրայ երկու խրձերից վերցնելուց յետոյ՝ կարծես թե ահաւոր օձեր էին բուն գրել այնտեղ... Յետոյ կրկին կարծես թե վախենալով զարթեցնել շողի ձեռքից մնջած միջատներին անգամ: Մեկ էլ նայեց դեպի խոռոչի մէջ, նրա շունչը բռնւում էր յուզմունքից, նա գլուխը բարձրացրեց եւ հօր ու որդու հայեացքներն իրար հանդիպեցին: Մի փոքր ժամանակ նրանք լուռ նայում էին իրար: Որդին համարձակ, իսկ հայրը սարսափած: Այնտեղ, դեզի խոռոչի մէջ, արեւի կիզիչ շողերի տակ փայլվում էին մի քանի հրացանների փողեր. հայրը ձեռքը մեկնեց դեպի այդ սարսափելի խոռոչը եւ սղմած ծնօտների միջից գոյեց:

- Սրանք... դո՞ւ...

- Ե՛ս:

- Չա՞րը քեզ կապեց, խե՞լքդ յանկարծ թռաւ, թէ Աստուած անիծեց քեզ էլ, իմ օջախն էլ:

- Ո՛չ չարը կապեց, ո՛չ խելքս է թռել, ո՛չ Աստուած անիծեց մեզ եւ մեր օջախը: Այս գործի համար Աստուած թէ անիծի՛...

- Ապա ի՞նչպես այդ բաներն ընկան տեր Սարգսի կալը, աշխարհում էլ տեղ չը կա՞ր, ո՞ր սատանան խրատեց քեզ:

- Հա՛յր, տեսա՞ր դեմքերը...

- Ի՞նչ դեմքեր:

- Տեսա՞ր Սուրոյին եւ Նավոյին դեմքերը...

- Գ ա՛, տեսայ երկու մեռելի դեմք: Նրանցից առաջ շատերն են տեսել, այսուհետեւ էլ կը տեսնեմ ուրիշները. ո՛չ ոք անմահ չէ:

- Զա՛յր, մեռել էլ կայ, մեռել էլ, այս երկուսը մեռած չէին:

Մուրօսն եւ Նավոն, չէ՞ որ բանտից մեռած բերին նրանց:

- Այո՛, բանտից բերին, բայց նրանք մեռած չէին: Նայեցի՞ր դեմքերին նրանք խօսում էին, եւ ես լսեցի նրանց ասածները, երբ բուրվառ էի ձգում: Նրանք բաներ փսփսացին եւ ես հասկացայ, եւ ի՛նչպիսի բաներ... Վա՛յ նրանց, որոնք չէն լսի: Նրանք ինձ ասացին, ա՛ն հրացաններ եւ տուր ամենքին, ով գլխին կրում է քօլօզի մի կտոր, ով որ կնիկ չէ, ով որ իր կրծքի տակ քարի փոխարեն մի սիրտ է կրում զգալու ընդունակ, որ ուրիշի լացը լսելիս մորմոքալ գիտէ, կսկծալ գիտէ, որ խուլ չէ եւ լսում է իր շուրջը հնչուող աղեխարշ ձայները, որ կոյր չէ եւ տեսնում է, թէ ինչե՛ր են կատարում այժմ մեր սեւ երկնքի տակ: Եւ ես առայ այս գեղքերը, ե՛ս, քո որդին... Անիծիր ինձ, եթէ կամենում ես, հօր անեծքը զարհուրելի է, բայց այս մեր վիճակն էլ անուն չունի:

Մի փոքր ժամանակ լռութիւն տիրեց:

- Ես չեմ անիծի քեզ, որդի, ասաց տերտերը մի փոքր հանդարտուած, տեսնելով որդու յուզմունքը... Ես չեմ անիծի, իմ շրթունքներից անեծք չի դուրս գայ, այլ միայն աղօթք, այժմ էլ կ'աղօթեմ քեզ եւ բոլոր աշխարհի համար:

Աղօ՛թք, ի՞նչ եղաւ քո աղօթքը, երբ փշրում էին Նավոյի ատամները, երբ ջարդում էին նրանց յօնքերը, փետում արտեւանունքները, մնացածը բանտի պատերից հարցրու: Ոչ, հայր, ես էլ չեմ աղօթի. այս ձեռքը էլ երբեք բուրվառ չի ձգի, այս շրթունքներն էլ երբեք աղօթք, աղաչանք չեն արտասանի, իմ կրծքից երբեք էլ հառաչանք ու հեծեծանք չի դուրս գայ. այս սեւ ժայռը, մեր անարգանքի, մեր ստրկութեան, մեր ցաւ ու հոգսերի այս դարաւոր վկան էլ երբեք իմ բերանից չի լսի մի բառ, որ ամօթ բերեր մի տղամարդի: Այսուհետեւ աղօթքի փոխարէն այսպէս պիտի գործեմ ես, եւ եթէ այս հաճելի չլինի Աստծուն, ես կը բողոքեմ նրա դէմ անգամ, ես կը գոչեմ աշխարհովս մէկ, թէ արդարութիւնը երկնքից չի գալիս, թէ անարդարութեան, չարագործութեան նիւթող, հովանաւորող է Աստուած... Բայց այդ անկարելի է, ես համոզուած եմ, որ երկինքն էլ կ'օրինի իմ ճանապարհը...

- Լսի՛ր ինձ որդի, ես ծեր եմ, փորձուած, դու ջահիլ ես անփորձ, խօսածներդ չարի թելադրութիւն են: Զայ քրիստոնեան նման է այս ժայռին, թշնամիները փոթորիկներ են, որ կ'անցնին նրա կատարով ամանց, խորտակել կարողանալու նրան: Զանգիստ եղիր եւ աղօթիր Աստծուն. իսկ այս բաները հէնց այս գիշեր այնպէս անյայտացրու, որ աշխարհում ոչ ոք չլսի քո ոտնաձայնը:

- Զէնց այս գիշեր ես կը հեռացնեմ նրանց, բայց իմացիր, որ ինձ այլեւս չես տեսի... Ես կ'երթամ

այնտեղ, ուր հոսում է արիւն, ուր թափւում է արցունք եւ ուր թշուառ մարդը ծանր հարուածի տակ միայն չի աղաչում, հապա նաեւ բողոքել գիտէ, կռուել գիտէ. կը գտնեն ձեռներ, որ մահի հետ միասին այս մահի գործիքն էլ բռնել գիտեն: Եւ երանի թէ երբեք երբեք չլիշես ինձ...

Եւ նոյն գիշերը հեռացաւ Թաթուլը:

Մի ամբողջ շաբաթ էր, որ Զաքքի բեզը ժայռի ստուերում վայելում էր տէր Սարգսի ճոխ սեղանը: Նրա սովորութիւնն էր ամէն ամառ մի քանի օրով «հիւր» գալ իր «քիրվա քէշիշին»: Բայց երբեք այսքան երկար չէր մնացել: Այս հանգամանքը չարագուշակ էր թում թէ՛ քահանային եւ թէ՛ գիւղացիներին. ամէնքը վախենում էին տերտերի աղջիկ Գոհարի համար, որի գեղեցկութեան հռչակը տարածուած էր շրջակայքում: Տերտերը աղօթքի մրմունջները շրթունքներին աշխատում էր ամէն կերպով գոհ անել բեզին, եւ նա յոյս ուներ: Էլի մի քանի օր անցաւ, եւ մի երեկոյ նա տուն մտաւ երերալով ուժասպառ, ու երբ գիշերն ամէնքը քնեցին, նա երկա՛ր, երկա՛ր աղօթեց. նրա ծեր աչքերից հոսում էին դառն արցունքներ, նա հեկեկում էր երեխայի պէս:

- Ինչո՞ւ ես արտասուում, հարցրեց տիրուհին, չլինի Թաթուլին...

- Երանի՛ր թէ իմ արցունքները միայն Թաթուլի

պատճառով լինեին, կնիկ: Աստծու պատիժը վրայ է հասել մեզ. բեզը...

- Բեզը, ի՞նչ:

- Գոհարին է ուզում... թե չէ, ասում է... գիւղը կ'աւերեմ, կրակ կը տամ:

Կուրացէ՛ք աչքեր, խլացէ՛ք ականջներ, այս էլ պիտի տեսնեի, այս էլ պիտի լսեի, սրա՞ համար եմ ապրում, եւ կինը երկու ձեռքով խփեց գլխին ու կռացաւ:

- Կնիկ, ես աղաչեցի, արիւն-արցունք թափեցի, ձեռքերը համբուրեցի, այս ճերմակ միւրուքս ու մագերս նրա ոտների փոշու տակ տրորեցի, բոլորն ի գուր: Գիւղը կը կոտորեն... Օ՛ֆ, Աստուած, ո՞ր մեղքիս համար...

Լռութիւն տիրեց:

Ես արթուն եմ հայր, գոչեց Գոհարը յանկարծ: Ես բոլորը լսեցի. բեզն ուզում է ինձ... Սե՛ւ, սե՛ւ օր, սեւաւո՞ր գլուխ...

Ապա նա վեր ցատկեց անկողնից կիսամերկ, ձգուեց իր ամբողջ սիրուն հասակով, որ գծագրւում էր կիսախաւարի մէջ ինչպէս մի զայրացած ոգի, եւ շարունակեց.

- Յա՛յր, գթոտ եղիւր. ասա՛ ինձ գոնէ, ո՞ւր է իմ Թաթուկը, ո՞ւր է իմ եղբայրը. չէ՞ որ եղբօր հօօր ձեռք պիտի պաշտպանի քրոջ պատիւը. ո՞ւր է այդ ձեռքը. զո՞ւր է ուրեմն որ խեղճ քոյրերը ջիւան եղբայրների արեւովն են երդում, նրանց ցան առնում. նրանց գլխով պտոյտ գալիս... Այս իմ սեւ օրին ո՞ւր է Թաթուկը, ո՞ւր է իմ եղբայրը,

դու գիտե՞ս չէ՞, հայր: Ա՛խ, քանի՛ անգամ ես քեզ հարցրել եմ, քեզ աղաչել, պաղատել եմ, եւ դու միշտ լռել ես: Չէ՞, նա այստեղ լինէր, բեգն ինձ չէր տանի: Նա չէր տայ, չէր տայ: Դէ՛, գոնէ հիմա ասա՛, անխիղճ հա՛յր, ո՞ւր է Թաթուլը...

Հայրը լսում էր դատապարտուածի պես: Աղջիկը կրակ կտրած խօսում ու խօսում, աչքերից թափում էին արցունքները, բայց միայն վշտի, յուսահատութեան նշան չէին նրանք. նա արտասուում էր նաեւ զայրոյթից, կատաղութիւնից:

- Ել ոչինչ չունեմ ես, շարունակեց աղջիկը, ոչինչ, ոչինչ... Եղբայրս ձգեց ինձ անտէր, անպաշտպան, հայրս անգօր է անօրէն բեգի առաջ, Սեւառո՛ր աղջիկներ, պատիւ ել պահում ո՞ր օրուայ համար. կամ ելէ՛ք միասին ձեռք ձեռքի բռնած սեւ ժայռի կատարից ներքեւ գլորուեք, կամ թէ չէ գնանք բեգերին ծախուեք, չէ՞ մեր պատիւը նրանց է պատկանում, երբ հայրեր, եղբայրներ ձգում են մեզ անտէր: Ես առաջինը գնում եմ բեգին...

Եւ նա արագ քայլերով դեպի դուռը գնաց, բացեց եւ դուրս գնաց, անյայտացաւ խաւարի մէջ: Երկու ծերերի լացը հնչուեց խրճիթում:

Միւս առաւօտ սարսափած գիւղը լսեց գիշերուայ անցքը- Գոհարի անյայտանալը: Զահանան կապուած էր ժայռից, որովհետեւ թագցրել էր

աղջկան: Ժայռի ստորոտից նա մարած աչքերով դիտում էր, թե ի՞նչ է կատարում թշուառ գիւղի գլխին... Ողբ ու լաց, անէծք ու աղաղակ բռնել էր գիւղը: Թալանն սկսուած էր. քահանան էլ չէր արտասում, այլ մտածում էր. նա չէր աղօթում, այլ անհծում էր: Նա կ'ուզէր այժմ Թաթուլին տեսնել, միայն Թաթուլին, այն փայլուն հրացաններով, այն բոցոտ աչքերով, այն ահաւոր յօնքերով: Բայց Թաթուլը չկար ու չկար: Ո՞վ էր մեղաւոր - ինքը, միայն ինքը: Ապա նա սկսեց մտածել, թե Թաթուլը մոռացած չի լինի հայրենի օջախն ու գիւղը, այդ անկարելի է: Ա՛խ. թե իմանար, ինչ է կատարում այստեղ, նա կը գար, կը գար ինչպես մի արծիւ: Նրա աչքերը դառնում էին ակամայ դեպի այն կողմը, բլրի վրայ, ուր ուլոր մուլոր մի ճանապարհ ձգւում էր գիւղից վեր, վեր: Նայում էր եւ սպասում:

Բէգն եկաւ, նրա շանքերն ի գուր էին անցել Գոհարին գտնելու համար:

- Բէ՛գ, քեզ ասացի, որ նա ինքն է փախել Բէ՛գ, մենք տարիներով աղ ու հաց ենք կերել միասին, իմ տունը, իմ օջախը քո առաջ բաց է եղել. լսի՛ր ինձ այդ աղ ու հացը ոտի տակ մի՛ տուր. բէ՛գ, վատութիւն մի՛ արա մեզ հետ. վերել նայիր, Աստուած կայ այնտեղ, կրօններս տարբեր է, բայց չէ՞ որ միեւնոյն Աստուածն է դատելու ամենիս:

- Ժամանակները փոխուել են... ո՞ւր է Գոհարը:

- Բէ՛գ, իմ ծերութեանը խնայիր, հանգիստ թող գիւղը կամ աւերիիր միայն իմ տունը, անարատ

թող իմ պատիւը. բէ՛գ, վերջին անգամ աղաչում եմ, քեզ, բէ՛գ Աստուած...

- Մեր Աստուածն ու ձերը մէկ չէ. ասա՛, ո՞ւր է Գոհարը, շո՛ւտ, թէ չէ... Եւ նա վրայ վազեց ծերունուն՝ բռունցքները սեղմած, ատամները կծրտացնելով: Այժմ նրանք շա՛տ մօտ էին իրար. նրանց շունչը հասնում էր միմեանց դեմքին. մի առժամանակ լուռ նայում էին իրար... Լռութիւնն ընդհատեց քահանան:

Բէ՛գ... բայց նա չկարողացաւ շարունակել, եւ ուժգին թափով թքեց բեզի երեսին: Սա անսպասելի եւ սարսափելի էր բեզի համար: Նա ակամայ յետ յետոյ քաշուեց, ինչ որ հրամաններ արձակեց, եւ իսկոյն մի քանի քրդեր շարուեցին քահանայի առաջ, փոքրիկ տարածութեան վրայ. Զահանան հասկացաւ, որ մահը մօտ էր: Նա մէկ էլ բարձրացրեց գլուխը, նայեց այն ճանապարհին... Միթէ. նա մեռնում էր առանց Թաթուլին տեսնելու, միթէ՞ նա գալու չէր: Ճանապարհի վրայ ոչինչ չկար, բացի մի թխպոտ ամպ, որ հանդարտ իջնում էր բլրի կատարից. ա՛մպ էր իրաւ թէ փոշի, եւ ինչո՞ւ չէր կարող հենց այդ ամպը Թաթուլը լինել, մտածել քահանան: Մի հնար, մի հնար մի քանի ժամ էլ ապրելու համար, մտածում էր նաեւ, միայն մի քանի ժամ, գիտեմ Թաթուլն է, նա չէր կարող մոռանալ իր օջախն ու գիւղը: Ծանր էր նորից շնորհ խնդրել բեզից, բայց ճար չկար:

- Բէ՛գ, ասաց նա, մահից չեմ վախենում, դու էլ

ոչինչ չթողիր ինձ աշխարհում, որից բաժանուելը ծանր լինի: Թող ինձ միայն, որ աղօթեմ, վերջին անգամ աղօթեմ:

- Աղօթի՛ր:

Եւ նա սկսեց աղօթել: Նա աղօթում էր եւ նա-յում այն ճանապարհին, որտեղից արագութեամբ իջնում էր փոշու ամպը... Աղօթքի իւրաքանչիւր բառը նաեւ արտասանում էր առանձին հանդար-տութեամբ, առանձին դանդաղութեամբ, աշխա-տելով որքան կարելի է շատ ժամանակ վաստա-կել, շատ ապրել: Իսկ փոշու ամպն իջնում էր հա՛ իջնում: Առաջին անգամն էր, որ տեր Սարգիսն աղօթում էր ո՛չ Աստծուն. առաջին անգամն էր, որ նա իր աղօթքը գործիք էր դարձրել եւ պատրաս-տում էր վրեժխնդրութեան մի արիւնտ գործ: Իս-կապես այսօր նա աղօթք էլ չէր ասում, այլ բա-ռե՛ր, բառե՛ր, անիմաստ բառե՛ր, որոնք միայն ժամանակ էին նշանակում, եւ ուրիշ խորհուրդ ուրիշ պարունակութիւն չունէին. հնչիւնները դարձել էին վայրկեաններ, բառերը թոպէներ, աղօթքը ժամ, ժամանակ եւ ուրիշ ոչինչ: Նա կ'ու-զէր, որ իր աղօթքը այսօր վերջ չառնի: Զանի՛ ան-գամ վերջացաւ աղօթքը, քանի՛ անգամ նորից վերսկսուեց եւ շարունակուեց նոյն դանդաղու-թեամբ:

Արեւը մայր մտաւ. երեկոյեան մառախուղը իջաւ երկրի վրայ. արեւելքում փայլեց լուսնի եղ-ջիւրը, նրա պաղ շիթերն ընկան երկրի վրայ ձե-ւացնելով մռայլ ստուերներ. ընկան նաեւ թշուառ

գիւղի եւ այն ժայռի վրայ, որի ստորոտում կատարում էր ոճիրը: Դահիճների համբերութիւնը հատաւ:

- Բաւական է, գոչեց բեգը, այժմ վերջին անգամ ասա՛, ո՞ւր է Գոհարը:

Տեր Սարգիսը պատասխան չտուեց: Նա յուսահատ էր եւ սպասում էր մահուան. Թաթուլը չկար: Բեգը նշան արեց եւ քրդերն իրանց հրացաններն ուղղեցին նրա կրծքին. բայց յանկարծ ամենքը կանգ առան վերելից, ժայռի կատարից՝ լսուեց մի ձայն:

- Գոհարն այստեղ է բեգ, ե՛կ ու տար: Տե՛ս, ես այստեղ եմ. ի՞նչ ես ուզում այդ խեղճ ծերունուց, այ՛ անամօթ շուն...:

Ամենքը նայեցին դեպի վեր: Այնտեղ, ժայռի ամենաբարձր կետում, լուսնի շողի տակ, գծագրւում էր մի կանացի չքնաղ մարմին: Նրա միակ ծածկոյթը իր սպիտակ կտաւէ շապիկն էր, որ ծածկում էր նրա մերկութիւնը մինչեւ սրունքները: Սեւ, երկայն մազերը ցաք ու ցրիւ փռուած էին ուսերի եւ թիկունքի վրայ եւ երեկոյեան հովը խաղում էր նրանց հետ: Նա կանգնած էր այնտեղ, ինչպէս երկնքից իջած մի հրեշտակ, որ այդ բարձրութիւնց դիտում էր, թէ ի՞նչ անլուր ոճիրներ են կատարում այնտեղ՝ ներքեւում աշխարհի վրայ: Մարդկային վայրագութեան այդ սեւ գործերից նա այնքան բարձր էր, որքան սրբութիւնն ու անմեղութիւնը բարձր է ապականութիւնից, որքան առաքինութիւնը բարձր է ախտերից:

Այդ բարձրութեան վրայ նրան չէին կարող հասնել ներքեւի ցեխն ու աղտեղութիւնը. նրա սուրբ պատիւը շատ վեր էր կանգած լկտի բեգերի բոլոր գարշութիւններից: Բեզը նայեց նրան եւ աչքերը վառուեցին բորբորիտ բոցով, այդ չքնաղ պատկերը ժամ առաջ տիրելու անյագ տենչով: Նա կ'ուզէր այդ ժամին դառնալ ծխի մի պտոյտ, վերել բարձրանալ եւ փարել աղջկան, կամ թելեր ստանալ՝ թռչել վե՛ր, վե՛ր, ճախրել նրա գլխով, ապա խլել եւ փախցնել: Նա մոռացաւ ամեն բան եւ քահանային, եւ գիւղի թալանը, եւ ժայռի բարձրութիւնից լսուած՝ ծանր անարգանքը, ու չքնաղ պատկերով դիպուած՝ նայում էր դէպի վեր, անկարող լինելով հայեացքը հեռացնել:

Դեռ նախորդ գիշեր տանից խոյս տալով Գոհարը վազեց դէպի լեռները, եւ ամբողջ գիշերը չանկռելով ժայռերը՝ իր կուսութիւն ու պատիւը հասցրեց այս բարձրութեան վրայ, ժայռի կատարը, մօտիկ երկնքին: Ամբողջ ցերեկը նա ծածուկ դիտում էր այնտեղից, թէ ի՛նչ է կատարում գիւղում: Երեկոյեան երբ տեսաւ, որ բեզը իր հօրը սպանելու է, սարսափելի որոշում տուեց - ձայն տալ, յայտնել իր թագստի տեղը, իսկ երբ բեզի մարդիկը գան բռնելու իրեն, ձգուել այս ժայռի կատարից դէպի վար եւ իր մահովը փրկել հօրը մահից: Եւ ահա նա այժմ կանչում էր բեզին, որ գայ տանի իրեն:

Չորս հինգ քողեր, խմբից բաժանուելով դէպի բլուրները դիմեցին, բայց մի քանի րոպէ յետոյ հեւա-

լով յետ եկան, գոռալով բեգին, որ փախչեն, հեռա-
նան, որովհետեւ գիւղը լեցուել է ջան ֆեդայիներով:

- Կրա՛կ, որոտաց բեգը,- կրա՛կ - եւ նոյն վայրկեանին հրացանները որոտացին ու մի քանի գնդակներ թռան դեպի ծերունի քահանան...

Լսուեց յետեւից մի այլ խմբի հրացանների որոտ, մի քանի քրդեր գետին ընկան եւ ժայռի ստորոտում կատաղի կռիւ սկսուեց... Թաթուլն էր իր խմբով: Նա կատաղի էր եւ անխնայ: Քրդերից ոմանք փախուստով ազատուեցին, ոմանք էլ ընկան վիրաւոր կամ մեռած: Բեգը նոյնպէս ընկաւ:

Թաթուլը մօտեցաւ ժայռին սիրտն արիւնով լի, տեսաւ ժայռից կախուած հօր դիակը եւ փարեց նրան դառն արտասուելով: Սակայն ծերունին շնչում էր դեռ եւս. նա բացեց աչքերը, ճանաչեց որդուն եւ մեղմիկ շնչաց.

- Էլ... մի... աղօթի՛ր... Աստուած... կը ների...

Քիչ յետոյ Գոհարը սգում էր հօր դիակի վրայ:

ՄԱՅՐԸ

Ուշ գիշեր էր. ամենքը վաղուց քնած էին, բայց գիւղի եզրում մենաւոր խրճիթի մէջ տակաւին խղճուկ լոյս էր պլպլում: Մարթան նստած էր մենակ, խորին տխրութեամբ նայում էր ճրագի լոյսին եւ դանդաղութեամբ օրօրում էր իր ծեր, յոգնած գլուխը: Նա մտածում էր: Խեղճ, նա աշխատում էր հասկանալ, բացատրել, թէ ի՞նչպէս պատահեց, որ իր շէն օջախը այս կարճ ժամանակում դարձաւ, աւերակ, թէ ինչո՞ւ ինքը՝ ընտանի մայր, սիրող ամուսին՝ յանկարծ, ասեմ մի չար, դիւական ձեռքով, դարձաւ այրի, մոռացուած ամենից, զոհ խաւար գիշերուայ միայնութեան, անտերութեան սարսափներին, դարձաւ մի սեւաւոր, անճար բու, որ խաւար լուրթեան մէջ չարագուշակ վո՛ւյ, վո՛ւյ է կանչում: Ինչո՞ւ համար այս բոլորը... Մէկը միւսից ահաւո՛ր, սեւ մտքեր գալիս խռնում էին նրա գլխում, լուծում պահանջում... Որքա՛ն բան կար մտածելու, Վատաբա՛խտ, կարճամիտ կնիկ, ո՞ր մէկը հասկանար, ո՞ր մէկը հարցը լուծեր...

Ձիթէ ճրագին ծխախառն բոցը մեղմիւ օրօր-

Լում էր, մերթ հանդարտ վերանում, մերթ ցածրանում, դողդողում էր, կարծես նա էլ էր անհանգիստ, նա էլ էր վախենում: Յեշտ է, մենա՛կ, գիւղից դո՛ւրս, մենաւոր, խղճուկ խրճիթում... Ճրագի լոյսից ձգուած ստուերները խրճիթի այս ու այն կողմում նոյնպէս լաւ չէին, անդուր էին. Մարթան աշխատում էր նրանց էլ չնայել: Միայն լոյսն էր մխիթարական, միայն նա չէր վախենում, ի՞նչ փոյթ, որ խղճումը լոյս էր, որ հոգեվարք հիւանդի պէս մօտ էր հանգչելու, չէ՞ դարձեալ լոյս էր, օրօրուն, պլպլան լոյս. Մարթան նայում էր նրան եւ մտածո՛ւմ մտածո՛ւմ...

Յէնց այս առաւօտ թաղեց նա իր ամուսնուն, իր խեղճ, ջրատար Մկոյին: Ա՛խ, ինչ օրեր քաշեց թշուառը, որքան չարչարուեց...

- Ոտքդ կոտրուէր, տակդ մնար, որ դու իմ տունը ոտք չկոխէիր, Թորո՛ւ, քեզ տեսնեմ գնացած ճանապարհիդ մէկ տակ դառնայ: Թո՛ղ քո մօր տուն էլ իմի պէս սուգ մտնի:

Այս սարսափելի անէծքը նա արտասանեց բարձրաձայն, ձեռքն ուղղելով դեպի ճրագն ու ծխոտ, մրոտ ճրագակալը, - կարծէք նրանց հետ խօսելիս լինէր: Թորոսը հարեւան գիւղից հեռաւոր ազգականի որդին էր, նրան էր անիծում Մարթան, նրա վրայ է թափում սրտում կուտակուած թոյնը, նա էր գլխից հանել, տարել Միւսասին, իր միևուճար որդուն: Այժմ Մարթան լաւ յիշում էր բոլորը: Նա էր: Անաստուած Թորոսն էր միշտ գայիս տանից դուրս կանչում, գնում էին,

առանձնանում, խօսում, խօսում, փսփսում: Ի՞նչ էի խօսում այնքան,- ինքը կարո՞ղ է՞ր իմանալ: Դէ՛, ընկերներ էին. ա՛խ, թէ իմանար... Չնացին, եկան, փսփսացին, զնացին, եկան, եւ մի գիշեր անյայտացան: Ա՛խ, սեւ դառնար էն գիշերը: Անխի՛րճ, անխի՛րճ մրմնջում էր պառաւն, այս անգամ խօսքն ուղղելով որդուն. Թորոսն օտարի որդի էր, չցաւեց, իսկ դո՞ւ... Թէ չմեղքացար քո ջրատար ծնողներին, խղճայիր գոնէ քո խեղճ ջահիլին, քո կնոջը, որին անտէր ձգեցիր: Օ՛, այնուհետեւ ինչե՛ր անցան իրենց սեւաւոր գլխով, ի՞նչ օրեր քաշեցին: Խեղճ հալւորին տաճիկները տարան, բերին, բանտ դրին, ծեծեցին, ծեծեցին, որ Մինասի տեղն ասի: Ա՛խ, ինչ անաստուած են այդ անօրէնները: Մեր ցաւը, մեր սեւ օրը մեզ բաւական չէր, սրանց գազանութիւնն էլ մի նոր պատիժ, նոր ցաւ դարձաւ: Կարծես թէ որ մենք իմանայինք մեր որդու տեղը, սար ու քար չէինք ընկընի, չէինք գտնի, չէինք բերի տուն: Տաճկի ինչ պետք էր թէ մեր սրտից առանց այն էլ արիւն է գնում: Այնքան չարչարեցին խեղճ հալւորին, մինչեւ անկողին ընկաւ եւ էլ չվերկացաւ: Զարսը՝ որ վաղուց էր հեռացել տնից, զնացել էր հերանց, իր սեւ օրը ողբում. ի՞նչ անէր խեղճ ջահիլը, օրը մի անգամ անիրաւները դիտմամբ տուն էին թափւում, հարս պահել կը լինե՞ր տանը: Եւ այժմ մենակ էր մնացել Մարթան:

Այս սեւ գիշերին, ամենցից մոռացուած, նա մտածում էր զարիւրելի անցեալի մասին. ներ-

սից սիրտը ճմլում, քամում էր: Նա արտասա-
 ւում էր դառն, յորդ արտասուկներով: Խաւարից
 ու միայնութիւնից դուրս մի ուրիշ բան կար, որի
 մասին մտածելիս, քիչ էր մնում սիրտը պատռւի
 կսկծից: Հարեալները սարսափելի բաներ են
 ասում... Նրանք իբր թէ կռուի են բռնուել զափթի-
 ւների հետ, եւ բոլորն էլ... Բայց մայրը չէր կամե-
 նում հաւատալ, թէ իր Միևսն էլ նոյնպէս... Նա
 աշխատում էր չմտածել այդ մասին. թէ բարկա-
 ցած էր Աստուած. մի՞թէ իրեն քաշածները բաւա-
 կան չէին...

«Թըր՛խ, թըր՛խկ» դուռը թակեցին:

Պառաւը ցնցուեց. ո՞վ կարող էր լինել այդպէս
 ուշ պահուն: Նա մէկ կամեցաւ ճրագը փչել,
 կծկուել, լռել: Գուցէ հեռանան գնան, ով եւ լինեն:
 Իսկ եթէ յանկարծ դուռը կտրտե՞ն եւ ներս մտնեն
 խաւար խրճիթը... Օ՛, այդ զարհուրելի էր, գոնէ
 լոյս լինէր:

«Թըր՛խկ, թըր՛խկ» կրկին թակեցին դուռը, այս
 անգամ անելի շտապ, անելի բարձր: Անհնարին
 էր լռել: Մարթան վեր կեցաւ կամացուկ, թաթերի
 վրայ մօտեցաւ դրանը, շունչը պահելով ականջ
 դրեց, ո՛չ մի ձայն... Նրա կոկորդը սեղմում էր,
 ատամներն իրար զարկում երկիւղից:

- Ո՞վ ես, վերջապէս սիրտ արեց նա ձայն տալ
 կամացուկ:

- Ես եմ, բա՛ց դուռը:

- Ախր, ո՞վ ես դու:

- Ես եմ, մարե՛. բա՛ց, շո՛ւտ բաց:

«Մա՛րե», էլ ո՞վ կարող էր լինել, «Մինասն է, Մինա՛սն է», մրմնջում էին պառաւի դողդոջուն շրթունքները: Նա շտապ շտապ սկսեց քաշքշել դուռը, որ բաց անի, մոռանալով, որ փականքը չի բացել դեռ: Մաստիկ տազնապով բռնուած, նա փոխանակ բանալու դուռը՝ փակում էր կամ քաշքշում անտեղի, մատները, տրորում, կոտրատում, արինոտում, եւ դուռը չէր բացում:

- Բա՛ց, մա՛րե, շուտով բաց, լսում էր դրսից:

- Բացեմ, քե՛ մեռնեմ, ձեկիդ մեռնեմ, բացեմ կուրանան աչքերս, ոնց որ կուրացան, լաւ չեմ տեսնում փակը:

Վերջապէս դուռը բացուեց. ներս մտաւ մի երիտասարդ, հրացանը ձեռքին, փամփուշտների երկու շարքը խաչկապ ձգած ուսերից: Մարթան առանց նայելու վրայ պրծաւ եւ նրան իր գիրկն առաւ. արցունքները հեղեղի պէս թափուում էին աչքերից. էլ չէր խօսում, այլ համբուրում էր ու հեծկլտում, երկա՛ր, երկա՛ր...

- Խօսի՛ր, լսեմ ձայնդ, արեւիդ մեռնեմ, ասաց նա վերջապէս, ասա՛, ո՞ր էն թողել մեզ անտերանտիրական, ո՞ր թողիր սեւաւոր հօրդ, որ դարդամահ էլաւ քո ցաւից: Ապա նա նայեց վերջապէս երիտասարդի երեսին եւ մի րոպէ սառած կանգ առաւ, յետոյ յանկարծ բոլոր թափով յետ մղեց նրան իր գրկից ու սարսափած ճչաց:

- Վա՛յ, սեւն իմ գլխին, Մինասը չի՛, Մինասը չի՛. հեռո՛ւ, հեռո՛ւ ինձանից...

Թորո՛սն էր...

Շուարած, ապշած՝ երիտասարդը յանցաւորի պէս կանգնել էր գլխիկոր, չգիտէր ինչպէս մխիթարէր ծանր թիւրիմացութեան զոհ դարձած այս վշտահար մօրը: Հսկայ տղամարդը, որի գէնքերից մահ էր կաթկաթում, երեխայի պէս շշկլել էր այս թոյլ, խեղճ կնոջ առաջ. մայրական վշտի վեհութիւնը ընկճել էր նրան:

- Անխի՛ղճ, ո՞ր է Միևսը, զոյգ գևացիք այն սեւ գիշերը, այս գիշեր մենակ ես յետ գալիս, ի՞նչ արհիւ նրան, Կայէն, գոչեց պառաւը կատաղած, բռնելով եւ ցնցելով Թորոսի ձեռքը:

- Մարե՛, չգիտեմ, կռուի բռնուեցիկք զօրքերի հետ, գիշեր էր, մութ. մենք ցրիւ եկանք, իրար կորցրիկք, մարե՛ հաւատա՛, չգիտեմ ի՞նչ եղաւ Միևսը. ամէնքը փախան գանազան կողմեր, ես էլ այս կողմը եկայ, ետեւիցս ընկան, գիւղը շրջապատել են, փնտռում են, ծածկիր ինձ, մարե, ծածկիր Միևսի սիրո՛ւն:

Թորոսը ծածկում էր Միևսի մահը, որ իր աչքով տեսել էր եւ կոյնիսկ սրբագան գայրոյթով իր ձեռքով գնդակահար արել նրան սպանողին: Մօր սիրտը շատ շուտ հասկացաւ իր ծանր կորուստը, իր մեծ թշուառութիւնը: Մայրերը չեն խաբւում, երբ գաւակն է մեռել:

- Սպանե՛լ են, ճչաց նա. ասում էին, ամէնքն էին ասում, մենակ ես սեւաւորս չէի հաւատում. սպանե՛լ են, զո՛ր ես ծածկում ինձանից, սպանել են իմ ջահիլ-ջիւան կտրիճին: Դո՛ւ, դու տարար անաստուած, դու սպանել տուիր, անխիղճ. ին-

չո՞ւ տարար, ինչո՞ւ խելքից հանեցիր իմ գաւակին, տո՛ւր, իմ Մինասին, տո՛ւր: Նա կրկին բռնեց երիտասարդի ձեռքը. ցնցում էր, ճշում էր, գոռում խելագարի պէս:

- Աստուած է քեզ ուղարկել, որ ինձ հաշի տաս. ասա՛, ո՞ւր սպանեցին իմ «ազիզին», ո՞վ սպանեց, ո՞ր անօրէնը, ասա է՛... [ռո՞ւմ ես... Սպանել են, խաբել չես կարողանում, սուտ ասա՛ էլի՛, խաբի՛ր ինձ, քարասիրտ մարդ, խաբի՛ր անխելք, ցնդուած պառաւիճ. ասա՛, որ դեռ իմ արեւը չի՛ խաւարել, ասա՛, որ իմ տունը դեռ չի՛ ակերուել, իմ օջախը չի հանգել, իմ մուկը չի՛ մարել, խաբի՛ր, խաբի՛ր... Չէ՛ Մինասին խաբեցիր տարար... Ի՞նչ եղաւ էն «բլբլլ լեզուդ», դէ՛ գոնէ ինձ էլ խաբի՛ր, թող սիրտս չճաքի, կամ խանջալդ սիրտս կոխի՛ր, որ մի անգամից հանգստանամ, ճշում էր պառաւը գլխին տալով, ձեռները կոտրատելով:

- Մարե՛, վերելում Աստուած կայ, ես չեմ խաբել, ես չեմ տարել, մենք երկուսս էլ կամաւ գնացինք, մենք կամաւ կռուեցինք թշնամիների դէմ: Շատերն ընկան նրանցից էլ, մեզանից էլ. թէ ես ընկնէի, միթէ՞ իմ մայրը Մինասին պիտի անիծեր:

Ակնարկը հասկանալի էր. երիտասարդն էլ չէր ուզում կեղծել, տեսնելով, որ այդ ատելի է գայրացնում վշտահար մօրը. նա գիտէր, խաբել անկարելի էր:

- Էլ չես ծածկում, սպանե՛լ են, ա՛խ անգութ. տղամարդ ես, ուժով ես, քաշի գոնէ այս ակերակի

սիւնը, թող կտուրը գլխիս ընկնի. ասաց պառաւը, յետ յետ քաշուեց, գնաց խորճի հակառակ կողմը, կպաւ պատին, կծկուեց, մնաց մի քանի րոպէ: Ապա յանկարծ կանգնեց, ձգուեց բոլոր հասակով, դիմեց դէպի շուարած Թորոսը՝ գոչելով.

- Իսկ դո՞ւ, քեզ չսպանեցիս. ինչո՞ւ ես եկել, եկար որ էլ ո՞ւմը խելքից հանես. այստեղ, իմ այս բնի մէջ ի՞նչ ես փնտռում, էլ ի՞նչ թողիր ինձ, մնաց չոր սեւաւոր գլուխս, ի՞նչ ես ուզում ինձանից, ինչո՞ւ չես հեռանում աչքիցս, որ գոնէ քեզ կենդանի չտեսնեմ: Թող մնամ մեռա՛կ, մեռա՛կ, թող չորանամ այս ծակի մէջ. ի՞նչ ես ուզում ինձանից:

- Մարե, մի գիշերուայ ապաստան, Մինասի սիրո՞ւն:

- Ապաստա՛ն... ապաստա՛ն... կրկնեց պառաւը դժոխային հեգնութեամբ, խելագարի ժպտով. քե՛զ ապաստա՛ն, որ ապրես, կեանք ու արեւ տեսնես. չեմ կարող, իմ ուժից վեր է. գնա՛, գնա՛, անաստուած, թափառիր Կայէնի պէս, թո՛ղ քո մայրն էլ ինձ պէս արիւն-արցունք թափի. թող քո կինն էլ իմ հարսի պէս սեւ ձգի գլուխը, թո՛ղ ողջ աշխարհն արտասուի եւ սուգ անի, սեւ հազնի, երբ էլ չկայ Մինասը: Դէ՛, գնա՛. չե՞ս գնա, ես դուրս կ'երթամ, ես կը ճչամ գիւղով մէկ, թէ «Եկե՛ք, այստեղ է իմ որդուն մահուան պատճառը, եկե՛ք»:

Պառաւն անողոք էր. ժամանակը թանկ: Թորոսը տեսաւ, որ այդպէս երկար մնալ չի կարելի, որ

մի վճռական բան պիտի անել:

- Դու մի գնա, մարե, ասաց նա դառնութեամբ. ես կ'երթամ, եւ թո՛ղ ինձ սպանեն քո որդու դահիճները. Թո՛ղ իմ մայրն էլ արտասուի, եթէ դա կարող է քեզ մխիթարել, թո՛ղ իմ կիսն էլ սեւ ձգի, եթէ քո հարսի սեւը կը վերանայ դրանով: Ես կարծում էի, թէ իմ թշուառ ընկերոջ մայրը իր մեծ վշտի մեջ գոնէ մի փոքր կը մխիթարուի օգնելով նրան, որի ձեռքը իր որդու մահուան վրէժն առաւ եւ որ իր կեանքի մնացորդը պիտի գործ դնի անընդհատ թափելով նրա թշնամիների արիւնը, եւ այսպէս պիտի վառ պահի նրա յիշատակը, որովհետեւ այսպէս էր նրա կամքը: Բայց այժմ տեսնում եմ, որ սխալուած եմ եղել. դէ՛հ, որ այդպէս է, ես դուրս կ'երթամ, մարե՛, դու հանգիստ մնայ, թո՛ղ սպանեն ինձ էլ, միայն թէ դու մխիթարուիր: Բայց գիտցիր, որ դրանով դու Մինասի ոսկորների յաւիտենական հանգիստն ես խռովում:

Ասաց Թորոսը, վերցրեց քիչ առաջ պատին յեւած իր հրացանը, նայեց բլթակին, շօշափեց, նայեց իր փամփուշտների շարքերին, եւ իր բազկին ու զէնքին ապաւինած, նա համարձակ քայլերով շարժուեց դեպի դուռը, թափով քաշեց սողնակը եւ դուռը բացեց:

-Կա՛ց, ճչաց յանկարծ Մարթան սարսափած, գգալով որ ինքը մի սոսկալի ոճիր է կատարում, երբ նա դուրս էր գալիս դռնից. կա՛ց անխիղճ, մի գնա - պառաւը վազեց դեպի դուռը, յետ քաշեց Թորոսին, դուռը կրկին փակեց:

- Մի՛ գնա, սեւը թող միայն իմ գլխի՛ն գայ, թող միայն ե՛ս արտասուեմ: Թող իմ տո՛ւնը միայն աւերուի. կա՛ց, Մինասին մայրը չի կարող նրա ընկերոջը թշնամիների ձեռքը տալ, չի կարող այս չար ժամին տանից դուրս անել:

Մի քանի րոպէ պառաւը մնաց լուռ: Նա մտածում էր...

Ապա նա շտապ շտապ, խելագարի շարժումներով, քանդեց ծալքը, դուրս քաշեց նրա տակից իր հարսի մի ձեռք զգեստը, եւ փութով հագցրեց Թորոսին, փաթաթեց նրա գլուխը կանացի ձեւով, վերցրեց հրացանն ու փամփուշտները թագցրեց փռուած անկողնի մէջ, ծածկեց, իրան էլ հրամայեց մտնել այդ անկողինը, նստել, թէ մարդ գալու լինի գլուխը քաշ ձգել եւ ձեւացնել, թէ իբր արտասուում է, առանց վերել նայելու: Թորոսը լուռ հնազանդուեց:

Գիւղամիջից լսում էր ոտնաձայն, աղմուկ, խօսակցութիւն: Ձայները մօտեցան կամաց կամաց: Դուռը թակեցին: Չինուորականներն ու գիւղի ռեսը շրջում էին տանից տուն, փնտռում էին Թորոսին, ամենքը գիտեին որ նա փախաւ, գիւղում ծածկուեց: Պառաւը ճրագը ձեռքին մօտեցաւ, դուռը բացեց, մի խումբ գինուած մարդիկ ներս թափուեցին, նայեցին ամեն կողմ, քանդեցին ծալքը, նայեցին թոնիրը. ի գո՛ւր, ոչ ոք չկար: Յիսնապետը երկար նայեց արտասուող հարստին, նա մտածում էր. միտքը չար եթէ Թորոսին շուտով գտնելու հաստատ յոյս չլիներ, մտածեց

նա, արժեր մարդկանց դուրս ուղարկել եւ մի փոքր մնալ այստեղ... բայց նա ձեռքով շարժում արեց, դուրս ելաւ, որսը թողնելով ուրիշ անգամի:

Միւս օրը երեկոյեան, երբ կրկին խաւարն իջաւ երկրի վրայ, երբ գիւղը լռեց ու քնեց, պառաւը կանչեց Թորոսին.

- Լսի՛ր որդի, երեկ ես քեզ անիծեցի, այրուած էր սիրտս. մա՛յր եմ, սեւ գայ տանի ինձ պէս մօրը, ի՞նչ հողը տամ գլխիս... Նա կրկին հեկեկաց. այժմ նրա փոխարէն օրհնում եմ քեզ՝ որ իմ Մի-նասի սրտովը լինի...

Արտասուքները այլեւս խեղդեցին դժբախտ մօր ձայնը...

Թորոսը կռացաւ, համբուրեց նրա ձեռքը, ինչպէս կը համբուրէր իր մօր ձեռքը, եւ յուզուած դուրս գնաց, տանելով ճակատի վրայ պառաւի լուռ, բայց ջերմ համբոյրի հետքը...

Դուրսը դեռ խաւար էր, բայց արշալոյսը հեռու էր...

ԱՐԻՒՆՈՏ ԹԹԽՍՈՐ

Առաւօտեան Դաւիթը ժամ գնաց, իսկ Նարգիզը վեր կացաւ, երեխաներին զարթեցրեց, ուղարկեց գոմ եւ պատրաստուամ էր թոնիրը վառել:

Տան դուռը ճռճալով բացուեց եւ ներս մտաւ մի եօթ տարեկան աղջիկ՝ հարեւանեց Սօփին: Նա ձեռքին բռնած ուներ խմորի մը գունդ՝ մի թթխմոր: Նարգիզի թթխմորն էր այն, որ

Նախորդ երեկոյ տարաւ Սօփին, որովհետեւ նրա մայրն այսօր հաց պիտի թխեր: Բայց ինչո՞ւ էր յետ բերում այժմ, զարմացած մտածեց Նարգիզը. այսպէս վաղ հացը թխած չէին կարող լինել, օրուայ այդ ժամին դեռ թոնիրն էլ չեն վառում:

Մինչեւ այդ Սօփին կամացուկ, ասես վախվխելով, մօտեցաւ թոնրան շուրջը պատող թմբին եւ անվճռական ձայնով ասաց.

- Ա՛ն ձեր ձեր թթխմորը, Նարգիզ բաջի:
- Աղջի՛, ձեր հացը ե՞րբ թխեցիք վերջացրիք, լոյսը նոր է բացում:
- Դեռ չենք թխել:
- Հապա ասաց՝ տար յետ տուր:

- Ինչո՞ւ:

- Չեմ իմանում... Է՞ն ժամը չեմ իմանում, պատասխանեց Սօփիև գլուխը քաշ ձգած, ոտքերնին նայելով: սակայն իր երդումը նա այնպիսի եղանակով ասաց, որից պարզ երեւում էր, թե նա բան գիտե, բայց հրամայուած է ոչինչ չասել: Նարգիզն այդ շատ լաւ գզաց. երեխան անյաջող էր կեղծում:

- Աղջի՛, ուրիշ տեղի՞ց թթխմոր բերի՞ք:

- Ուրիշ տեղի՞ց... Հա՛, բերինք, Ալմօտեց թթխմորը բերինք. մայրիկս բերեց... ես բերեցի. ասաց գնա՛ բեր, բերեցի... խմոր արինք. շատ ենք խմոր արել:

- Սօփի, ինչի՞ մեր թթխմորով չ'արիք խմորը:

- Չեմ իմանում... ես ի՞նչ գիտեմ. մայրիկս ասաց... մայրիկս ասում էր՝ Նարգիզ քաջիենց թթխմորը լաւը չի:

Նարգիզը մռայլուեց. այստեղ մի բան կար. այս երեխան դեռ էլի բան գիտեր, իսկ ինչ որ գիտեր լաւ բան չէր լինելու «Յիսու՛ս Զրիստոս», մոմնաց Նարգիզը:

- «Թթխմորը լաւ չի», շարունակեց Նարգիզը՝ շրթունքները կծոտելով. մեղա՛յ քեզ, Աստուած, ո՞վ էր լսել՝ «Թթխմորը լաւ չի»... Աղջի՛, ի՞նչպէս թէ թթխմորը լաւ չի... Թթխմորն էլ լաւ չի լինի՞ր...:

- Չեմ իմանում... մայրիկս ասում էր՝ ձեր թթխմորը հարամ է...

- Աղջի՛ գժուե՛լ ես, թե՞ մերդ է գժուել. քո ծամն էլ կտրեմ, քո մօրն էլ. մեր թթխմորն ինչո՞ւ էր հա-

րամ լինում. արունք արել, ի՞նչ է, սեւա՛ւոր:

- Չեմ իմանում... մայրիկս ասում էր՝ ձեր թթխմորը արհւնտտ է, ուտել չի լինի... ասում էր...

-Եւ աղջիկը դարձեալ ինչ որ մոմռաց, շարունակ ոտքերի տակը նայելով եւ թթխմորը ձեռքին, բայց Նարգիզը լաւ չլսեց. սակայն նրան թուաց որ այդպէս միամտութեամբ ասուած բառերը պետք է աւելի սարսափելի լինէին, քանի ինչ որ լսեց. ուստի ճչաց սաստիկ կատաղած.

- Աղջի՛, ինչ ասի՞ր...

Երեխան այդ ճչոցից վերել նայեց, տեսաւ Նարգիզի կատաղած դէմքը, սաստիկ վախեցաւ, շրթունքները դողացին եւ արցունքները կախուեցին աչքերից. նա հեկեկաց. Նարգիզը մեղմացաւ.

- Սօփի՛, մի՛ լաց. Էն ի՞նչ ասացիր, չլսեցի. մայրիկդ ի՞նչ էր ասում:

- Չեմ իմանում, պատասխանեց աղջիկը լացի միջոց եւ կցկտուր. մայրիկս ասում էր.. Էն մարդերին... Էն օրը... ախպեր Դաւիթն է մատնել, սպանել տուել... ասում էր, ձեր թթխմորը արհւնտտ է... ասում էր, մեղք է նրանով խմոր անել... Ես ի՞նչ անեմ, բա՛ջի, մայրիկս ասաց, խալիս են ասում, դուրսն են ասում, շտապեց աւելցնել Սօփին, նկատելով որ Նարգիզի դէմքը կրկին կապտեց եւ շրթունքները ծռմուեցին. մայրիկս ասաց՝ տար տուր, ես էլ բերի, հը՛, դնեմ այստե՞ղ, բաջի՛, հաա՞...

Բայց Նարգիզն էլ չէր լսում: Աղջկայ ձայնը

հնչում էր նրա ականջին ինչպես մի անորոշ բզզոց. նա լուռ էր. աչքերը լայն չռած, նայում էր այդ աղջկան, որ թթխմորը ձեռքին կանգնել էր նրա առաջ՝ դողալով երկիւղից... Հարուածը սարսափելի էր. ի՞նչ անել, բռնել այդ աղջկան, թոնրի մեջը կոխել, վառե՞լ, թէ դուրս վազել նրանց տուն գնալ եւ մօր ծամերը փետել գլխին: Ահա թէ ի՞նչ էր մտածում Նարգիզը, երբ Սօփին արտասանում էր իր վերջին խօսքերը:

Մինչ այդ՝ աղջիկը դրեց թթխմորը թմբի վրայ եւ շտապով դուրս գնաց դռնից:

Նարգիզը մնաց մտքերի ծովի մեջ... Այն ի՞նչ ասաց Սօփին: Երկու շաբաթ առաջ էր. այդ լաւ էր յիշում Նարգիզը-եւ ո՞վ կը մոռնար այդ դժոխքի օրը,- տաճիկ զինուորները յանկարծ պաշարեցին ջրատար Նուևոյի տունը, ուր մի քանի զարիբ մարդիկ կային: Սարսափելի կռիւ տեղի ունեցաւ, տանեցիք ջարդուեցին, Նուևոն իր գաւակների հետ սպանուեց, կինը տարան, տունը կրակ տուին, եւ էլի ուրիշ քանի՜ մարդ սպանուեց: Ասում էին որ գիւղացիներից մատնող է եղել. Նարգիզն ի՞նչ այրուած սրտով անիծում էր մատնողին, բայց մի՞թէ այդ մատնիչը, այդ այդ արնպարտը, այդ հոգին կորցնողը Դաւիթն էր, իր ամուսինը, եւ այն ծով արիւնը իր գաւակների վզին է ընկնում, «Սօփին ասաց, մայրն է ասել, դրսում ասում են, ասում են, ասում են»... Թթխմորն իր տեղումն էր. Նարգիզը չէր կարողանում նայել խմորի այդ հասարակ գնդին: Սօփին

ասաց հարամ է, արիւնտ է, մտածում էր նա. իսկ եթէ ճիշդ է, ինչո՞ւ էր բարկանում:- Նա նստած մնաց իր տեղում, թոնիրի վառելը մոռացաւ, ցանը մնաց թմբի վրայ: Բոլոր տներինց ծուխը բարձրանում էր, Նարգիզի յերդիկից ոչինչ չէր դուրս գալիս: Նա սպասում էր, դրութիւնն անտանելի էր. գոնէ Դաւիթը շուտ տուն գար՝ կամ ցրէր այս սեւ կասկածը, կամ մի փոս փորէր, թաղէր իրան: «Ժամ գնա՛ց»... մոմռաց Նարգիզը թունտուտ հեգնութեամբ, «աղօթո՛ւմ է»...

Երկար ու ձիգ րոպէներ անցան... Վերջապէս բակում լսուեց Դաւթի ոտնածայնը ու սովորական հազը: Նարգիզը ցնցուեց այդ հազից, ինչպէս օձի խայթոցից. նա ե՛ւ շտապում էր տեսնել ամուսնուն ե՛ւ դողում էր վճռական րոպէից՝ ինչպէս կախաղանի դատապարտուած մէկը:

Դաւիթը տեր-ողորմեան համբելով ներս մտաւ հանդարտութեամբ, առանց կնոջը նայելու, սուտ ճգնաւորի երկիւղած քայլուածքով մօտեցաւ հացի տաշտին, դուրս քաշեց այնտեղից մի կոլոր հաց, հանդարտութեամբ գրպանը դրեց եւ պատրաստուում էր գնալ Եղօենց սաքուն՝ ըստ իր սովորութեան նախաճաշ անելու, մինչեւ որ կիկը թոնիրը կը վառէր, կը վերջացներ: Նարգիզը լուռ հետեւում էր նրա շարժումներին, նայում էր դեմքին, որից ոչինչ հասկանալ կարելի չէր, նայում էր աչքերին, որոնց կոպերից կախուած էր դեռ եւս երկիւղածութեան նման մի բան: Երբ ամուսինը պատրաստուում էր դուռը բանալ, Նարգիզը ձայն

տունեց-

- Այն ի՞նչ դրժիր ջերդ:

- Հաց է, ի՞նչ է, զարմացած պատասխանեց

Դաւիթը:

- Ո՞ւր ես տանում:

- Խենթ ես ի՞նչ է, ա՛յ կնիկ, տանում եմ ուտեմ, ո՞ւր եմ տանում:

- Արիևոտ հացը կ'ուտուի՞...

Դաւիթը գունատուեց. նրա դեմքը վայրկենապես այլայլուեց, երկիւղածութիւնն ու խաղաղութիւնը կորան... Թէեւ նա իսկոյն աշխատեց հանդարտուել, առհարկի սառնասրտութիւն եւ անտարբերութիւն ձեւացնել, սակայն արդէն ուշ էր: Նարգիզը յիմար չէր, նրա փորձող հայեացքը մինչեւ իր ամուսնու հոգու խորքն իջաւ ու այնտեղ սեւ դժոխք գտաւ - ի գուր եր խաբում Դաւիթը: Նարգիզը սոսկաց իր գիւտից. նա դժբախտ էր, նա դողում էր ոճրից, դողում էր թափուած արեան առաջ, դողում էր իր գաւակների, իր օջախի համար: Նա գլուխը քաշ ձգեց, երեսը ծածկեց ձեռներով, եւ զսպուած բարկութիւնն ու վիշտը դուրս թափուեցին յորդ արցունքներով... Կնոջ յուզմունքը եւս առաւել շփոթեց Դաւթին, եւ երբ կինը կրկին վերել նայեց, Դաւիթը գունատուած էր ինչպէս թուղթ ու ձեռքով գրպանում՝ շղոտ անհանգստութեամբ, շարժում էր հացը: Բայց եւ այնպէս նա փորձեց պաշտպանուել. վերջին ճիգն էր գործ դնում:

- Կնի՛կ, երա՞զ ես տեսել, ի՞նչ ես դուրս տալիս.

արիւնս ո՞րն է, ես ի՞նչ արունք եմ արել...

- Ո՞ւր էր թէ երազ լինէր, սեւաւոր մարդ. երագի արիւնը՝ բախտ է ցերեկին, իսկ այդ բախտը կտրուեց մեր տնից. տե՛՛ր ս... ևա ցոյց տուեց թմբի վրայի թթմորը: Դաւիթն ապշած նայում էր խմորին առանց բան հասկանալու, իսկ կինը շարունակեց այս անգամ անելի ցաւով՝ քան զայրացած.

- Մեր տունը արիւնով լցուած է, սեւաւոր մարդ, մեր թթմորը հարամ է, չեն ուզում հաց թխել, բերին յետ տուին: Դէ թո՛ղ սելը վայ մեզ տանի, էլ ինչի՞ ենք ապրում, Յուդայի եւ Կայէնի տուն շինեցիր մեր տունը, մա՛րդ. թո՛ղ Կայէնի կոտոշ բուսնի գլխիդ...

Դաւիթն այժմ հասկացաւ... Խօսք չունէր, բերանը փակուեց. կինը կրկին արտասուեց, ուստի նա բարուք համարեց շուտով դուրս գնալ տնից դէպի սաքուն:

Փիւղամիջից անցնելիս՝ նա աշխատեց իր սովորական իշխանական եղանակով քայլել, խրոխտ, հանդարտ, բարեպաշտ դէմքով եւ երբեմն երբեմն հազալով: Եղօեց գոմին հասաւ: Դրսից լսում էին խօսակցութեան ձայներ. երեւում էր որ սաքուն լիքն է զիւղացիներով: Դաւիթը դուռը բացեց եւ ներս մտաւ, աշխատելով չկորցնել իր ձեւերն ու սառնարիւնութիւնը: Նրա ներս մտնելու հետ ձայները մեկէն դադրեցին եւ նա շփոթուեց. Նոյնիսկ նրան թուաց, թէ իր լսած վերջին բառերը Նոյնն էին, ինչ որ կինն ասաց,-

«Թթխմորը հարամ է, արիւնտտ է»: Դաւիթն իրեն չլսելու դրեց եւ առհարկի վստահութեամբ ասաց՝ «Ողորմի՛ Աստուած: Ձայնն անելի բարձր դուրս եկաւ քան հարկաւոր էր. գոնէ Դաւթին այդպէս թուաց, այս անգամ եւ նա այնպէս փակեց բերանը, կարծես մէկը ապտակով խփեց շրթունքներին: Այդ էլ վնաս չունէր, սարսափելին այն էր, որ իր «Ողորմի Աստուած»-ին ոչ ոք չպատասխանեց: Այդ էլ չնկատելու տուեց Դաւիթը եւ առաջ գնաց իր սովորական տեղը գրաւելու բուխարիկից դէպի ձախ, երկրորդ տեղը՝ հաստաբէխ Մանոյի եւ Խուս-Յովելի մէջ:

Դիտմամբ արդեօք՝ թե՞ անուշադրութիւնից այսօր այդ երկու մարդի մէջ շատ քիչ տեղ էր մնացել նրա համար, եւ երբ Դաւիթը մօտեցաւ, ոչ մէկը չշարժուեց, Դաւիթը մի կերպ ներս սողոսկաց, նստեց: Լռութիւնը շարունակոււմ էր. դիտմամբ չէին խօսում, թե՞ խօսել չէր լինում: Մօտիկ հարեւաններն էլ երեսները դարձրել էին Դաւթից...

- Ժամու՛մ շատ ցուրտ էր. տերտերը աղօթքները բօլ կուլ տուեց,- ասաց Դաւիթը: Ոչ ոք ձայն չհանեց. լռութիւնը շարունակուեց. խօսակցութիւն սկսելու նրա ջանքերն ապարդիւն անցան:

Դաւիթը հանեց չիբուխը, պատրաստեց, ոչ ոք կրակ չ'առաջարկեց նրան. ինքը կրակը վերցրեց. վրան դրեց եւ սկսեց արագ արագ ծխել: Յանկարծ Մանոն նրա կողքից վեր կացաւ եւ դուրս գնաց: «Ինչո՞ւ, մտածեց Դաւիթը. նա այսպէս շուտ չէր գնա»: Զիչ յետոյ նրան հետեւեց Խուս-

Հովեն: Այդ արդեն աւելի տարօրիակ էր: Դաւիթը կծկուեց եւ ողնաշարի երկարութեամբ մի պաղ բան սողաց դէպի վար: Այժմ նա աւելի արագ արագ ծխել սկսեց, եւ ծուխը քուլայ-քուլայ բարձրանում էր, նա գլուխը քարշ էր ձգել եւ նայում չէր չիբուխին. մէկ էլ վերեւ նայեց, եւ նրա աչքին մի սարսափելի տեսարան ներկայացաւ. - Գիւղացիք իրար յետեւից դուրս էին փախչում սաքուից, ուր կարծես վարակիչ ախտ էր բուն դրել: Դաւիթը ծխելը մոռացած՝ աչքերը չռած, նայում էր նրանց, եւ մէջքի պաղ գիծը լայնանում էր, հա՛ լայնանում. նա մօտ էր մրսելու: Աւելի սարսափելին այն էր, որ իւրաքանչիւր գիւղացի դուրս գալուս առաջ մի թունոտ, արհամարհական հայեացք էր ձգում նրա վրայ, որից նրա արիւնը սառում էր երակների մէջ, եւ Դաւիթն թւում էր, թէ ինքը նրանց չի ճանաչում, օտար է, այն աստիճան դեմքերը փոխուած էին, խորթ էին:

Սաքուն դատարկուեց ի սպառ: Դաւիթն այժմ է՛լ կասկած չուներ. իր մատնութեան մասին գիտէին ամենքը: Սաքուն այժմ իր լռութեամբ սարսափելի էր, ահաւոր: Բայց ո՞ր գնալ: Տո՛ւն... Նարգիզն այնտեղ արտասուում է արինոտ թթմորի առաջ: Եւ նա մնաց անշարժ նստած, աչքերը յառած այն պատի ճեղքին, որտեղից մի ճպուռի ողբաձայն, միակերպ ճոճոցն էր լսում. նայում էր եւ չէր մտածում... Երկար ժամեր անցան: Յետոյ Դաւիթն թուաց, թէ ինքը՝ ինքը չէ, թէ գիւղացիների հետ ինքն էլ դուրս է գնացել. խօ՛

այստեղ մենակ չէ՞ր նստի ճպուռին ականջ դնելու: Իր ապշութեան մէջ այս միտքը նրան դուր եկաւ, մխիթարեց, բայց ո՞վ էր ինքը.- այդ հասկանալ չէր կարողանում. մտածում իր ընդարմած ուղեղով: Այդ դրութեան մէջ նա ձեռքը մեքենայաբար գրպանը տարաւ, հացը դուրս քաշեց, նայեց. սոված չէր. մի բան անելու համար հացը դէպի բերանը տարաւ կրծեց ու կրկին յիշեց թթխմորը, արիւնոտ թթխմորը. չէ՞ այս հացը նոյն թթխմորից էր... համն էլ տարօրինակ էր... Եւ ծամել չկարողացաւ եւ սարսափով զգաց, որ պատառն իր բերանում ասես աճում, մեծանում է, սղմում է կոկորդը, խեղդում է նրան: Դաւիթը շտապով հանեց բերանից պատառը եւ ձգեց հեռու...

Գոմի լուռութիւնն անելի եւ անելի ճնշող էր դառնում: Դուրս փախչել էր հարկաւոր, բայց ո՞ր. այդ նա չգիտէր. միայն թէ դուրս, լայն տեղ, բաց երկնքի տակ: Եւ նա ոտքի կանգնեց, թողեց հացը եւ սրտապատառ դուրս փախաւ գոմից առանց յետ նայելու...

Մինչեւ երեկոյ խելացնորի սման դաշտում թափառելուց յետոյ, նա քայլերն ուղղեց դէպի գիւղը: Բայց խաւար փողոցի մէջ հագիւ մի քանի քայլ առաձ, նրա առաջ ցցուեցին երկու խորհրդաւոր մարդիկ: Դաւիթը ճիչ անգամ չարձակեց, երբ մահացու զենքի փայլը տեսաւ մթութեան մէջ եւ զգաց երկաթի պաղ ծայրն իր կրծքին: Արդարութիւնն իր իրաւունքն էր պահանջում...

Միւս առաւօտ գիւղացիք գտան նրան փողո-

ցում դաշոյններով խողխողուած:

Մի դիակ փողոցում եւ մի հաց սաքում, երկուսն էլ անախորժ գիւտեր էին գիւղացոց համար. դիակը՝ դաւաճանի էր, հացը՝ հարամ: Մի խոր փոս փորեցին, արիւնոտ դիակը դրին փոսի մէջ, հարամ հացն էլ թաղեցին հետը, - արիւնոտ էր, ուտել չէր լինի:

Ամեն առաւօտ գիւղի յերդիկներից ծխի պտոյտները, որպէս թանձրացած սեւ հոգսեր ու ցաւեր, ձգում են դէպի վեր, դէպի երկինքը եւ բօթերով բեռնաւորուած բանքերների պէս՝ վազում են կապուտակ անսահմանութեան մէջ, զարիւրելի բաներ են պատմում եւ կարծես հաշիւ ու համար պահանջում անարդար երկնքից: Միայն Դաւթի խրճիթից ծուխ չի բարձրանում: Այդ խրճիթը երկնքից պահանջ չունի. նա կարծես կամենում է լռել եւ ծածկել երկնքից այն մեծ ոճիրը, որ իր յարկի տակ է մտածուած: Այն սեւ օրից սկսած՝ Նարգիզն ուխտ է արել մի ամբողջ տարի է՛լ թոնիր չվառել. է՛լ հաց չթխել իր արիւնոտ թթխմորով, իր արնպարտ օջախում: Առաւօտեան այն ժամին, երբ հարեւանները կրակ են ձգում թոնիրները, Նարգիզը վերցնում է իր երկու որբերը, գնում է եկեղեցի, չոքում է խոնաւ գետնին երեխաների հետ, սառն արցունքներով թրջում է եկեղեցու յատակը եւ աղօթո՛ւմ է, աղօ-

թո՛ւմ... Ո՛ւմ համար է աղօթում նա՛ իր ոճրագործ ամուսնու հոգու փրկույթեա՞ն, թե՞ իր զաւակների եւ իր օջախի վրայից արիւնը վերցնելու համար, - այդ միայն ինքը գիտէ: Երբ նա եկեղեցուց տուն է վերադառնում, բարի հարեւանները նրա օրուայ պաշարը բերած են լինում իրանց արդար հացից...

Երբեմն երբեմն երեխաները զարմացած հարցնում են մօրը.

- Մայրի՛կ, ինչո՞ւ հաց չես թխում:

- Թթխմորը չկայ, ձեզ մեռնեմ, մեր թթխմորը արիւնոտ է, պատասխանում է մայրը, եւ զսպուած արցունքները թափում են աչքերից կաթիլ-կաթիլ:

Եւ նայում են մանուկները խորը վշտով, երկա՛ր, երկա՛ր եւ մտածում են, մտածում, բայց նրանց փոքրիկ գլուխները չեն կարողանում հասկանալ, թէ ինչո՞ւ է արտասուում մայրը եւ ինչո՞ւ է թթխմորն արիւնոտ...

ԲԱՆՏՈՒՄ

Արամ Արամեանցի յիշատակին

Ա.

ԲԱՆՏԱՊԵՏԸ

Կես-գիշեր էր: Բանտում ճնշող լռութիւն էր տիրում. միայն պահապանի համաչափ քայլերի ձայնն էր լսում միակերպ, անընդհատ: Չնդանների դռների վրայ բացուած փոքրիկ, կոլոր ծակերը սեւին էին տալիս նախասենեակի կիսախաւարի մէջ. պահապանը դաւադիրի հայեացքով մերթ ընդ մերթ աչք էր ձգում նրանց վրայ, որոնք, կարծես, մահու աչքեր լինէին՝ իր վրայ ուղղուած:

Լոյս կար միայն բանտապետի սենեակում: Այնտեղ երկու մարդ նստած էին սեղանի հանդէպ եւ նայում էին թղթի վրայ այն բանտարկեալների անունները, որոնք վաղը դատարանին պիտի ներկայանային:

Չըրը՛նգ, զըրը՛նգ, զըրը՛նգ...

Օ՛հ, դարձեա՛լ, բացագանչեց բանտապետը, մատիտը ձեռքից վար ձգելով:

- Ի՞նչ է այդ, հարցրեց ընկերը:

- Մի նոր բանտարկեալ, որ իր շրթաների ձանձրալի զըրընդոցով ահա մի քանի օր է, որ իմ հոգին հանում է:

- Ինչո՞ւ է այսպես աղմուկ անում:

- Ես գիտե՞մ ինչու, անդադար շարժում է իր շան բնում, աշխատում է շրջել «մուռտառ դեպուրը» եւ ինձ հանգիստ չի տալիս: Սատանան տանի այս պաշտօնը,- եւ նա բռունցքով պինդ խփեց սեղանին,- այսքան տարի այստեղ եմ եւ այդ դժոխային ձայնին չսովորեցի:

Չըրը՛ընգ, զըրը՛նգ, զըրը՛նգ...

Կրկին լսուեց նողկալի շոինդը, այս անգամ անելի բարձր, անելի որոշ:

- Չե՛մ կարող, որոտաց բանտապետը. չեմ կարող ոչինչ անել, երբ լսում է այդ ձայնը: Երեկ գիշեր աչք չեմ խփել այդ անիծած զըրընգոցից:

Օգնականը սկսեց ծիծաղել:

- Ինչո՞ւ ես ծիծաղում:

- Ինչո՞ւ եմ ծիծաղում, եփած հաւն էլ կը ծիծաղի, եթէ նրան ասեն, որ գայլը դողում է ոչխարի բառաչից: Տօ՛, բարկանալ ու անհանգիստ լինելս ո՞րն է, լռեցրու էլի՛:

- Լռեցնե՛մ, հեշտ է ասել, բայց ի՞նչպես լռեցնեմ:

- Զրամայի՛, որ քնի:

- Բայց եթէ չի՞ քնում:

- Քնացրո՞ւ. միջոց չկա՞), ապա սրանք ինչո՞ւ համար են.- օգնականը ձեռքը մեկնեց դեպի պա-

տից կախած հաստ չուանները՝ երկաթեայ գունդը ծայրերին:

Օգնականը նոր էր ստացել իր պաշտօնը. ոճիր գործելու յանցաւոր եռանդը փայլուն էր նրա վագրային աչքերում: Երեւի՝ ոճիրի թարմութիւնն էլ գրաւիչ է:

Չըրը՛նգ, զըրը՛նգ, զըրը՛նգ... կրկին լսուեց ժանգոտ երկաթի սարսեցուցիչ շոփնդը:

Բանդապետն այս անգամ մի փոքր մտածեց, շրթունքները կծոտեց եւ զայրոյթով դուրս գնաց: Նա դիմեց դէպի այն զնդանի դուռը, որտեղից լսում էր ձայնը: Բաց արեց դռան վրայի փոքրիկ անցքը եւ կանչեց որոտագին:

- Է՛յ, շո՛ւն գեաՎուր, ինչո՞ւ հանգիստ չես մտում:

- Բայց ես ոչինչ չեմ անում, լսուեց ներսից:
- Ինչո՞ւ ես զըրընգոց հանում անդադար:
- Այդ ձեր տուած շղթաներն են շառաչում:
- Ինչո՞ւ ես շարժում, որ ձայն հանեն:
- Ապա ի՞նչ անեմ::
- Զնի՛ր, քնի՛ր ասում եմ, թէ չէ...

Բանտարկեալը լուռ էր:

«Զնի՛ր», հեշտ է ասել,- մտածում է բանտարկեալը. բայց կարո՞ղ է քնել ազատութեան վատաբախտ գինուորը, որ կենդանի թաղուած է մռայլ գերեզմանի մէջ եւ համոզուած չէ, թէ իր ստրուկ հայրենիքի բոլոր ցաւերը, դարաւոր վերքերը, արցունքն ու հեծեծանքները իր հետ միասին յաւիտեան թաղում է նոյն գերեզմանի մէջ:

Հայդուկի կուրծքը հրաբուխ էր, գլուխը՝ մտքերի ծով, բանտը՝ նեղ, շղթաները՝ ծանր, միայն նրանց շռիլդը՝ բռնութեան յաղթանակի գարիուրելի երգն էր ահաւոր, որ աշխարհի սկզբից հնչւում է քարաշէն մութ կամարների տակ, ուր ազատութիւնը գալարտում է ու մռնչում՝ տիեզերական անմահ ոգուն յանձնելով պատմել իր փրկարար խոհերն աշխարհին:

Ա՛յսպէս էր բանտարկեալը եւ նա չէր քնում:

Բանտապետը հեռացաւ, իսկ բանտարկեալը մի փոքր կանգ առաւ, մտածեց եւ ապա կրկին շարժուեց: Բանտը նեղ էր. շրջել չէր լինում: Նա աշխատում էր պատերի տակից փոքրիկ, շա՛տ փոքրիկ պտոյտներ կազմել... Եւ շղթաները շառաչում էին, եւ խաւարն աղմկւում էր - զըրը՛նգ, զըրը՛նգ, զըրը՛նգ...

- Վաղո՞ւց է բերուած այդ անպիտանը, հացրեց օգնականը, երբ բանտապետը կրկին ներս մտաւ:

- Երեք օր առաջ որսացին Թօփրագգալէից: Չարեղիցն է, քնել չի կարողանում. կարծեմ տակը շատ բան կայ, միայն ոչ ոք չի կարողանում կարծեմ տակը շատ բան կայ, միայն ոչ ոքի չի ճանաչում, ո՞վ է, ո՞րտեղից է:

- Ուրեմն կը բարձրանայ:

- Կախաղա՞ն. ի հարկէ, եթէ հաստատուի: Բայց ի՞նչ տղամարդ է...

Նրանք լռեցին. խօսել չէր լինում. նիւթը յարմար չէր: Ոճիրների մասին շատ չի խօսում, երեւի սեփական ձայնը զգուելի է այդ ժամին:

Այդ լռութիւնը կրկին ընդհատուեց շղթայի նոր շառաչիւնով:

- Սպասի՛ր մինչեւ լոյս, գեա՛վո՛ւր, մոմռաց բանտապետը, սպասի՛ր...

Օգնականը վեր կացաւ, բարի գիշեր ասաց եւ դուրս գնաց:

Բանտում կրկին լռութիւն տիրեց, որ սակայն դեռ երկար ժամանակ մերթ ընդ մերթ ընդհատում էր շղթաների զարհուրելի շփնդով, զըրը՛նգ, զըրը՛նգ, զըրը՛նգ...

Լուսացաւ: Բանտարկեալներին նախաճաշ տալու ժամն էր:

- Զիմա դու յաւիտեան կը քնես, գեա՛վո՛ւր, մոմռում էր բանտապետը, մի աման կերակուր ձեռքին ուղղուելով դեպի անհանգիստ բանտարկեալին խուցը:

Դուռը բացեց, ներս մտաւ, կեղտոտ հեղուկը դրեց գետին:

Բանտարկեալը քնած էր տակաւին, ուստի նա զգուշութեամբ դուրս եկաւ, կրկին դուռը փակեց, բայց չհեռացաւ կամ աւելի ճիշդ՝ չկարողացաւ հեռանալ: Մի անորոշ, բայց հզօր զգացմունք նրան միտեց իր տեղում. նա աչքը դրեց դրան փոքրիկ՝ ծակին եւ անթարթ նայում էր ներսը առանց կարողանալու յետ քաշուել: Բանտարկեալի կերպարանքը սքանչելի էր ու վեհ: Բաց, լայն ճակատ, պայծառ ու շքեղ ինչպէս իր ծածկած մտքերը, ջլուտ դէմք՝ եզերուած թաւ, լայն միրուքով, փռուած առնական կրծքին, որ վեհութեամբ

բարձր ու ցածր էր լինում: Ամբողջ պատկերն իր մէջ մի բան ուներ, որի առաջ բանտապետն իրան ընկճուած էր գգում: Կրօնական երկիւղի պէս մի բան էր զարթնում նրա սրտում: Նա աշխատում էր յետ մղել իրենից նոր գգացմունքը, որ դեռ երբեք նրա մէջ չէր ծագել սրանից առաջ: Ռ'չ, ռ'չ, նա նրան չի խղճում... Ահա նա կամացուկ կը վերկենայ, կը մօտենայ կերակրին, մէկ, երկու դգալ... Եւ թոյնն իր գործը կը տեսնի: Թո՛ղ այնուհետեւ չքնի, թո՛ղ չքնի, եթէ կարող է: Այսպէս էր մտածում բանտապետը, նայելով քնած երիտասարդին: Բայց ինչո՞ւ էր նա մնացեալ կանգնած, ինչո՞ւ չէր հեռանում, գնում-այդ ինքն էլ չգիտեր եւ աշխատում էր դրա մասին չմտածել, նոյնիսկ աշխատում էր ինքն իրենց հաւատացնել, թէ մնացել է հրճուելու զոհի մահուան տեսարանով, նրա գալարումներով, նրա հառաչանքներով...

Նա խաբում էր իրեն:

Ահա բանտարկեալը շարժուեց, աչքերը տրորոց, նստեց, շուրջը նայեց: Չարմանալի բան. բանտապետը սկսեց դողալ. նրա ծնկները ծալուում էին... Ուրեմն ոճիրի առաջ հրճուելու քաջութիւնը սո՞ւտ էր: Բայց չէ՞ որ նա շատերին է թունաւորել: Բանտարկեալը վերկացաւ, շղթաները հանեցին իրենց վաղեմի շօխողը, բայց բանտապետն էլ չզայրացաւ: Նա սոսկում էր: Ինչո՞ւ.- այսօր առաջին անգամն էր նա իր ձեռքով թունաւորում մէկին. նախորդներն միայն իր հրամանով էին կատարուել:

Ահա բանտարկեալը մօտեցաւ կերակրի ամանին: Բանտապետը տեսաւ այդ էլ. ոտներն երեքացին, նա յենուեց դրանք՝ չընկնելու համար: Ահա զոհը ձեռք առաւ դգալը ամենայն խաղաղութեամբ, կարծես, մի շատ սովորական գործ էր կատարում: Բանտապետն այժմ արդէն դժուարանում էր նայել: Նա ուզեց յետ քաշուել, չկարողացաւ: Նրա կոկորդը սկսեց չորանալ... Ի՞նչ էր արել նրան, բանտապետին, ա՛յդ հոյակապ տղամարդը: Այդ չքնաղ պատկերը, այդ հրաշալի, բոցոտ աչքերը, այդ ամբողջ երիտասարդ կեանքը՝ ինչո՞վ էր արժանի այդ մեծ ոճրին եւ այն՝ ամենազգուելի եղանակով, թոյնով...

Բանտարկեալը չէր կարող գուշակել բանտապետի մէջ կատարուող այդ ներքին կռիւը եւ նրա պատճառը. նա դգալը կերակրի մէջ կոխեց եւ պատրաստուում էր բերանը տանել, երբ երկաթէ դուռը դրդողոցով բացուեց եւ բանտապետը, ներս վազելով, բռնեց նրա ձեռքը՝ գոչելով.

- Կա՛ց... կա՛ց...

Նրա դէմքը սարսափելի էր: Բանտարկեալը զարմացած նայում էր այդ մարդուն:

- Կա՛ց, ճչաց կրկին բանտապետը.- նա հեւում էր, նա խեղդուում էր շնչակտուր.- չեմ կարող, կա՛ց, շարժիր այդ շղթաներդ որքան կ'ուզես. թո՛ղ նրանք շառաչեն յաւիտեան, բայց այդ մի՛ կեր... ես էլ չեմ կարող...- Եւ նա իլեց ամանն ու դգալը- շտապով դուրս փախաւ եւ դուռը փակեց:

Բանտարկեալը հասկացաւ: Նրա դէմքին մեղմ

ժպիտ փայլեց՝ որպես վերջալոյսի տխուր շողք: Նա հրճուում էր,- քարե կամարի տակ, երկարթ դրան յետեւում, ժանգոտ շղթաների մէջ՝ նա յաղթանակում էր...

Բ

«ԸՆԿԵՐԸ»

Անցան օրեր եւ շաբաթներ: Յերեկ էր: ՉըրըՆգ, զըրըՆգ, զըրըՆգ - նոյն շղթաների շռինդն էր, որ այս անգամ հնչւում էր Ա. քաղաքի փողոցներում: Փայլփլուն սուփնների արանքից մերթընդ մերթ երեւում էր մի գունատ դէմք. նոյն բանտարկեալն էր, տարւում էր դատարան:

ՉըրըՆգ, զըրըՆգ... Օրը ցերեկով էր այս շռինդը սոսկալի էր. դռներ կային, որոնք զգուշութեամբ փակւում էին. լուսամուտներ՝ որոնք շտապով ծածկւում էին: Մի ամբողջ երկրի բողոքն էր այն, որ հառաչելով անցնում է փողոցներով, եւ մարդիկ, ծածկւում էին սարսափով...

Ահա դատարանը: Ծա՛տ ես... դատաւոր, քննիչ, գրագիր եւ ուրիշներ: Այստեղ ես նաեւ բանտապետը ու իր օգնականը: «Ես չարի, ես անպարտ եմ, դուք դիտէք», մոմռում էր բանտապետն ինքն իրեն...

Դատաւորը դիմում է մեղադրեալին.

- Դո՛ւ ես Ա... եցի Ա...

- Ո՛չ, ես Ա... եցի չեմ:
- Բ... ը քո ընկե՞րն է:
- Ես նրան չեմ ճանաչում:
- Գ... ին դո՞ւ ես սպասեի:
- Այո՛, նա իմ թշնամին էր:
- Չէնքերը դո՞ւ փոխադրեցիր Շ...
- Ո՛չ, ես չեմ փոխադրել:

Բանտապետի օգնականը, որ մինչեւ այդ շեշտակի նայում էր մեղադրեալին, այժմ մօտեցաւ դատաւորին, մի բան փսփսաց նրա ականջին, ապա նրա գլխի նշանի վրայ՝ մօտեցաւ, կանգնեց մեղադրեալին առաջ, մօտ, բոլորովին մօտ:

Դատարանում լռութիւն տիրեց: Ամենքը սպասում էին ինչ որ անսովոր եւ նոյնիսկ զարիուրելի բանի եւ հայեացքներն ուղղել էին այդ երկու մարդոց, որոնք դեմ առ դեմ կանգնած՝ նայում էին իրար, ինչպէս շատ տարիների քելով լցուած թշնամիներ: Երկու դեմքեր չէին նրանք, այլ չորս աչքեր միայն, կամ՝ անելի ճիշդ չորս բոցեր, որոնք աշխատում էին դուրս ցայտել խոռոչներից եւ այրել հակառակորդներին:

Հանդիսատեսները սկսեցին սարսուռի պէս մի բան զգալ, ինչ որ պիտի կատարուէր, շատ էր անսովոր, շատ էր ահաւոր:

Հակառակորդները շարունակում էին նայել իրար... Նրանց չռած աչքերը չէին թարթում, իրար վրայ սղմուած շրթունքները չէին շարժում, յօնքերը չէին խաղում, ձայն չէր լսւում, խօսք չէր

արտասանում: Նրանք միայն հեռում էին եւ նայում, նայում էին եւ հեռում, մեկը շղթաների մէջ, բայց հպարտ ու սրբազան զայրոյթով բռնուած, միւսը տաճիկ պաշտօնեայի համագգեստով եւ գործելիք ոճիրի հանդէպ շփոթուած, դողդոջուն... Այստեղ էր կատարում իսկական Դատաստանը, նա՛ որ շիկացած երկաթով խարան է դնում խիղճերի վրայ:

Յանկարծ բանտարկեալը յետ քաշուեց, շղթաները հնչեցնելով, եւ այնպէս զգուանքով դարձրեց երեսը իր հակառակորդից, որ վերջինը ցուրտ զգաց թիկունքում, երերաց եւ հազիւ կարողացաւ թոթովել:

- Ես... ես... քեզ ճանաչում եմ, դու Ա... ն ես:

- Այո՛... մռնչած մեղադրեալը... դու իմ «ընկերն» ես եղել...

«Ընկեր»... սարսափելի էր: Այդ բառը մարմին առաւ եւ հրեշաւոր այլանդակութեամբ ցցուեց օգնականի առաջ: Նա այժմ տեսնում էր իրեն զգուելի մանրամասնութեամբ, տեսնում էր եւ վախենում իր պատկերից: Ո՛րքան արիւն ծախեց իր փայլուն կոճակների համար: Նա ականայ ձեռք դրեց մի կոճակի վրայ, սառն էր, յետ քաշեց: Զանի՛ տարի շարունակ նա գաղափարի ընկեր էր ձեւացել այս շղթայակապ հերոսի հետ, քանիսին խաբել օձի նենգութեամբ, իսկ այժմ... Նա շօշափեց իր սուրը, կրկին յետ քաշեց ձեռքը, եւ ականայ նայեց իր նախկին ընկերոջ ծանր շղթաներին: Ո՛րն էր լաւ - տաճիկ պաշտօնեայի սո՛րը

թե հայրենիքի փրկութեան նահատակի ժանգոտ շղթաները... Այս հարցը, որ նա վաղուց վճռած էր համարում այսօր կրկին ցցուեց նրա առաջ: Ինչո՞ւ... Ո՞վ կարող է չափել մարդկային սրտի խաւար խորութիւնը, ուր շատ անգամ ոճիրների կողքին քնած են հազար ու մի ամեղծուածներ:

Դարձեալ գիշեր, մի մռայլ գիշեր: Սեւ երկնքի տակ անհանգիստ քամին էր աղմկում խաւարի ծանր լռութիւնը:

Օգնականը դեպի բանտն էր գնում. բանտապետը կանչել էր: Նրա քայլուածքը նախորդ օրերի աշխոյժը չունէր. խաւարն էր լաւ չէր, քամին էլ լաւ չէր, դրսում ոչինչ լաւ չէր: Նա մտածում էր այնպիսի բաներ, որ կը գերադասեր չմտածել: Այս առաւօտ ի՞նչքան աշխատեց թագնուել, երբ Ա... բարձրանում էր կախաղան, չեղաւ: Նա կարծես յատկապէս իրեն էր փնտռում, գտաւ եւ նայեց, էլի այնպէս, ինչպէս դատարանում, զգուանքով. կարծես նա ուզեց մահից առաջ նրա ճակտին յափտեան դրօշմել այն սոսկալի, թունաւոր հայեացքը, որից իր արիւնը սառում էր: Ահա խաւարի մէջ երկու փայլուն կետեր-աչքե՛ր են... Նա կանգ առաւ, մտքերի թելը կտրուեց, նա վախենում էր. ի՞նչպէս առաջ գնալ... Մի փոքր մտածեց, աչքերը փակեց. երբ բացեց, փայլուն կետերն այնտեղ էին, այժմ աւելի մեծ, աւելի պսպղուն... ճարը կտրած՝ նա վրայ վազեց, աչքերն անյայտացան. մի կատու էր, որ փախաւ: Նա ժպտաց իր վախկոտութեան վրայ, բայց եւ այնպէս շուտ-

շուտ գնաց:

Ահա նա բանտի բակումն է վերջապես: Նայեց դեպի այն կողմը, ուր այս առաւօտ կախաղանն էր: Նա համոզուած էր, որ դիակը թաղուած, ամեն ինչ վերջացած կը լինէր. բայց... Նա սառած մնաց,- դիակը դեռ սպիտակին էր տալիս խաւարի մէջ, եւ ամեն անգամ, երբ քամին ուժով խփում էր կախաղանի սիւները ճրճոռում էին ծանր, լալագին, ինչպէս սիրելիի վրայ ողբացող սգաւորներ կամ ծանր ցաւից հեծող թշուառներ: Եւ քամին տանում էր այժմ ճոնչը աշխարհին յանձնելու համար:

Ճանապարհն անցնում էր հենց կախաղանի տակով: Նա վազեց առանց վեր նայելու, բայց քանի մօտենում էր կախաղանին, այնքան քայլերը ծանրանում էին: «Քամին չի թողնում», մտածեց նա: Ստիպուած եղաւ ծանր գնալ, առանց կարողանալու աչքերը հեռացնել կախաղանից... Ծանօթ սարսուռը կրկին անցաւ նրա մարմնով: Վերջապէս դողալով նա մտաւ բանտապետի մօտ: Այստեղ լաւ էր. գոնէ կենդանի մարդ կար: Բանտապետը վերեւ չնայեց, նա մտախոհ էր: Լուռ էին:

- Զիմա խօմ հանգիստ ես, ասաց օգնականը ճնշող լռութիւնն ընդհատելու համար, էլ ձայն չկայ:

- Կա՛յ. չէ՞ս լսում, ա՛յ ականջ դիր:- Դրսուց քամու մոմոռոցի հետ միասին լսում էր սիւների ճոճոռոցը՝ տխո՛ւր, միակերպ, ինչպէս մի հսկայա-

կան օրօր յափտեան քնող նահատակի վրայ...

- Ինչո՞ւ թաղել չտուիր:

- Յեկ դրա համար եմ կանչել քեզ. վաղը նրան դու պիտի թաղել տաս, դու նրա «ընկերն» ես եղել...

Օգնականը լուռ էր: Ակնարկը սպանիչ էր: Դարձեա՛լ...

- Ես չթունաւորեցի նրան... մոմօում էր բանտապետը եւ ուզում էր շարունակել բայց յանկարծ լռեց: «Չլինի՞ թէ արտասում է», մտածեց օգնականը եւ սարսափեց... Բանտապետը գլուխը քաշ էր ձգել. աչքերը ստուերումն էին: Ահա կամացուկ տեղից բարձրացաւ, վերցրեց լամպը եւ դողդողալով մօտեցրեց բանտապետի դեմքին: Բանտապետը գլուխը բարձրացրեց, գայլոյթով խլեց օգնականի ձեռքից լամպը, զարկեց յատակին եւ փշուր-փշուր դարձրեց գոչելով.

- Դաւաճա՛ն, ընկե՛րդ էր...

Սենեակում խաւար տիրեց. ամեն մի անկիւնում տասնեակ փայլուն աչքեր պլպլացին, ապա մեծացա՛ն, մեծացա՛ն... Սարսափելի՛ էր. պետք էր դուրս փախչել: Օգնականը դուռ չէր գտնում. քանի անգամ նա պտոյտ գործեց, վերջապէս ուժասպառ, քրտնաթոր հագիւ գտաւ դուռը եւ գլուխը զգուշութեամբ դուրս հանեց:

Դուրսն էլ սարսափելի էր. խաւար, քամի, եւ կախաղանը շարունակում էր ողբալ իր միակերպ ճռճոցով եւ դիակը ճօճում էր օդի մէջ: Ո՞ր գնալ... Նա վճռեց կրկին վազել եւ անցնել, բայց

հազիւ մի քանի քայլ արած, նա աչքերը վեր բարձրացրեց.- առջեւում, խաւարի մէջ, երկու աչքերը փայլում էին, արիւնոտ, ճոթոտած: Նրա ծնկները ծալուեցին... Դողդողալով յետ եկաւ դէպի բանտապետը: Ամբողջ աշխարհն էր խօսում այդ մի հատիկ մարդու բերանով: Օգնականը դարձաւ եւ վազեց թափով: Զամին նրան չթողնեց առաջ գնալ եւ, կանգ առաւ հենց կախաղանի տակ: Զրոտինքը թափւում էր վրայից, բայց նա դողում էր, ատամներն իրար էին գարկում: Այս վերեւ նայեց: Դիակն այս անգամ՝ էլ այնպէս բարկացած չէր. աչքերը նայում եւ թարթում էին մեղմ, կարեկից եւ արիւնոտ. շրթունքները կամացուկ մրմնջում էին՝ «ընկե՛ր, ընկե՛ր, ընկե՛ր»... Այս բանի տեղ նա կ'ուզէր լսել իր գլխին ճայթող մահացու կայծակի որոտը... Ո՛ւր փախչել ազատուելու համար: Ոտներն իրեն չէին հնազանդում. նա լենուեց կախաղանի սեանը եւ սարսափած նայում էր ճօճուող դիակին երկա՛ր երկա՛ր, եւ լսում էր կախաղանի ողբածայն ճռռոցը:

Նա յիշեց բոլորը... Իր գլխի վերեւ օրօրուող դիակն իր «Ընկերն» էր... Ո՛ւր էր ինքը եւ ո՞ւր իջաւ... Կ'ուզէր արտասուել, բայց չկար այդ գովացուցիչ արցունքը, մինչդեռ կուրծքն ուռած էր, այրում էր, եւ նա անելի եւ անելի մօտ էր սեղմում օրօրուող սեանը, տրոհում էր կուրծքը՝ ներսի բոցը մարելու համար... Ի գո՛ւր:

Երկար նա գալարում էր վիրաւոր օձի պէս խաւարի եւ միայնութեան մէջ: Յանկարծ նա թո-

դեց սիւնը, բռնեց գլուխը, կանգ առաւ մի փոքր, ապա տենդոտ շարժումներով մօտեցաւ, վերցրեց սանդուխքը, դրեց, բարձրացաւ, պարանն իր պարանոցը ձգեց ու ճօճուեց օդի մէջ... քամու ձայնին խառնուեց մի քանի խռիւռոց... Եւ ամէն ինչ վերջացաւ:

Եւ նայում էին իրար այդ երկու դիակները չռած աչքերով, մէկը վերեւից, միւսը ներքեւից, Եւ լսում էր խաւարի մէջ բանտապետի հեծկլտանքը...

Եւ ազատութեան Ոգին անցնում էր այդ դիակների վրայով, մէկին ժպտադէմ, միւսին խոժոռ նայելով...

1899 թ.

ՋԱՄՈՆ

Այն գիշեր Վանայ ծովակը յոգևած գեղեցկուհու նման անուշիկ նազանքով ծոյլ ծոյլ օրօրում էր իր ափերի մէջ՝ հեալով մեղմիկ, եւ կարծես չարածճի աստղերի հետաքրքիր հայեացքներից իր մերկութիւնը ծածկելու համար, յարատեւ մշուշից անբաւական, վրան ձգել էր նաեւ գիշերային խաւարի թանձր քողը եւ պատրաստում էր հանդարտ քուն մտնել: Սակայն ո՛չ խաւարը եւ ո՛չ էլ մշուշը չէին կարողանում աստղերին արգելել իրենց սովորական խաղը. նրանք այնու ամենայնիւ անհամար քազմութեամբ վազել էին կապուտակ երկնքի զանազան ծայրերից դեպի այս ծովակը եւ նայում էին վերից վար իրենց պլպլան աչքերով: Երբ գիշերային հոփն իր պաղ շնչով լիզում, այլայլում էր ծովակի մակերեւոյթը, այն ժամանակ աստղերը, սառը ջրի հպումից սարսռացող մերկ մանուկների պէս, դողդողում, թրթռում էին ջրի մէջ արծաթէ շիթեր արծակելով կամ խառնւում էին ալեակների հետ, որոնք հրում, հրհրում էին իրար՝ աննպատակ դեպի ափերը մղելով, կամ կարծես փսփսում, քչփչում

Էին իրար ականջին մանուկ դաւադիրների պէս եւ մանկական լրջութեամբ, որ յետոյ ասիերի մօտ ընդհանուր արծաթահնչիւն քրքիջով, միահամուռ շրփփոցով արար աշխարհի յայտնեն մի չեղած գաղտնիք: Եւ չորս կողմից ասիերի լեռները խորհրդաւոր լռութեամբ իրենց խոռոչէ անլոյս աչքերը, որոնք չեն թարթում նոյնիսկ փոթորիկների առաջ, չոնէ Էին դեպի ծովակը հրէշաւոր զարմանքով եւ կարծես դիտում էին աստղերի եւ ալեակների, ծովակի եւ երկնքի հրաշալի խաղը:

Եւ ամէն ինչ ներդաշնակ էր բնութեան մէջ այն գիշեր. ամէն ինչ վսեմ էր ու դիւթիչ:

Ինչո՞ւ, սակայն, բնութեան այս անսման խաղաղութեան, այս աստուածային ներդաշնակութեան մէջ բաժին չունէր ծովափի Աղ... գիւղը: Դեպի իրենց գերեզմանները խոյս տուող հալածուած ուրուականների պէս՝ մարդիկ փախչում էին այս ու այն պատի տակից, այս ու այն նեղ փողոցից եւ կարծես շտապով ծածկւում էին անդունդներում: Մի տնից միւս տուն, մի կտրից միւս կտուր, թոնրատնից գոմ, գոմից դաշտ, պատերի վրայով, դեզերի տակից, փոսերի միջից- քարերի արանքից, ակերակներից, ուր ստուերն անելի թանձր էր, ուր խաւարն անելի եւ, մարդիկ մերթ սողում էին ծնկների վրայ, մերթ կանգնում, ձգւում էին ու՝ իրար քաշքշելով, քչփչալով, դողալով անցնում էին, անյայտանում էին ստուերի պէս եւ յետոյ կրկին երեւում, կրկին ծածկւում էին: Ամբողջ գիւղը իր խրճիթներով սարսափի ձեռքին

գալարում, ուլորում, դողդողում եր: Շներն էլ էին անհանգիստ. անկարգ ու այլանդակ էին հաշում, կամ կաղկանձում ողբաձայն, կամ ոռնում դունչերը դեպի երկինք ուղղած: Խրճիթներում ճրագ չկար, լոյս չկար միայն երբեմն այս ու այն փողոցում, այս ու այն տան առաջ մի խումբ մարդկանց ձեռքին երեւում էին կերոններ, որոնք մուլորակների պես այստեղ ու այնտեղ էին յայտնւում փախչողների յետեւից, յետոյ ծածկւում, ապա մէն բան կրկին խորասուզւում եր նոյն խեղդող խաւարի մէջ. ստուերները շարունակում էին սողալ, քաշքշուել:

Այդ չար ժամին ծովափին շտապ-շտապ մօտեցան երկու մարդկային ստուերներ, ըստ երեւոյթին երկու կին, մէկը բարձրահասակ եւ առնական շարժումներով, միւսը անելի փոքր ու կանացի քնքոյշ մարմնակազմով: Նրանք մի վայրկեան կանգ առան մի ձկնորսական նաւակի առաջ:

- Ծովից չե՞ս վախենում, հարցրեց բարձրահասակ կինը փսփսուկով:

Երկրորդը պատասխանի փոխարէն գլխով բացասական շարժում արեց, հասկացնելով, որ չի վախենում:

- Նաւակ նստե՞լ ես:

- Այո՛, պատասխանեց երկրորդը դարձեալ գլխով:

- Թիավարել կարո՞ղ ես:

Պատասխանը բացասական եղաւ:

- Ղեկը կարո՞ղ ես պահել:

Ջահիլ կինը դրական պատասխան տուեց:

- Դե՛հ շուտ նստի՛ր - վրայ բերեց բարձրահասակ կինը,- վերջապես ինչ էլ որ լինի, լաւն այս է, շարունակեց նաեւ, տեղ բռնելով. մեզ մնացել է կամ նա՛, կամ սա՛. եւ նա ձեռքով երկինքը՝ ապա ջուրը ցոյց տուեց:

Նրանք նստեցին: Ջահիլ կինը դեկը բռնեց, իսկ միւսը թիակներն առաւ, եւ նաւակը վայրկենապէս հեռացաւ ափից՝ շտապ-շտապ պատռելով քնած ալիքները:

Ուզե՞ր էին այդ երկու խորհրդաւոր կանայքը:

Բարձրահասակ կինը Թուխիկենց Ջաւօն էր, իսկ միւսը՝ Նրա հարսը, սիրուն Յեղինարը: Աղ... գիւղում ո՞վ չէր ճանայում Ջաւոյին, այն բարձրահասակ, առնացի կնոջը, որի չորացած, թուխ դեմքը, մանաւանդ խորը, սեւ աչքերը չար լինելու չափ լուրջ էին միշտ: Այդ դեմքին նայելով՝ կարելի էր կարծել, թէ Ջաւօն միշտ գայրացած է, միշտ քիտտ, միշտ դժգոհ մի բանից: Նրա դեմքի արտայայտութիւնը չէր փոխուում, բայց փորձուած աչքը կարող էր նրա իսկական գայոյթի եւ խաղաղութեան նշանները գտնել այդ միապաղ դեմքին, որովհետեւ երբ Ջաւօն կատաղած էր, այդ ժամանակ նրա քթի վերելում, թաւ յօնքերի միջափայրում եւ բերանի երկու անկիւններում մի-մի գոյգ անախորժ, չարագուշակ կնճիռներ էին

կազմում: Ահա այդ ժամանակ էր սարսափելի Ջալոն եւ նրան խօսեցնելն անվտանգ չէր: Նա քայլում էր միշտ գլուխը բարձր, մեջքն ուղիղ, հաստատ, առնացի քայլումածքով, եւ առհասարակ նրա ամբողջ մարմնակազմը, բնաւորութիւնը ինչ որ առնական բան ունէր, որ այնպէս անախորժ խառնուրդ էր կազմում կանացիութեան հետ: Այսպէս՝ նա կանացի աշխատանք չգիտէր, ասեղ ձեռք չէր առնի, բայց մեծ սիրով իր ամուսնու՝ ձկնորս Վրթոյի հետ՝ նաւակ կը նստէր, կը թիավարէր տղամարդից լաւ եւ առհասարակ երկիւղ ասած բանը չգիտէր: Ամենքն էին վախենում Ջալոյի լեզուից եւ գայրոյթից, բայց մանաւանդ նա սարսափելի է իր ամուսնու համար, որ առանց նրա խորհրդի ոչինչ չէր անի: Գիւղացիք այդ գիտէին, եւ վաղուց սովորութիւն էր դարձել Վրթոյին անուանել «Ջալոյի Վ'րթօ»: Եւ ոչ ոք, նոյնիսկ ինքը Վրթօն, այդ կոչումը տարօրինակ, ստորացուցիչ չէր գտնում:

Մի հատիկ գաւակ ունէին նրանք, որ դեռ փոքր հասակից ընկերանում էր ծնողներին ծուկ որսալիս, իսկ երբ հասակ առաւ, ամուսնացաւ, այն ժամանակ Ջալօն իր ամուսնուն տուեց ծովն ու որդին, իսկ ինքը վերցրեց տունն ու հարսը: Ծովի ձախորդութիւններից, նրա ահաւոր անակնկալներից, յարատեւ յորձանքների վտանգից որդուն պիտի պաշտպանէր հայրը, իսկ չար աշխարհի գայթակղութիւններից, կեանքի մոլորութիւններից, մարդկանց անիրաւութիւններից՝ ինքը Ջա-

ԼօՆ պիտի պաշտպաներ իր հարսի եւ իր օջաղի պատիւը: Կեանքն էլ մի ծով չէ՞... Իսկ ՋալօՆ լաւ էր ճանաչում ծովը՝ իր անդունդներում թագցրած կրքերով, կեանքը՝ իր խեր ու շառով:

Էլ այնուհետեւ Ջալոյին ոչ ոք չտեսաւ ծովի վրայ, եւ հարսին ոչ ոք չտեսաւ փողոցում: Խստաբարոյ կեսուրը մի րոպէ անգամ Յեղիևարին մենակ չէր թողնում: Նրա չար բախտից հարսն էլ գեղեցիկ էր-այսպէս էին համոզուած ամենքն առանց տեսնելու: Յարսը բերուած էր 2-3 ժամուայ ճանապարհի հեռու մի ծովափնեայ գիւղից-այնտեղից էր գալիս նրա գեղեցկութեան լուրը: Յարեւանները կատակի սիրօ էին դարձրել Ջալոյին զգուշութիւնը, բայց այդ կատակներից նա նեղացողը չէր:

- Ի՞նչ ուզում եք ասեք, ես մի բանը գիտեմ, ասում էր նա հարեւանուհիներին: Մարդուն էլ եմ ճանաչում, կնկան էլ: Երկուսն էլ իրար արժեն. մարդը խօսմ միշտ «շուն» կը լինի, «աչքը չոր», «Յարեւանի հարսն էլ միշտ սիրուն է» եւ «աչքը դուրս»:

Ահա թէ ինչու համար նա այնքան զգոյշ, այնքան խիստ էր դէպի իր հարսը:

Եւ այսպէս ապրում էին նրանք. լաւ-վատ՝ գլուխ էին պահում:

Բայց մի օր սեւ եկաւ Թուխիկենց տան վրայ. Կրթոն ու որդին ծովը գնացին ու էլ յետ չեկան. երկուսով էլ փոթորկին զոհ գնացին, եւ մի քանի օր յետոյ դիակները գտան ծովափում:

Օջաղը փլաւ... Հարուածը զարհուրելի էր... Երկու կանայք սեւ կապեցին, սգացին: Ջալօն երկար արտասուեց. բայց չկռացաւ. միայն այնուիտեւ երկու յօնքերի միջի եւ շրթունքների եզրի կնճիռներն էլ չջնջուեցին: Նա սարսափելի էր: Կամաց-կամաց վրայ հասնող աղքատութիւնն էլ աւելի դաժան, աւելի մարդատեաց դարձրեց նրան. էլ չէր խօսում, չէր վիճում, չէր անիծում: Ասում էին միայն, որ հարսի հետ աւելի քաղցր էր վարում այնուիտեւ, կարծես նրա մէջ էր փնտռում իր յետին սփոփանքը: Այս քնքշութիւնը դէպի հարսը սակայն մազի չափ անգամ չմեղմացրեց նրա հսկողութիւնը: Ընդհակառակը՝ աչքերը չորս դարձան իր այրի հարսի, իր օջաղի պատիւը պաշտպանելու համար, մինչեւ որ «ջա-հիւը» կրկին մարդու գնար: Երկու սգաւոր կանայք սեւ օրով ապրում էին: Հարսը հնազանդ է՛լ իր կեսուրիսն է՛լ իր այնքան անսիրտ ճակատագրին, սպասում էր իր երկրորդ բախտին:

Էլի հարկ էին հաւաքում Աղ... գիւղում. քանի՞ երրորդ անգամն էր, ո՞վ գիտեր: Տարել էին ամեն ինչ- անասուններ, կահ ու կարասիք, զարդեր, շորեր,- բայց հարկահանները դարձեալ աւերած էին գործում տներում: Ծեծ, սպանութիւն, առեւանգութիւն, պատուի անարգանք գիւղը բռնել էր: Մարդիկ փախչում էին, կանանց, աղջիկներիս

թագցնում: Գիւղը կրակի մէջ էր:

Այն օրը Ջաւոյի դէմքի կնճիռները շանթալից ամպերի պէս կախուել էին: Ի՞նչ աներ, ո՞ր ջուրն ընկներ. երբ զափթիաները տուն թափուեն՝ ի՞նչ տայ, հարսին ի՞նչպէս ազատի, ո՞ւր փախցնի: Եւ անհանգստութեամբ դուրս էր գնում, ներս մտնում, ինքն իրեն խօսում, մռմռում, հարսին նայում, տան չորս կողմում բան փտռում, որ տանի շուտով յանձնի, գուցէ տուն չգան,- բայց ոչինչ, ոչինչ չկար... Միայն հարսն էր ու իր պատիւը, որ փրկել էր պետք:

Մութն իջաւ: Արդէն գիշեր էր, երբ հարեւան տնից աղմուկ բարձրացաւ: Ջաւօն դուրս թռաւ բակը, կտուրը բարձրացաւ եւ հարեւանի հերդիկի վրայ կռացաւ: Տեսարանը սարսափելի էր: Մի տաճիկ բեգ եւ տասնի չափ զափթիաներ լցուել էին տունը: Երեխաները լալիս էին աղիողորմ, սրտապատառ ճիչերով. կինը կծկուել էր մի պատի տակ, գլուխը քաշ ձգած՝ նոյնպէս արտասւում էր, իսկ տանտիրոջը թակում էին զինուորները.

- Չկա՛յ, Աստուա՛ծ է վկայ, չկա՛յ-աղերսում էր խեղճ մարդը-տարեք, ինչ ուզում էք, ինչո՞ւ էք սպանում ինձ. չէ՞ վերելում երկինք կայ...

- Լաւ, որ ոչինչ կայ-ասաց բէյը սառնասրտութեամբ-կինդ տուր. կինդ կը տանեսք հարկիդ տեղ:

Երեխաները մեկէն ճչացին եւ մօր փէշերից կախուեցին: Մայրը կծկուեց նրանց վրայ հեծկլտալով, զափթիաներն իրար ընկան, բայց Ջաւօն

ել չսպասեց: Նա շուտով ցած իջավ, տուն մտավ, հարսի ձեռքից բռնեց եւ նրանք դուրս եկան: Թեեւ չորս կողմում պահապաններ կային, բայց բակերով-կտուրներով կարողացան գիւղից դուրս գալ ու ծովին հասնել եւ այժմ փախչում էին ծովով դեպի հարսի հերանց տուն, դեպի միւս ափը:

- Հայ՛, հո՛ւ, հողը Ջաւոյի գլխին... Սեն եկաւ տունս բռնեց բաւական չի, հիմա էլ հարսիս պատիւ՞ն կեղտոտ գափթիւսներին տամ,- մոմում էր Ջաւօն ինքն իրեն, երբ մի փոքր հեռացան ափից.- անհծուհի՛ս, երկիր, փլե՛ս «այա՛մ», խարջը գիշերն են հաւաքում: Վախ վա՛խ, են ի՛նչ տեսայ, խեղճ մարդ... Չէ, ես լաւ է: Էսպես չէ՞, Հեղինար. կամ հորդ կը տամ, կամ ծովին, այնտեղ՝ բարեկամներ, այստեղ՝ ծովի տակ՝ ամուսիններ: Եա՛ կղթամա՛ր, քեզ եմ կանչել...

Հեղինարը լուռ էր. նա չիօսկան էր կեսուրի հետ եւ չէր խօսում սոյնիսկ այս ճգնաժամին:

Եւ թիակները շրջփփում էին, նաւա՛կը սլլում էր, ջրերն աղմկում էին, աստղերը պլպլում վերելում եւ ջրի մէջ. ծովը խաղաղ էր, թեթեւ հովը՝ բարեյաջող: Պառաւը նայում էր ջրին եւ թիավարում լուռ, բայց Հեղինարը հանգիստ նստել չէր կարողանում: Նա նայում էր թիակներին, ապա հեռու խաւարին, յետ էր նայում դեպի ափերը, դեպի գիւղը, որտեղից հեռացան, եւ բոլոր նշաններից երեւում էր, որ նա սաստիկ վախենում է ե՛ւ ծովից, ե՛ւ խաւարից, ե՛ւ թշնամիներից:

Արդեն բաւական հեռացել էին ափից, երբ Յեղիևարը մէկ էլ յետ նայեց, ցնցուեց. ապա ծափ տուեց, կեսուրի ուշադրութիւնը հրաւիրեց եւ ձեռքը մեկնեց հեռու՝ դէպի ափը, ուր ճրագներ էին երեսում, լոյսեր էին շարժում այս ու այն կողմը: Արդեօք իրենց յետեւի՞ցն են... Ջաւոն էլ տեսաւ, բայց ոչինչ չասեց. միայն նկատելի էր որ նա ուժ տուեց թիակներին: Նաւակը այժմ թռչում էր բայց եւ այնպէս դեռ որքա՞ն ճանապարհ կար... Երկու կանայք այժմ անելի յաճախ էին նայում դէպի գիւղը, դէպի ափը. ճրագները կարծես ջրի վրայ էին շարժում, գալիս էին նրանց յետեւից արագ-արագ:

- Եա՛ Տիրամէր-մրմնջում էր պառաւը եւ թիավարում, բայց նրա ուժը կամաց-կամաց պակասում էր: Յեղիևարը սարսափով էր նկատում որ նաւակն անելի եւ անելի էր դանդաղում: Իսկ հեռու-հեռու՝ ծովի վրայ պլպլացող երկար, երերուն ճրագները հետեւում էին նրանց խաւարի միջից, ինչպէս զոհ փնտռող սոված գայլերի աչքերը:

Յոգնածութիւնը յարթում էր Ջաւոյին: Նա մի րոպէ թողեց թիակները, հանգստացաւ եւ դարձեալ արագ-արագ թիավարել սկսեց: Ի գո՛ւր , նաւակը շատ քիչ էր առաջանում, իսկ ճրագները մօտենում էին, հա՛ մօտենում... Էլի մի փոքր, եւ գուցէ թիակների ձայները լսելի լինէին:

Ի՞նչ պետք էր անել: Ջաւոն հաստատ համոզ-

ուած էր որ եկողները տաճիկներ են. էլ ո՞վ սիրտ կ'աներ ճրագով ծով դուրս գալ այս ժամին: Ուստի նա որոշեց խոյս տալ ծովի խորքերը, ամեն վտանգ յանձն առնելով: Նա այդ նպատակով թիավարեց դեպի բաց ծովը, բայց այդ էլ անկարելի եղաւ. հակառակ հողմը նրա ջանքերն ապարդիւն դարձրեց: Մի քանի րոպէից յետոյ փախստականները կանգ առան բաց ծովում ուժասպառ՝ եւ սարսափով նայում էին գայլի աչքերին, որոնք այժմ փայլում էին տասը-քսան քայլի վրայ:

- Ո՞վ էք - ձայն տուին գիւնուորները:

- Պատասխան չկար: Ջաւօն էլ չգիտեր, ի՞նչ է կատարում իր հետ:

Մօտեցան: Ընդհանուր ոռնոց բարձրացաւ գիւնուորների նաւակում:

- Փախած թռչունն է - ձայն տուեց մէկը. - չասացի՞ որ նրանք ծովը դուրս եկան. տեսայ, Յասան, Ալլահը վկայ՝ տեսայ փախչում էին, բայց գլխի չընկայ, սատանան կապեց ինձ:

- Հին ագռաւին ծովը ձգեւք, իսկ բռնուած լորը տանեւք, ասաց մի գափթիւ:

- Մեր ի՞նչ բանն է այդ. բէյն ասաց երկսին էլ բերեք, կը տանեւք:

- Կարծես չի կարելի բէյին ասել, թէ ինքն իրեն ձգեց ծովը քո երկիւղից:

- Թամաշի բան կը լինի, որ տեսնեւք, թէ պառան ինչպէս կը խռխռայ:

Ջաւօն, հանդարտ նստած իր տեղում, նայում էր եւ լսում: Հեղինարը երեսի վրայ ընկած էր նա-

Եւ այժմ՝ ո՛վ հոյակապ, ուխտուած հսկաներ.
Ազատութեան խորանի առաջ ծնրադիր՝ Ձեզ եմ
նուիրում Ձեր արիւնով ցօղուած այս կարմիր
երազները:

Եւ Ձեզ, ո՛վ անանուն ու կորած մարտիկներ,
քու անտառներում եւ մռայլ ձորերում ընկած հե-
րոսներ, որոնց վերջին հառաչանքները մրրիկնե-
րի հետ են տարւում, որոնց ոսկորները հողմերն
են լիզում հեծեծալով:

Ձեզ բոլորիդ, պաշտամունքի եւ հիացմունքի
արցունքով եւ Ձեզմով այն վսեմ, այն արիւնա-
ներկ Գաղափարին, որին այնքան սերունդներ
փարել են խանդաղատանքով եւ որ ահա Ձեր
շնորհիւ փայլփլում է մեր մռայլ հորիզոնի վրայ:

Փա՛ռք Ձեզ:

Աւետիս Ահարոնեան

ձգեց հարսի վիզը եւ գլուխը դեպի իրեն քաշեց, տեսաւ թէ ինչպէս մի ուրիշը աշխատում էր երեսը բանալ, Ջաւոյի՛ հարսի երեսը... Էլ բան չտեսաւ Ջաւոն, նա մէկէն վեր ցատկեց տեղից, արագութեամբ կռացաւ նաակի եզրին, երկու ձեռքով բռնեց եւ վայրկենապէս ձգուեց ջրի մէջ՝ իր բոլոր թափով հետը քաշելով նաակը ու ճլալով՝

- Ծո՛ւ, ծո՛ւ, մեզ էլ ծածկի՛ր...

Նաակը շուռ եկաւ հեկ նրա գլխի վրայ եւ իսկոյն խորասուզուեց: Ալիքները մի փոքր աղմկուեցին. մի քանի շաչիւն, մի քանի հոնդիւն լսուեց մթութեան մէջ, օգնութիւն կանչող մի քանի ճիչեր խեղդուող կոկորդիներից - եւ ամէն ինչ լռեց... Չոհերն ու դահիճները միեւնոյն սառն ալիքների տակ թաղուեցին, եւ ջրի մակերեւոյթը կրկին խաղաղուեց...

Դարձեալ աստղերը պլպլում էին ծովի մէջ, դարձեալ լեռները իրենց խոռոչէ կոյր աչքերով դիտում էին ծովի եւ երկնքի խաղը, բնութեան հմայիչ ներդաշնակութեան մէջ: Մարդն էր միայն մի յանցաւոր շփոթ առաջ բերում այդ բոլորի մէջ. նա՛ էր իր ոճիրով պղծում երկրի երեսը:

Եւ երկիրը կ'ամաչեր երկնքից, եթէ խաւարը չծածկեր նրա դէմքը...

ԱՇՈՒՐ

Ջարդը վերջացաւ. հաւարն իջաւ, իջաւ սարերից եւ ծածկեց արար-աշխարհը: Այն գիշերը հոգեմաշ էր, սոսկալի. խաւարը շատ թանձր: Զարդաքը ոչ թէ քնեց, այլ մեռաւ: Փողոցներում մարդ չկար, տներում ճրագ չկար, ո՛չ մի ձայն. կենդանութեան նշոյլ ցոյց տալը այդ գիշեր ոճիրներից մեծագոյնն էր: Իշխողը մահն էր, բռնի, արիւնոտ մահը, որ սարսափելի թելերով սաւառնում էր վեր-վեր մռայլ տներից, որոնք այդ օրը չտեսնուած բաներ տեսան: Զանի՛ քանի՛ օջաղ մարեց, աչք չմնաց արիւն արցունք չթափէր... Այժմ էլ մի զարմանալի լուրջին կար ոճիրով յղի խաւարում: Ո՞վ ձայն հաներ, յօշոտուած ու այլանդակուած դիակները շարան-շարան փռուած էին գերեզմանատանը՝ ճոթուած ու արիւնոտ աչքերը դեպի երկինք չռած, ասես հարցնում էին «ինչո՞ւ» բոլոր «ինչուններից» ամենից անմիտը, որի վրայով դարերը քրքիջով են սահում՝ անպատասխան թողնելով խեղճերին: Լուռ էին նաեւ մեծ ոճիրի հեղինակները: Խաւարը եկաւ, ծածկեց արիւնը մի մռայլ քօղով. բայց իր հետ բերեց նաեւ մի սոս-

կում, որ թափանցում էր նոյնիսկ ամենաանսիրտ արիւնարբուի երակներում. նրանք թագնուեցին իրենց տներում, ինչպես որսից դարձող գազաններ բնում: Այն գիշեր դրսում, փողոցում եւ մասնաւանդ հայոց գերեզմանատան շուրջը մի բան կար, որ հազար աչքով, հազար ձեռով գալարում էր խաւարի մէջ եւ խեղդում էր խեղդում... Զամի էլ կար, աշնանային չար քամի:

Շատ ուշ միայն փողոցներից մեկում յայտնուեցին մի խումբ մարդկային ստուերներ - քանի չափ զինուորներ եւ մի յիսնապետ: Նրանք շարժւում էին հանդարտ, անձայն, ասես վախենալով մահու հանգիստը խռովել կամ գայրացնել խաւարի մէջ գալարուող սարսափը: Ի՞նչ էին փնտռում այս անապատ փողոցներում այժ ժամին,- անկարելի էր իմանալ մթութեան մէջ: Միայն նրանք անցնում էին գողերի զգուշութեամբ, մերթ քնդ մերթ կանգ էին առնում այս ու այն դրան առաջ, ականջ էին դնում եւ կրկին շարունակում ճանապարհը նոյն զգուշութեամբ: Փողոցի ծայրում յիսնապետը, որ առաջ էր ընթանում կանգ առաւ. մի քանի դիակներ կային գետնին փռուած:

- Վերցրէ՛ք, հրամայեց նա, պետք է տանել «այնտեղ»:

«Այնտեղը» հայոց գերեզմանատունն էր: Մի քանի հոգի մօտեցան, վերցրին դիակները եւ դրին ձեռքերի պատգարակների վրայ, ապա կրկին առաջ շարժուեցին: Այս խումբը փողոցնե-

րում թափթփած վերջին դիակները հաւաքելու պարտքն ուներ: Դարձեալ մի քանի տեղ կանգ առան. դարձեալ դիակները շարեցին նախկինների վրայ եւ շարունակեցին ընթացքը: Մեկ եւ յանկարծ իրենց արիւնտութեան վար դրին եւ բոլորը միասին քարացան... Յետոյ գերեզմանատնից քամին մի ձայն էր բերում, մի աղէկտուր ձայն, որ լսում էր մերթ ինչպէս խորունկ հառաչանք եւ մերթ ինչպէս օգնութեան աղաղակ կամ սարսափի սրտաճաք ճիչ: Երբեմն քամու հետ խառնուելով, այդ զարմանալի ձայնը մեծանում էր, դառնում հարիւրաւոր կոկորդից պոռթկած մռմռոց: Այդ ժամանակ թւում էր, թէ գերեզմանատան բոլոր դիակները միագամից ճչում են, հառաչում են ցաւերից եւ դատ ու արդարութիւն են պահանջում: Երբեմն էլ, երբ քամու թափը մեղմանում էր, պարզ ու որոշ լսում էր մի սրտաճմլիկ երգի ձայն, որով կարծես մի սգաւոր ոգի նզովում էր աշխարհի արդարութիւնը եւ լուռ դիակների ցաւերն էր ողբում: Այս խաւարի, այս սարսափի մէջ անսպասելի, գերբնական էր թւում այդ զարմանալի ձայնը, եւ խումբը քար կտրած՝ լսում էր անկարող լինելով առաջ գնալ: Իրենց ձեռքով խող-խողուածներն էին խօսում, նրանք էին բողբոջում, եւ դահիճներն անկարող էին չլսել:

Երգը շարունակում էր.

«Սեւ խաւարն իմ ընկերն է անբաժան,
Ես չգիտեմ, ի՞նչ ասել է պայծառ օր,

Բայց այսօրուայ խաարն է խոր, հոգեհան...
 Դիակները փսփսում են ահաւոր,
 Եւ պատմում են իրենց ցաւերն անապատում,
 Որից Աստուած գուցէ դողայ երկնքում:
 «Չին դարերից ցաւերն անպատում,
 Յառաջելով, անցաք արեան ծովերով,
 Յամբերութեան դասեր առիք լեռներէն...
 Քնէ՛ք այժմ բոցով, ցաւով, վերքերով.
 Եւ պատմեցէ՛ք ձեր ցաւերն անպատում,
 Որից Աստուած գուցէ դողայ երկնքում:
 «Այս իմ անճար քնարն ունի երեք լար,
 Այն՝ ողբաձայն, լալկան, խղճուկ, դողդոջուն,-
 Ի՞նչպէս ողբամ ձեր ցաւերն անհամար,
 Սրտեր վառեմ, արցունք քամեմ ես անհուն...
 Դո՛ւք պատմեցէք ձեր ցաւերն անպատում,
 Որից Աստուած գուցէ դողայ երկնքում:
 «Տառապանքի, սուգ ու սեւի ինձ ընկեր
 Մարդ չմնաց իմ արիւնոտ վաթանում.
 Լուռ են շուրջս լեռներ, ձորեր, շիրիմներ,
 Լոկ քամին է կողկողագին մրմնջում...
 Դո՛ւք պատմեցէք ձեր ցաւերն անպատում,
 Որից Աստուած գուցէ դողայ երկնքում»...

- Գտէ՛ք այդ մարդուն, հրամայեց յիսնապետը:
 - Գերեզմանատանն է, բէյ - պատասխանեցին մի քանի երկչոտ ձայներ:
 - Գերեզմանատուն գնացէ՛ք տասն հոգի, առա՛ջ:
- Խմբից տասը մարդ բաժանուեցին եւ անհաս-

տատ քայլերով առաջացան, տանելով իրեն հետ
 հաւաքած դիակները: Ձայնը շարունակում էր.

«Ես էլ ցաւի դաշն կապեմ քամու հետ,
 Եւ արցունքի երգեր հիւսենք միասին.
 Նա խաղում է ամպրոպների շանթի հետ,
 Նա յոյզ ու բոց կը տայ նաեւ մեր երգին:
 Կոյր աշուղդ, մրրկաշունչ, խօլ քամին
 Կը պատմեն ձեր տառապանքներն աշխարհին:
 «Ոռնա՛, քամի, հազար ու մի ձայներով.
 Թո՛ղ սարսուան լեռներ, ձորեր, անդունդներ...
 Անցի՛ր մէկ-մէկ դիակների վրայով,
 Լիզի՛ր վերքեր ու հաւաքի՛ր հառաչներ...
 Կոյր աշուղդ, մրրկաշունչ, խօլ քամին
 Կը պատմեն ձեր տառապանքներն աշխարհին:
 «Ի՞նչ ես վազում աննպատակ դէպ հեռուն,
 Հառաչանքներ, խոր-խոր ցաւեր շալակած.
 Վե՛ր սլացիր դէպի երկինքն անհուն,
 Գտի՛ր գահը, ուր բազմած է մի Աստուած:
 Թէ անգօր է սրբել արցունքն աշխարհում,
 Գահ էլ պետք չէ եւ ոչ Աստուած երկնքում...
 «Փչի՛ր վրան ահեղաշունչ որոտով,
 Թող իր գահը դողայ հիմքից եւ Աստուած.
 Թո՛ղ երկինքը մթնի իր վառ աստղերով,
 Տիեզերքը դարձրո՛ւ քօս, աւերած...
 Թէ անգօր է այն Աստուածն աշխարհում,
 Գահ էլ պետք չէ եւ ոչ Աստուած երկնքում...
 «Չուր ես խառնում ձեր ալիքներն աշուղին.
 Այնտեղ միայն հին օրերի խոհեր կան:

Դու խօսմ գիտես լեզու, խօսք տալ ժայռերին,
 Նրանց ասա՛, թող քեզ պատմեն, ի՞նչ տեսան...
 Երբ անգօր է այն Աստուածն աշխարհում,
 Գահ էլ պետք չէ եւ ոչ Աստուած երկնքում...
 «Անցի՛ր հանդարտ շիրիմների վրայից,
 Հողի տակ էլ թշուառները քուն չունին.
 Շարան-շարան հողաթմբի խորքերից,
 Խուլ մրմունջներ գուցէ լսես ցաւագին...
 Երբ այսքան ցաւ ու արին կայ աշխարհում,
 Գահ էլ պետք չէ եւ ոչ Աստուած երկնքում...»

Չինուորների խումբը հասաւ գերեզմանատա-
 նը. դիակները ներս տարան եւ կանգ առան
 առանց համարձակուելու շատ խորքերը գնալ,
 ուր սարսափն էր թագաւորում:

- Ո՞վ ես, ձայն տուեց խմբից մէկը:

Պատասխանի փոխարէն երգիչը շարունակեց
 այս անգամ աւելի ուժգին, աւելի ցաւոտ:

«Կոյր աշուղդ, մորկաշունչ խօլ քամին
 Սեւ երգ կ'ասեն, ցաւ կը պատմեն աշխարհին:
 Երբ այսքան ցաւ ու արին կայ երկրում,
 Գահ էլ պետք չէ եւ ոչ Աստուած երկնքում...»

Չինուորներն առաջացան վախժխելով:
 Նրանք քայլում էին հողաթմբերի եւ դիակների
 վրայից, իսկ երգիչը մերթ երգում էր եւ մերթ հե-
 կեկում էր այնպէս, որ կարծես բոլոր տապանա-
 քարերը նրա հետ միասին հեծկտում էին ցաւից,

եւ մեծ սուգը մարմին առած՝ գալարում էր բոլորից վեր, դիակների եւ շիրիմների վրայ...

Չինուորները հասան եւ կանգ առան: Նրանց առաջ մի տապանաքարի վրայ նստած էր մի հատիկ մարդ, մի ծերունի... Նա գլխաբաց էր եւ մագերն ու միրուքը քամուն տուած՝ նայում էր դեպի վեր, դեպի անսահմանութիւնը եւ կարծես բոլոր գոհերի արիւնն էր պահանջում:

Քաղաքում նրան «աշուղ» էին ասում, բայց իրօք նա մեծ «դարդից» էր աշուղ դարձել: Յեռուհեռու, հայրենի գիւղում, նա տեսել էր իր բազմանդամ ընտանիքի կորուստը իր իսկ տան բոցերի մէջ, ինքն էլ գոյգ աչքերի գնով հագիւ էր կարողացել փրկել մի հատիկ գաւակին, որի հետ մի օր յայտնուեց Ա... Քաղաքում: Այստեղ փոքրիկ, տասն տարեկան երեխան առաջնորդում էր կոյր իօրը, եւ սա երգում էր աղէկտուր երգեր փողոցներում, բակերում, տներում: Նրա հին սագի լարերից ասես կաթիլ-կաթիլ ցաւ էր թափում, իսկ ձայնը անհուն ցաւի շեշտ ուներ:

Երբ ջարդն սկսուեց նա դարձեալ դուրսն էր եւ ընդհանուր իրարանցումի մէջ կորցրեց երեխան: Մինչեւ ուշ գիշեր նա թափառեց փողոցներում, կանչեց, ճչաց... Ի գո՛ւր-որդու ձայնը չլսեց: Նրա չսպաննեցին, ի՞նչ արժէր մի կոյրի կեանք:

Իմանալով որ դիակները գերեզմանատանն են հաւաքուած, նա գիշերը լանգռելով բարձրացաւ մինչեւ գերեզմանատան բլրակը եւ մերթ ծնկաչոք, մերթ սողալով, մէկիկ-մէկիկ շօշափեց դիակ-

ները՝ մի հատիկ գաւակի դիակը փնտռելով: Երբ քանքերն անօգուտ անցան, նա կծկուեց մի քարի վրայ, դուրս քաշեց մեջքից իր սազը եւ հին օրերի ունկնդիրներին այս սարսափելի գիշերին վերջին անգամ սուգ ասաց: Նրա ձայնը բարձրանում, տարածւում էր մեռած քաղաքի վրայ՝ տանելով իր հետ այնքան անմեղ արեան բողոքը:

Քիչ յետոյ աշուղը կանգնած էր յիսնապետի առաջ:

- Ո՞վ ես դու, հարցրեց բէյը:
- Ե՞ս... ես սուգ ասող եմ:
- Ի՞նչ էիր անում այնտեղ:
- Օրօր էի ասում, բէյ, սուգ էի ասում:
- Ո՞ւմ համար:
- Ո՞ւմ համար, Աստուած գիտէ:

- Ո՞վ քեզ իրաւունք տուեց որ քո ոռնոցով քաղաքի քունը եւ խաղաղութիւնը խանգարես:

Եթէ լոյս լինէր, հարցնողը կը տեսներ, թէ ինչպէս ծամածռուեցին ծերի շրթունքները, եւ նա սուկալի կերպով ժպտաց:

- Խաղաղութիւնը, կրկնեց ծերը հեզնաբար. գերեզմանատան դիակներն ու քարերը չեն լսում, բէյ, իսկ ոչ որ այնտեղ՝ գերեզմանատանը չէ, նա կարմիր ձեռներ ունի. ոչ մի ձայն նրա խաղաղութիւնը չի վրդովի... Ում էլ ձեռքերը ոճիր չեն գործել, նրանք սարսափից խլացել են. Աստուածն էլ ձերն է: Ես էլ սուգ եմ ասում, բէյ, օրօր եմ ասում, չէ՞ դուք ուզեցիք որ քնեն...

- Ո՞վ տարաւ քեզ այնտեղ, դու խօսմ կոյր ես:

գիլը խիստ մօտ էր նրան այժմ: Մեկ էլ յանկարծ մի զարմանալի բան պատահեց: Այդ կիսամեռ սողունը վերջին ճիգերը հաւաքեց, դուրս հանեց գլուխը, բացեց իր օղակները, պոչի վրայ ցցուեց, ձգուեց ինչպէս մի խարազան եւ մահացու օղակներով արագիլի երկար վզին փաթաթուեց: Ի գուր անցան արագիլի բոլոր ջանքերը դուրս կորգելու իր վիզը այդ մահաբեր օղակներից. նա թեւերը թափիթափ էր տալիս, կտուցը գետնին քսում, յետ յետ էր քաշուում, ամաջ անցնում, գետնին թաւալում, փորձում էր վեր բարձրանալ, թռչել փախչել, - ապարդիւն ջանքեր... Օձի յուսահատ կատաղութիւնը զարհուրելի էր. նրա՝ օղակները սղմում էին ու սղմում, եւ վերջիվերջոյ թռչունը փռուեց բլրի կրծքին անկենդան... Օձը քաշուեց, անյայտացաւ:

Քիւրդը լուռ էր այժմ: Նա ինձ նայեց, մեր աչքերն իրար հանդիպեցին եւ մի քանի վայրկեան մենք անկարող եղանք հեռացնել իրարից մեր հայեացքները: Մեզանից իւրաքանչիւրն աշխատում էր հասկանալ, թէ ի՞նչ է մտածում իր հակամակոթող այդ թուպէին: Ոչ մի կասկած չկար, որ երկսիս գանգերի մէջ եռացող մտքերն էլ միմեանց վերաբերմամբ ահաւոր էին: Այդ մենք հասկանում էինք, կարդում էինք իրար աչքերում փոխադարձաբար. չէ՞ որ աչքերը մտքի ակամայ դաւաճաններն են: Ես հասկացայ, որ այդ գագանը օձի անակնկալ յաղթանակով կատաղած, որոշել է ինձ սպանել: Այդ ես շատ լաւ կարդացի նրա աչ-

Անապատի վերածեցիք անվրդով:
 Այսքան աւեր թէ ներեն ձեզ մեր որդիք,
 Թո՛ղ ողջ աշխարհի հային կարդայ նախատիւք...
 «Դիակների վիշտը լացի ու ցաւեր...
 Զանի՛ դարեր լոկ ողբ ու սուգ ենք ասում.
 Այժմ անէ՛ծք դահիճներին մարդակեր,
 Վրէ՛ժ միայն, լոկ վրէժ եմ պահանջում...
 Այսքան արցունք թէ մոռանան մեր...

- Յա՛յր...

Մի փոքրիկ մանուկ էր, որ խաւար անկիւնից
 դուրս թռաւ եւ փաթաթուեց ծերի պարանցով:

Որդի՛ն էր...

- Չաւա՛կս:

- Յա՛յր, հա՛յր...

- Կրա՛կ, որոտաց բեզը, եւ նոյն վայրկենին
 տասնեակ հրացանների որոտը խեղդեց մանկան
 աղաղակը. նրանց փողերից դուրս վիժած բոցերը
 մի վայրկեան լուսաւորեցին փողոցի թանձր խա-
 ւարը, եւ հայր ու որդի իրար գրկած թաւալեցին
 իրենց արեան մէջ:

Նրանց շրթունքները դողդողում էին եւ կարծես
 դեռ մրմնջում էին.

«Այսքան արիւն թէ ձեզ ներեն մեր որդիք,

Թո՛ղ ողջ աշխարհից հային կարդայ նախա-
 տիւք»...

ԿՈՌԻՒ ԴԱՇՏՈՒՄ

Նա էլ ընկաւ:

Կռիւն անողոք էր: Յագարաւոր մարտիրոսների աղաղակող վրեժն էր խօսում հայդուկների հրացանների փողերով, որոնց որոտը ինչ որ կենդանի, խօսուն բան ուներ իր խրոխտ արծագանգների մէջ-գայրոյթի մի շէշտ, բողոքի մի հնչիւն: Խաւարն ակօսող բոցերը ձգում էին առաջ, դէպի թշնամին, ինչպէս գայրացած օձեր, վայրկենաբար լուսաւորում էին մի յանդուզն ու մռայլ դէմք, ապա մարում մի թշնամու կեանքի հետ: Ի՞նչ էր կատարւում խաւարի մէջ, այդ դժուար էր իմանալ. պարզ էր միայն, որ երկու կողմից էլ կռուողները ընկնում էին-քրդերը անէծքով ու ոռնոցով, իսկ հայդուկները՝ լուռ ու հպարտ, եւ կռուի դաշտը մի մահասարսուռ ճշտութեամբ կրկնում էր հրացանների որոտները, կարծես այդ ձայները նախկին նահատակներին հաղորդելու խորհրդաւոր պարտքն էր յանձն առել նաեւ:

Նա էլ ընկաւ, մենա՛կ, հեռաւոր սարալանջին վրայ, եւ միմայն երկինքը տեսաւ, թէ ինչպէս ընկաւ այդ անվեհեր տղամարդը, որ կռուի բոլոր

ժամանակ վազում էր առաջ եւ կարծես բոլոր ընկերներին անծանօթ, ամենքին անյայտ մի բան էր փնտռում հենց թշնամիների շարքերում: Ի գուր անցան ընկերների յորդորները, խրատները ու աղաչանքը նրան յետ պահելու համար, ի գուր անցաւ նաեւ խմբապետի հրամանը. նա գնում էր առաջ անընդհատ եւ նրա հրացանի պայթիւնը լսում էր միշտ թշնամիների առաջին շարքերի մօտ, ուր նա մահ էր սփռում, առանց մահ գտնելու:

Վերջապէս նա էլ ընկաւ եւ փակեց աչքերը մի երանաւետ անյուշութեան մէջ, որ տալիս էր մարդուս նուիրական գործի գիտակցութիւնը եւ դառն իրականութեան յաւիտենական մոռացումը: Երկար մնաց նա այսպէս եւ երբ աչքերը բացեց, էլ չէր յիշում, թէ ինքն ո՞ր է եւ նոյնիսկ ի՞նչ է ինքը: Գլխի փոխարէն նա մի ծանր ժայռի կտոր ուներ, ուր մարել էին բոլոր յուշերը եւ ուր իշխում էր այժմ անցեալի, ներկայի, գուցէ եւ մօտաւոր յաւիտենականի մի զարմանալի ժխոր. միայն չռած աչքերը դեռ նայում էին վեր, նայում էին առանց տեսնելու. միտքն անկարող էր այլեւս արտաքին տպաւորութիւններից պատկերների ամբողջութիւն կազմել: Կուրծքն էլ էր ծանր. այնտեղ սառն արծիճի մի գունտ կար դրած կարծես, որ անընդհատ ճնշում, ճնշում էր հազիւ թրթռացող արիւնոտ սիրտը: Երկար մնաց նա այդպէս անշարժ՝ դէպի վեր, դէպի անհունութիւնը նայելով, ուր երկինքը գունատ, պաղ ցլքերով թարթում էր իր անգիտակից աստղային աչքերը, ճիշդ ինչպէս

մահամերձ վիրաւորի սառած աչքեր. եւ ոչ մէկը միւսին չէր հասկանում:

Ժամեր անցան: Լուսաստղը բարձրացաւ լեռան թիկունքից եւ առաջանում էր կոյսի մեղմ, երկչոտ, բայց գրաւիչ ընթացքով. ծիր խաւարմանը գունատուեց, աղօտացաւ եւ միւս աստղախմբերը կամաց-կամաց կախուեցին դեպի արեւմուտք: Նայում էր վիրաւորն այս բոլորին եւ չէր տեսնում: Զեռո՛ւ, հեռո՛ւ, լեռան միւս կողմից, լսուեց մի փողի ձայն, որ տխուր, յուզիչ ոլորնետրով տարածուեց լուռ դաշտին վրայ եւ կարծես խօսում էր արիւնաթաթախ դիակների ականջին: Այստեղ՝ սարալանջի վիրաւորին էլ հասաւ այդ ձայնը, նա էլ լսեց... եւ յանկարծ, ինչպէս մի մոռացուած երագ, հի՛ն օրերի աղօտ յիշողութիւն, մի բան զարթեց նրա գլխում, մտքի խաւարի վրայ լուսոյ մի շող ցուլաց: Փողը շարունակում էր հնչուել եւ նա ականջ էր դնում... ապա կամացուկ շարժեց կրծքի վրայ ընկած ձեռքը եւ հանդարտութեամբ տրորեց աչքերը. նա այժմ ականջ էր դնում, ջանք էր անում հասկանալ թէ ի՞նչ է այդ ձայնը, ո՞ր է ինքը. փողը շարունակում էր հնչուել աւելի եւ աւելի ուժգին. նա նորից տրորեց աչքերը... նայեց... Այժմ հասկանում էր... Այդ ձայնը նրան ծանօթ էր, լսել էր առաջ, մարտադուլի հրաւերն էր, կռիւը վերջացել էր, կանչում էին ընկերներին, մոլորուածներին, կանչում էին նոյնիսկ վիրաւորներին, եթէ այդ հնար էր: Կամաց-կամաց նա յիշեց բոլորը, յիշեց կատաղի կռիւը, կո-

տորածը. յիշեց, որ ինքը շարունակ մենակ առաջ էր վազում. յիշեց, որ վերջին անգամ այստեղ, լեռնալանջի վրայ, մուրճի պես մի բան դիպաւ իր կրծքին եւ ինքը վար ընկաւ անզգայ: Նա հասկացաւ, որ վիրաւոր է, ծանր վիրաւոր, եւ մենակ ձգուած դաշտում. զգաց, որ հրացանը պիտո՞ւ սղմել է կրծքին եւ իր ամբողջ մարմինը լողում է գաղջ, լարծուն հեղուկի մէջ, որ հոսում էր վերջից. դանդաղ, արիւնաքամ մահը մօտենում էր: Նա փորձեց շարժուել, բարձրանալ, վիրաւոր թռչնի պէս ցնցուեց, բայց ի գուր-գլուխը ծանր էր, կուրծքը ճնշւում էր, իսկ թիկունքը մրսում էր արեան մէջ ճապաղած:

«Ինչո՞ւ վեր կենալ, մտածեց նա, մէկ չէ՞, այստեղ՝ այսօր, կամ մի ուրիշ օր՝ մի այլ դաշտում»... Ապա հանդարտ ձգուեց իր տեղում սպասելով անխուսափելի ճակատագրին, որ գալիս էր մահու կերպարանքով: Այժմ վերջին անգամ մէկիկ մէկիկ դառնում էին նրա գլխում իր անցեալի յուշերը, երիտասարդ կեանքի հազար ու մի յեղեղումները: Կամաց-կամաց իին պատկերները բոլորն ալ աղօտացան, կորան եւ մնաց մի կոյսի չքնաղ պատկեր, որ իր բոլոր գրաւչութեամբ կանգնեց նրա առաջ: Այդ նրա սերն էր, իր միակ եւ անբիծ սերը: Այդ սիրոյ վերոյուշը ամենից քաղցր էր, եւ նա աշխատում էր էլի մի քանի վայրկեան պահել իր թուլացած յիշողութեան մէջ այդ աղօտ, եթերային պատկերը, որ կարծես մօտ էր միւսներին հետեւելու, մօտ էր հեռանալու,

կորչելու խաւարի մէջ ընդմիշտ, յաւիտեան: Նա շտապում էր վերջին անգամ վայելել կեանքը անցեալի յուշերի աշխարհում, երազների պարգեւած վաղանցուկ երանութեան մէջ: Դա մի վսեմ վայելք էր, որ նա իրաւունք էր համարում ճաշակել, վատաբախտ հայրենիքի փրկութեան սեղանի վրայ՝ գոհերից վեհագոյնը, կեանքի գոհը, բերելուց յետոյ:

Բախտը, կոյր պատահականութիւնը չէր, որ նրանց միեւնոյն ճանապարհի վրայ դրեց, այլ թշուառ ազգի ցաւերի խորին գիտակցութիւնը եւ այդ ցաւերն ամոքելու առաքինի վճռականութիւնը: Գունատ, փոքրահասակ աղջիկ էր նա. չգիտես, ինչ մի անհանգիստ, բոցոտ բան ուներ իր հոգու մէջ, որ անկարող է կրել նրա թոյլ, նեղ կուրծքը, որ մղում էր այդ թուլակազմ կանացի մարմինը հեռու իր ծննդավայրից, հեռու կեանքի հեշտութիւններից դեպի մի փշոտ ապագայ եւ ծանօթ հոգիների առաջ գեղում, դուրս էր թափւում կրակոտ բառերով: Այն խղճուկ, հիւանդ կրծքում մի ամբողջ ժողովուրդ էր ապրում իր ցաւերով, իր անլուր տառապանքներով:

Միւսը՝ - ժողովրդի զաւակ, դեռ այն տարիքում, երբ վայելքները, կեանքի քաղցրութիւնները պաշարում, շշմեցնում են երիտասարդ գլուխները, երբ կեանքը վարդ եւ ցաւը՝ ցնորք է թում: Եւ սակայն նա ծնուած չէր երիտասարդական վայելքների համար. վաղ կնճռուեց նրա բաց, ազնիւ ճակատը հայրենիքի աղետներով, շատ վաղ հաս-

կացաւ մեծ գոհի խորհուրդը եւ գնաց այնտեղ, ուր տանում էին նրան անհանգիստ սրտի նուիրական մղումները: Այնպէս պատահեցին նրանք իրար: Եւ առաջին իսկ վայրկեանից հին ծանօթներ էին, հոգիների նմանութիւն կար. երկուսի մէջ էլ ապրում էր տանջուած ժողովուրդը, երկուսն էլ ողորդուած էին խեղճերի արցունքով, երկուսն էլ ապրում էին միեւնոյն ցաւերի կսկիծով: Տեսան եւ սիրեցին իրար, ամէն մէկը միւսի մէջ սիրեց իր վիրաւոր, արիւնաքամ հայրենիքը, իր փայփայած իդէալները, սիրեց մեծ ցաւը:

Վիրաւորն այժմ յիշում էր... Կարճ եղաւ այդ սերը եւ ինչպէս մի լուսաւոր մոլորակ անցաւ նրան մռայլ հորիզոնով: Արշաւանքից մի քանի օր առաջ էր, մի աստղազարդ գիշեր նրանք անցկացրին մի քանի ժամ մենաւոր ուռնու սաղարթների տակ: Գլուխ գլխի տուած՝ նրանք խօսում էին կեանքից ու վայելքից. նրանց ձայների մեղմ հնչիւնները խաւարի եւ առանձնութեան մէջ գուրգուրիչ էին, տաք, անհանգիստ շնչերը խառնւում էին իրար, եւ ձեռքերի հպումը ախորժ դողով ցնցում էր կենսալից, երիտասարդ մարմինները: Երազ էր եւ երազներից ամենից գրաւիչը, որ նրանց օրօրում էր իր խաբուսիկ, բայց քաղցր մոռացութեան մէջ:

- Լսի՛ր, հոգիս, ասաց երիտասարդը, ինչո՞ւ մենք էլ չենք կարող ընդմիշտ միասին լինել, մինչեւ յաւիտեան, եւ սիրոյ երջանկութեան մէջ կեանքը վայելել. ինչո՞ւ...

Ձայնը վշտի շեշտ ուներ, երիտասարդ կեանքն էր խօսում:

- Ընկե՛ր, դեռ շատ եւ շատ այսպիսի սերեր պիտի գոհ քերուեն անելի մեծ սիրուն, պիտի կուլ գնան մեծ չարիքի անդունդը լեցնելու համար, եւ այն ժամանակ միայն թո՛ղ սիրեն ուրիշները. իսկ մեզ, հոգի, վիճակուած է սիրել նրանց սերը. այդ է մեր երջանկութիւնը, եւ առաջիկայ արշաւանքը հենց դրա համար է:

Արշաւանքը... հա՛, արշաւանքը, մոմռաց երիտասարդը քնից արթնցածի պէս, բայց խօմ մարդ անպատճառ չի մեռնում արշաւանքում. արշաւանքից յետոյ...

Նա չկարողացաւ անարտել խօսքը. վերելում ծառի սաղարթների մէջ, մի ճնճղկան օրհասական ծվծվոցը լսուեց, որով նա օգնութիւն էր աղաղակում իր դահիճի ճանկերի մէջ: Բայց ո՞վ պիտի տար օգնութիւնը. թառած թռչունները լուռ էին, կծկուած, եւ այդ մի հատիկ ճիչը կորչում էր խաւարի եւ լռութեան մէջ: Կամաց-կամաց գոհի ծվծվոցը մեղմացաւ, թփրտոցը դադարեց, եւ մի քանի խղճուկ փետուրներ մեղմով ընկան երկու սիրահարների գլխին: Մի առժամանակ նրանք լուռ էին:

- Այսպէս են անում այնտեղ, ասաց աղջիկը:

- Այո՛... այսպէս են անում... մոմռաց երիտասարդը: Երազը, երջանկութեան ցնորքը ցնդուեց, մնաց դառն, խեղդող իրականութիւնը եւ նրա հետ այնուամենայնիւ մի քաղցր յիշատակ՝ վայրկենական, անխառն, որ անցաւ սարալանջին վի-

րաւորի գլխով եւ երջանկութեա՞ն թէ ցաւի ար-
ցունքի երկու խեղճ կաթիլներ ցայտեցին նրա աչ-
քերից:

Պատկերները փոխուեցին: Գիշեր էր. մի ժա-
մից յետոյ ճանապարհ պիտի ընկնէին. խումբը
բաժանում էր տասնեակների, յիսնեակների, հա-
րիւրեակների. հայդուկները գնում, փորձում էին
հրացանները, պնդացնում ոտնամանների կա-
պերը, մէջքերի կապոցները: Երիտասարդն ի
գուր էր փնտռում բարի երթ մաղթողների մէջ
նրան, որին գուցէ այլեւս երբեք տեսնելու չէր: Նա
զարմացաւ եւ անհանգիստ հոգով ինքը գնաց
վերջին մնաս բարեաւն ասելու: Դրան առաջ նա
կանգ առաւ, կարծես վախենում էր ներս մտնել.
տխուր նախազգացումը ճնշում էր նրա սիրտը եւ
նա մի վայրկեան ականջ դրեց... Ձայն չկար.
քնա՞ծ է արդեօք... Դուռը սղմեց, բաց էր... ներս
մտաւ եւ քար կտրեց... Սիրած աղջիկը ձգուած էր
անկողնի վրայ անկենդան մի ձեռքում ջղածգա-
բար սղմած փոքրիկ ատրճանակը եւ միւս ձեռքը
անկողնից թոյլ-թոյլ ցած էր կախուել: քունքի
վրայ բացուած վերքը պարզում էր ամեն բան: Նա
վերջ էր տուել իր կեանքին... Բայց ինչո՞ւ... Երիտա-
սարդը շուրջը նայեց. սեղանի վրայ փոքրիկ լապտե-
րի առաջ մի բաց նամակ կար ուղղուած իրեն:

«Սիրելի՛ս, գրում էր նա, արիւնովս եմ գրում
այս տողերը. մի քանի ժամից յետոյ դու անշուշտ
մեկնելուց առաջ ինձ տեսնելու կը գաս, մնաս
բարեաւ ասելու, եւ այն ժամանակ ինձ այլեւս

կենդանի չես գտնիլ: Մի՛ անիծիր ինձ հոգիս, ես քեզ սիրեցի այնպես, ինչպես երբեք մի կին չէ սիրել մի տղամարդի, որովհետեւ դու սիրում էիր մեր վատաբախտ հայրենիքն այնպես, ինչպես գուցէ ոչ ոք: Յիշի՛ր սակայն անցեալ օրը մենաւոր ուռնու տակ քո արտասանած վշտոտ խօսքերը՝ «Ինչո՞ւ մենք էլ չենք կարող ընդմիշտ միասին լինել»... Խոստովանիր, որ դու կարծես ցաւում էիր մեր անջատման համար, ցաւում էիր, որ գուցէ մահը յաւիտեան խլի մեզ իրարից: Թուլաստութիւնը, վատութիւնը չէր, որ քո մէջ խօսեց - օ՛, ո՛չ, հազար անգամ ո՛չ - այլ երիտասարդ կեանքը, նա, որ իր իրաւունքներն ունի եւ երբեմն ուժեղ հոգիներում անգամ վսեմ պարտքի գիտակցութիւնը կարող է թուլացնել:

«Սիրելի՛ս, հայրենիքի փրկութեան համար մղուած նուիրական կռում, գուցէ դու, յիշելով ինձ, մի վայրկեան թուլանայիր. գուցէ խնայելի կեանքդ ինձ համար, մեր ապագայ երջանիկ կեանքի համար եւ կամ գուցէ յետ-յետ նայելի եւ մէջքիդ գնդակ ընդունելի, կամ հայրենիքի սերը ստորադասելի իմ սիրուն, մոռանայիր այնքան արիւնն ու արցունքը, այն ծով ցաւերը, որոնք մեր սրտերը միացրին, մեր բուն սիրոյ նուիրական շղթան կազմեցին: Իմ անզուգական ընկե՛ր, մի՛ մեղադրեր ինձ. ես չէի կարող այդքան ծանր ոճիւր բարդել իմ խղճի վրայ, իմ գոյութիւնն այնքան յանցաւոր դարձնել: Այդ բեռը կը խեղդեր ինձ, ես չկամեցայ անտեր, հեծեծող ժողովրդից խլել մի

օգնող ձեռք, չկամեցայ խլել նրանից մի մեծ սիրտ, որ ծնուած է նրա ծոցից, հետեւապէս նրա համար պիտի բաբախի եւ ո՛չ մի կնոջ: Ի՞նչ ասել է մի կին, երբ հարիւր հազարաւոր անարգուած կանայք ամեն օր արիւն-արցունք են թափում: Օ՛ր, մեր այս սել օրերում, տառապանքի այս արիւնոտ շրջանում ոճրագործ է այն կինը, որ մի տղամարդ կը խորթացնի ապաբախտ հայրենիքից, թշուառ ժողովրդից: Այդ ոճիրը ես չկամեցայ գործել մի՛ անհծիր ինձ, հոգի՛ս:

«Ես վերջ տուի իմ կեանքին քո ձեռքն ու սիրտն ազատ թողնելու համար: Ո՞վ գիտէ, գուցէ դա միակ ծառայութիւնն է, որ ես կարող եմ մատուցանել իմ դժբախտ ազգին: Զո սիրուն միայն այսպէս կարծեցի արժանի լինել. այլապէս մի օր, երբ կ'իմանայիր, որ ընկերներդ մէկիկ-մէկիկ ընկել են սրբազան կռուի դաշտերում եւ դու դեռ ապրում ես մի կնոջ համար, ո՞վ գիտէ, գուցէ ամօթով ծածկուէր ճակատդ, գուցէ եւ անհծէիր ինձ...»

«Այսպէս, գնաս բարեալ... Յիշի՛ր որ ես այլեւս չկամ, կայ միայն հայրենիքն իր բիւր ցաւերով, իր ծով արցունքով:

- Գնա՛ս բարեա՛լ...»

Նա ծալեց նամակը, դրեց ծոցում, վերցրեց լապտերը, մօտեցաւ դիակին եւ երկա՛ր-երկա՛ր նայում էր այդ գունատ դէմքին, այդ սիրուն կուսական ճակատին, ուր արիւն ու թաւ խոպոպները սեւ ու կարմիր պսակ էին կազմել: Ապա կռացաւ, մի երկար համբոյր դրօշմեց նրա սառած

շրթունքներին եւ դուրս գնաց:

Եւ այժմ նա ընկաւ կռուի դաշտում այնպէս, ինչպէս կը կամենար իր սիրած աղջիկը, որի պատկերը կանգնած էր նրա առաջ եւ կամաց-կամաց հեռանում, մաշում, եթերանում էր եւ մօտ էր չքանալու: Վիրաւորն ի գուր էր աշխատում բռնել, պահել այդ դիւթիչ պատկերը. նա աղօտանում, փախչում էր... Դարձեալ մի քանի թոպէներ անցան, սիրած պատկերն ի սպառ չքացաւ, եւ նրա աչքերը մեղմութեամբ փակուեցին:

Եւ վերջին անգամ սարի միւս կողմից փողը կանչում էր ընկերներին, մոլորուածներին, վիրաւորներին, բայց ձայնն այլեւս անկարող էր զարթեցնել սարալանջին վրայ մենակ պառկած երիտասարդին... Նրա տխուր ելեւէջները տարածւում էին մռայլ դաշտի վրայ եւ հնչում էին որպէս օրօր հայրենիքի փրկութեան նահատակին, որ քնեց յաւիտեան:

ՏԻՐԱՅՈՒ ԳՐԻԳՈՐԸ

Նա գիւղի գիտունն էր, գրքացը, երազ մեկնողը, տենդ կտրողը: Քանի՛ տարի էր, հաստափոր գրքերի, ոլորուն համայնիւների զարմանալի խորհրդանշանների վրայ մազերն սպիտակել էին: Մի ամբողջ փառաւոր անցեալ ուներ տիրացու Գրիգորը, որ պատկառանք էր ազդում գիւղացիներին: Նա այդ զգում էր եւ գոհ էր իր վիճակից: Սակայն այս չէր բոլորը: Նա սրանից դուրս երկու ուրիշ վայելք ու փառք եւս ուներ: Նա սաստիկ սիրում էր իր որսը եւ իր ժամը, եւ երկունս էլ ծառայում էին նրա փառքի աճմանը: Եւ այդ փառքն իր գագաթնակետին էր հասնում մանաւանդ շաբաթ օրերը: Այդ օրերը նա առաւօտից ճանապարհ էր ընկնում դեպի լեռները, մեկ-մեկ նայում էր իր դրած թակարդները, եւ բախտը շատ յաճախ էր ժպտում նրան նաեւ այս ասպարիզում. երեկոյեան նա վերադառնում էր աղուեսի մորթին ուսը ձգած՝ հպարտ եւ յաղթական: Այդպիսի երեկոները նա առանձին եռանդով էր երգում եկեղեցում «Լոյս գուարթը», իսկ երբ հասնում էր վերջի «Կեցոն», տիրացուն իր կլկլացող

գիլ ձայնի հետ ասես թե առած՝ երկինք էր բարձրանում: Ժամաւորների հոգին փառաւորում էր:

- Ձայնդ անսպա՛ռ. ծնունդդ օրհնուի՛, տիրացու,- կրկնում էին յետելից ժամւորները՝ հիացած նրա ձայնով:

Զառասուն տարի էր, ինչ տեւում էր տիրացու Գրիգորը այս հազուագիւտ երջանկութիւնը. բախտը դեռ նրան խէթ էր նայել, եւ նա դեռ ոչ մի կիրակնամուտ եկեղեցուց չէր բացակայել, Զառասուն տարի էր, որ բախտաւոր տիրացուն ապրում էր անդարդ ու անցաւ. ժամում «Կեցոն» ու «Լոյս զուարթն» ուներ, դաշտում՝ աղուէսն ու գայլը, եւ դժուար էր իմանալ, թէ տիրացուն ո՞րն է աւելի սիրում-ո՞րսը թէ ժամը. «Կեցո՞ն» թէ աղուէսը:

Նա այնպէս բարձրահասակ էր, որ գիւղացիք անունը դրել էին «Յակոբ Նահապետի սանդուխք»: Տիրացուն սիրում էր այդ անունը, նրանով էլ էր հպարտ-սուրբ բանն էր: Բայց իր հասակից աւելի նա հպարտ էր նախ իր կապայով եւ ապա մազերով եւ միրուքով: Իրատւնք էլ ուներ. շալէ սիրուն կապան մինչեւ ծնկերն էր իջնում եւ աւելի երկար ցոյց տալիս առանց այն էլ երկար հասակը: Թաւ, ալեխառն միրուքը իջնում էր մինչեւ գօտին եւ ծածկում նրա ամբողջ կուրծքը, իսկ ճերմակ մազերը ուրր-մուրր փռւում էին ուսերին, եւ երբ նա ոգեւորում էր երգելիս եւ ցնցում էր գլուխը, հիացքով էր զգում, թէ ինչպէս ուրրուն խոպոպները հոփհարում են իր երկար պարանո-

ցը: Այդ ժամանակ ծեր տիրացուն հիանալի էր. նա կարծես կերպարանափոխում, սրբանում էր ժամաւորների աչքին: Եւ երջանիկ էր նա:

Բայց ո՛վ կարող է կարդալ մարդկային ճակատագիրը:

Այն երեկոյ տիրացու Գրիգորը ժամում չէր:

Տերտերը մենակ քաղեց աղօթքն ու շարականները եւ վերջում՝ բարձրացնելով անտարանը, ինքն իր ծեր, խռպոտ ձայնով ասաց «Կեցոն»: Քառասուն տարուց ի վեր այս առաջին անգամ էր պատահում. այս առաջին կիրակնամուտ երեկոն էր, որ տիրացու Գրիգորի գիլ ձայնը չէր լսում դասից. այս առաջին անգամն էր, որ մոմերի եւ ձիթավառ կանթեղի աղօտ լոյսով չէր գծագրուում նրա երկար հասակը սեղանի առաջ, որ ժամաւորները չէին տեսնում նրա երկար միրուքն եւ ուսերին թափուած մազերը, այդ պատկառելի գիտուն գլուխը, որ այնքան խոր-խոր բաներ գիտեր:

Դասը դատարկ էր, ժամը՝ տխուր, աղօթքն՝ անհամ: Ժամաւորները ապշել էին: Նրանք նոյնիսկ ակարող եղան զարմանքի արտայայտութիւնը գսպել միևչեւ ժամասացութեան անարտելը: Յե՞շտ բան էր - տիրացու Գրիգորն էր պակաս. շատերն՝ աղօթքն ընդհատելով՝ իրար նայեցին հարցական եղանակով, իսկ կանանց բաժնում ի քանի չարսաւաւոր գլուխներ իրար մօտեցան, փսփսացին եւ տիրացուի անունը տուին:

Ո՛ր էր տիրացու Գրիգորը: Այս հարցը ամենքը տուին իրար եկեղեցու բակում, եւ երբ քահանան

դուրս եկաւ, նրան շրջապատեցին ու նոյն հարցը կրկնեցին: Տերտերն էլ չգիտեր: Լաւ նշան չէր դա: Անհանգստութեան նման մի բան, որ շատ մօտ էր երկիւղի, անցաւ բոլորի դեմքով: Հասկանալի էր. այդ երկրում պետք է ամեն բան իր տեղումը լինի, որ սարսափելի չլինի. ինչ որ փոխուեց, ինչ որ սովորականից դուրս եկաւ, տակից չարիք կը ծնի: Տիրացու Գրիգորը պետք էր ժամում լինէր, ժամում չէ, ուրեմն սեւ բան կայ, նոյնիսկ շատ սեւ:

Ո՞ր է տիրացու Գրիգորը:

Ո՞վ գիտէ ուր. աշխարհը նե՞ղ է, մի տեղ կը լինի է՛լի. երեւի կը գայ, մարդ է, բան է պատահել:

- Չէ՛, մտածում էր գիւղը, տիրացու Գրիգորը միայն ժամում պիտի լինէր. այնտեղ չէ, Աստուած խէրն անի, մտածելն էր սարսափելի է... առաւօտից գնացել էր լեռները եւ դեռ չէր եկել...

.. Մուրն ընկաւ, սեւ հոգեմաշ խաւարն իջաւ, բայց տիրացու Գրիգորը չկար ու չկար:

Մի քանի հոգի գիւղից դուրս եկան, մի փոքր հեռացան, փնտռեցին. ձայն տուին, «տիրացո՛ւ» կանչեցին... Ձայների արծագանգները լաւ չէին խաւարում, գիշերը՝ չար, սարերը՝ սեւ, հարամին՝ շատ, սարսափն՝ ահագին. ո՞վ սիրտ կ'անէր շատ առաջ գնալ: Մարդիկ յետ դարձան տիրացուի բախտն Աստծուն յանձնելով, որ լուսաբացին նորից դուրս գնան փնտռելու:

Դռները շտապ-շտապ փակուեցին. գիւղը կծկուեց, լռեց: Դուրսը մնաց մահին, սարսափին: Հազար բնից, հազար ծակից չարիքը դուրս սո-

ղաց: Վա՛յ նրան, ով դուրս է: Սե՛ւ աշխարհի, վերա՛ն երկիր, քո բախտն ո՞վ կապեր այսքան ցաւի հետ...

Ո՞ր էր տիրացու Գրիգորը այդ չար ժամին:

Այն օրը՝ մեկիկ-մեկիկ, ըստ սովորականին, թակարդներն այցելելուց յետոյ, երեկոյեան տիրացու Գրիգորը մի կենդանի աղուէս բռնեց, սիրուն աղուէս, հազուագիւտ մորթով, որ սեւին էր տալիս: Տիրացուն նայեց գազանի պլստուն աչքերին, որ իրան էին յառած, եւ ժպտաց, ապա նոյնիսկ բարձրաձայն ծիծաղեց, յետոյ յիշեց, թէ այդ երեկոյ ինչպէս կը գլի «Կեցուն»:

Ի՛նչ լաւ է կեանքը, ինչո՞ւ այդքան լաւ է...

«Դու գրիր՝ ինչ ուզում ես, տես «Ֆալազն» ինչ է գրո՞ւմ»:

Տիրացուն նոյն ախորժ տրամադրութեամբ, նոյն ժպիտը երեսին՝ կապեց աղուէսը, կրկին տեղաւորեց թակարդը եւ պատրաստոււմ էր ճանապարհի ընկնել իր փառաւոր աւարով: Պետք էր շուտ գնալ, ժամին հասնել: Գիւղը դեռ հեռու էր, բայց վնաս չունի, տիրացու Գրիգորը ոտներ ուներ եւ՛, երկա՛յն, քայլերը մե՛ծ-մե՛ծ: Իր սովորականի համեմատ՝ նա սկսեց երգել Նարեկացու «Ի գիլ գայր, սայլիկին ի գիլ»: Գարնանային օրը սիրուն էր արեւի թեք ճառագայթները լուսաւորում էին շրջակայքը, ուր ամեն ինչ ժպտում էր ոսկեգոյն շողերի տակ: Այդ ժամին սիրուն էր ե՛ւ սեւա-

թոյր աղուեւը:

Ի՛նչ լաւ է կեանքը, ինչո՞ւ այդքան լա՛ւ է...

Հազիւ մի քանի քայլ հեռացած թակարդից, յետեւից ոտնաձայն լսուեց: Տիրացուն յետ նայեց-երկու գափթիա:

Ժամը չար է. մտածեց տիրացուն, Աստուած խերն անի:

Այո՛, ժամը չար էր: Տիրացուի կոկորդում սառեց նրա երգը եւ այն՝ ոչ մէկէն, այլ ինչպէս մի ձեռք յանկարծ մի քանի խճեր ձգեց նրա կոկորդը: Նա խռխռաց եւ լռեց խեղդուածի պէս:

Չար ժամին երգել կը լինի՞:

Բայց գափթիաները երեւի այդպէս չէին մտածում, որովհետեւ նրանք հռ-հռ ծփծաղեցին այդ մեռնող երգի վերջին խռպոտ հնչիւնների վրայ:

Ժամը չար էր: Նրանք պահանջեցին ուղուեւը. տիրացուն տուեց ամենայն հնազանդութեամբ եւ մինչեւ անգամ փորձեց ժպտալ, ինչպէս ժպտում է հոգեվարք մարդը մահուան ստուերը տեսնելիս:

- Դէ՛հ, գնա՛, գեաՎուր:

«ԳեաՎուրը» գնաց, այս անգամ իրօք ժպտաց, զարմանալով, որ բանն այսպէս վերջացաւ:

Իրաւունք էլ ուներ զարմանալու:

- Կա՛ց, կա՛ց, կանչեցին նրան:

Տիրացուն կանգ առաւ եւ ժպտաց:-

- Կապա՛դ էլ հանիր:

Տիրացուն հանեց կապան, նաեւ արխալուղը:

- Արխալուղդ ինչո՞ւ հանեցիր, գեափուր:

- Մեր աւետարանն ասել է. երբ կապադ պահանջեն, արխալուղդդ էլ տուր:

- Հալելուրդ դիպած է, ասաց մի զափթիա, եւ նրանք *հռ-հռ ծիծաղեցին*: Սրանից լաւ գիտ լինել չէր կարող. այս կիսախելագար ծերունին նրանց լաւ կարող էր զուարճացնել:

- Հալելոր, որ այդպէս է, շապիկդ ինչո՞ւ չհանցիր: Տիրացուն շապիկն էլ հանեց եւ մնաց մերկ:

Մօտ վաթսուն տարեկան բարձրահասակ այդ ծերունին կանգնած էր այժմ մերկ եւ դողդողում էր: Ալեխառն միրուքը լայն կրծքին փռուած, իսկ երկայն մազերը հուժկու ուսերին ցաք ու ցրի՛ տալիս էին այդ մերկ մարդուն վերջին աստիճանի յուզիչ տեսք: Անարգուած ծերութիւնն էր այն, որ դողում էր դահիճների առաջ, դողում էր երկիւղից, ամօթից, դողում էր նաեւ ցրտից, որովհետեւ երեկոյեան առաջին մառախուղի հետ լեռնային հովը փչում էր հա՛ փչում, ցրիւ էր քերում ծերունու միրուքը, խաղում էր նրա մազերի հետեւ սառսռեցնում նրա թաւոտ մարմինը:

Եւ այս պատկերը զուարճացնում էր զափթիաներին: Նրանք նայում էին եւ ծիծաղում: Ապա յանկարծ լռեցին եւ մտածկոտ դարձան: Յետոյ մի փոքր փսփսացին եւ իրար հետ անցան թակարդին:

- Ես թակարդի՞ց բռնեցիր աղուեսը:

- Ես թակարդից, էՖէնտիներ:

առանձնանում, խօսում, խօսում, փսփսում: Ի՞նչ էի խօսում այնքան,- ինքը կարո՞ղ է՞ր իմանալ: Դէ՛, ընկերներ էին. ա՛խ, թե իմանար... Չնացին, եկան, փսփսացին, գնացին, եկան, եւ մի գիշեր անյայտացան: Ա՛խ, սեւ դառնար էն գիշերը: Անխի՛րճ, անխի՛րճ մրմնջում էր պառան, այս անգամ խօսքն ուղղելով որդուն. Թորոսն օտարի որդի էր, չցաւեց, իսկ դո՞ւ... Թե չմեղքացար քո ջրատար ծնողներին, խղճայիր գոնէ քո խեղճ ջահիլին, քո կնոջը, որին անտէր ձգեցիր: Օ՛, այնուհետեւ ինչե՛ր անցան իրենց սեւաւոր գլխով, ի՞նչ օրեր քաշեցին: Խեղճ հալւորին տաճիկները տարան, բերին, բանտ դրին, ծեծեցին, ծեծեցին, որ Մինասի տեղն ասի: Ա՛խ, ինչ անաստուած են այդ անօրէնները: Մեր ցաւը, մեր սեւ օրը մեզ բաւական չէր, սրանց գազանութիւնն էլ մի նոր պատիժ, նոր ցաւ դարձաւ: Կարծես թէ որ մենք իմանայինք մեր որդու տեղը, սար ու քար չէինք ընկրկի, չէինք գտնի, չէինք բերի տուն: Տաճկի ինչ պետք էր թէ մեր սրտից առանց այն էլ արին է գնում: Այնքան չարչարեցին խեղճ հալւորին, մինչեւ անկողին ընկաւ եւ էլ չվերկացաւ: Զարսը՝ որ վաղուց էր հեռացել տնից, գնացել էր հերանց, իր սեւ օրը ողբում. ի՞նչ անէր խեղճ ջահիլը, օրը մի անգամ անիրաւները դիտմամբ տուն էին թափում, հարս պահել կը լինե՞ր տանը: Եւ այժմ մենակ էր մնացել Մարթան:

Այս սեւ գիշերին, ամենցից մոռացուած, նա մտածում էր զարիւրելի անցեալի մասին. ներ-

լուսաւորելով սարսափից այլանդակուած նրա դէմքը: Նա ստիպուած երեսի վրայ ընկաւ թափով եւ սկսեց հողերի մէջ տրորել դէմքը՝ փոթոթող բոցերը մարելու համար: Բայց նոյն րոպէին ոճրածարաւ գագաններից մէկը սրով ծակեց նրա կողքը. երկրորդը նոյնն արեց, եւ սկսուեց մի գարիւրելի մարտիրոսութիւն...

Արեան տեսքը կարծես կրկնապատկեց դահիճների եռանդը: Մարդկային արիւնը, այդ տաք, կարմիր հեղուկը, հարբեցնում էր, կուշտ զուարճանալուց յետոյ՝ այժմ նրանք հեռու դաշտում սպանում էին մենակ, անտէր ձգուած ծերունուն դանդաղ, դժոխային մահով: Չոհն այդ գգաց: Նա գլորուեց գետնին, դարձեալ մի քանի թաւալ տուեց եւ երբ հասաւ լեռնային մի անդունդի շրթին, որ շատ հեռու չէր այնտեղից, ներքեւ գլորուեց իր վերջին թափով, մեռնելու կամ ապրելու յոյսով: Նա գլորուում էր, հա՛ գլորուում դէպի ձորի յատակը, իսկ վերելից դահիճները հռ-հռ ծիծաղում էին արիւնաթաթաւ այդ մսակոյտի վրայ, որ քարերի մէջ մերթ երեւում էր, մերթ ծածկւում:

Նրան չհետեւեցին: Մուլն ընկաւ. աստղերը մէկիկ-մէկիկ բաց արին իրենց աչքերը, վար նայեցին. տեսան մարդկային մսի այդ արիւնապատ գանգուածը եւ շարունակում էին թարթել նրա վրայ անհոգ ու անգիտակից: Երկինքը ե՛րբ է հետաքրքրուել, թէ ի՞նչ է կատարում երկրի վրայ...

Որչափ ժամանակ ծերունին ուշագնած մնաց ձորում, այդ չգիտեր նա. միայն երբ աչքերը բա-

ցեց, դեռ աստղերը պլալում էին երկնքում, դեռ խաւարն իջնում էր աշխարհի վրայ, դեռ իր շուրջը տիրում էր սարսափը: Ձեռները թակադրում կաշկանդուած, մարմինը վիրաւոր, ուժասպառ՝ վեր կենալը հեշտ չէր: Նա ուրրուեց, այս ու այն կողմ ընկաւ, յենուեց վիրաւոր արմուկներին եւ ոտքի կանգնեց: Այժմ պետք էր քայլել: Ո՛րքան ճանապարհ կար. ե՞րբ կը հասնի, եւ կը հասնի՞՞ արդեօք:

Նա քայլում էր: Այդ արիւնաթաթաւ, ջարդուվշուր եղած մարմինը, խոցոտուած, ցաւերի բեռի տակ ընկճուած մարդը՝ քայլում էր խաւարում դէպի փրկութիւն, դէպի լոյս: Գիւղը դեռ հեռու էր, արեւելքը խաւար, արշալոյսը չկար ու չկար: Ե՞րբ կը հասնի:

Ճա՛տ քայլեց... եւ յանկարծ կանգ առաւ:

Մեղմ՝ ինչպէս մրմունջ վշտացած կոյսի, եւ տխուր ինչպէս հառաչանք զաւակները կորցրած մօր, հասնում էր նա ականջին գիւղի եկեղեցու զանգակի ձայնը, որ հրաւիրում էր մարդկանց դէպի երկինք ուղղելու իրենց գոհունակութիւնը է՛լի մի գիշերուայ խաղաղութեան համար: Գիւղը հեռու չէր: Ծերունին սիրտ առաւ եւ քայլում էր ու քայլում...

Մռայլ հոգեհան խաւարում, խորդ ու բորտ, քարոտ ճանապարհով շարունակում էր քայլել տանջուած մարդը, քաշ տալով իր փշրուած ոսկորները, իր ծուիկ-ծուիկ եղած միսը եւ մտածում էր... Վաթսուն երկար տարիների խաղաղ կեան-

քի միակերպությունն այսօր անսպասելի եւ անողորմ կերպով աղմկուեց մի արիւնտ փոթորկով. մի օրում, մի քանի ժամում ո՛րքան ապրեց վաթսուն գարուններ բոլորած այդ ալեգարդ գլուխը...

Նա քայլում էր եւ մտածում... Փորձը դառն էր, արիւնտ, մտքերը՝ վշտոտ ու մռայլ:

Արիւնն ո՞վ կապեց փրկութեան հետ...

Այնտեղ, գիւղի փողոցներում, յայտնուում էին կռացած ծերեր, որոնք քայլում էին գաւազանով, չարսաւաւոր կանայք՝ որոնք անցնում էին ստուերների պէս, երեխաներ մեծ թէ փոքր, ամենքը, ամենքը դիմում էին դէպի եկեղեցին: Չանգակը կանչում էր եւ իր ղօղանջիւնի հետ դէպի վեր պիտի տաներ բազմութեան հառաջանքներն ու աղօթքները:

Քանի՛ դարեր ղօղանջում է այդ զանգակը, քանի՛ դարեր տանջուած երկրից նա ձգւում է դէպի վեր:

Աղօթաւորները շատ էին եկեղեցում եւ ամենքն աղօթում էին ծեր տիրացուի համար, որ դեռ չկար ու չկար: Ժամը դարձեալ տխուր էր, դասը դատարկ, ժամասացութիւնը անհամ. միայն աղթօքն էր այս անգամ վշտոտ ու սրտագին: Եւ քաղում էր քահանան առաւօտեան երկար մաղթանքները, եւ բազմութիւնն աղօթում էր լուռ, աղօթում էր աշխարհի համար, տիրացուի համար:

Քանի՛ դար է, ինչ աղօթում է այդ բազմութիւնը. քանի՛ դար է, նա սպասում է փրկարար ձայնին:

Եւ «սպասուած ձայնն» այսօր յանկարծ հնչուեց եկեղեցում.

- Աստուած, երկի՛նք, եկեղեցի՛, տեսէ՛ք... Զառասուն տարուայ բարեպաշտութեանս վարձը ձեզ եմ բերում այսօր...

Ա՞յս է հատուցումը...

Բազմութիւնը մի վայրկեան իրար անցաւ այդ ձայնից, ապա սարսափած յետ յետ քաշուեց՝ բաց թողնելով մի փոքրիկ հրապարակ, ուր ցցուած էր մի մերկ մարդ, կամ անելի շուտ՝ գերեզմանից դուրս փախած մի մեռել՝ սոսկալի տեսքով:

Տիրացո՛ւն էր... Նա՛ էր այդպէս խօսողը...

Բայց ո՞վ կարող էր հաւատալ: Մերկ մարմինը պատած էր արեան բոսորային շերտերով, որոնք անցնում էին զանազան ուղղութեամբ՝ նողկալի զարդ կազմելով այդ քրքրուած մսի վրայ: Երկու ձեռները դեռ թակարդի մէջ էին, որ նա բարձրացրել էր վեր, վեր, ուղղած դէպի սեղանը, բողոքաւոր շարժումով: Միտուքը կիսով չափ խանձուած ու այլանդակ, երեսի կաշին այրուած, քաշքշուած, մազերը ցաք ու ցրիւ փռուած ճակատին եւ ուսերին-նա սոսկալի էր: Մարդիկ յետ-յետ քաշուեցին, կանայք չարսաւով ծածկեցին դէմքերը, երեխաները սարսափով ճչացին, քահանան լռեց՝ քարացած:

- Սարսափելի՛ եմ, այնպես չե՞, շարունակեց տիրացուն: Այո՛, սարսափելի՛... թուռանե՛ր. քառասուն տարուայ աղօթքի, շերտերն են, այս ջարդուած ոսկորները, այս քրքրուած միսս է, այս բազուկներիս վերքերն են... Սարսափեցե՛ք, խեղճ ողորմելիներ՛, եւ թո՛ղ ձեզ հետ միասին դողան եւ սարսափեն եկեղեցին եւ Աստուած...:

Շշկլուած բազմութեան միջից հազիւ մեկը վերջապէս մտածեց, որ այդ թշուառի ձեռները պէտք է դուրս հանել թակարդից: Դող անցաւ բազմութեան մարմնով ծերունու սոսկալի ճիչից, երբ նա երկու փշրուած բազուկները դուրս քաշեցին թակարդից:

- Ասին՝ «կապաղ տուր», ես արխալուղս էլ տուի իրենց... չե՞ որ քառասուն տարի այդ էր ասել ինձ Աւետարանը,- շարունակեց տիրացուն: Գլխիս մի հարուած տուին, ես երեսս էլ դեմ արի. այդ էլ Աւետարանն էր ասել: Յետոյ միրուքս կրակ տուին, յետոյ դանակով կաշիս էին խոցոտում... Աւետարանը չէր ասել, որ միտք ծակծկեն, ցաւ չգգաս, ես էլ ցաւ գգացի, օ՛ ինչպիսի՛ ցաւ, քարից ձգեցի ինձ եւ փախայ զափթիաների ձեռքից...:

Բազմութիւնը հասկացաւ, այժմ, թէ բանն ինչումն է: Տաւերի աշխարհում շատ քիչ բան է հարկաւոր սարսափի մեծութիւնը չափելու համար. երբեմն մի բառ, մի ճիչ, մի հառաչանք միայն...

Մի գիւղացի հասեց իր վերարկուն եւ ձգեց տիրացուի վիրաւոր մարմնի վրայ:

- Դարձեա՛լ զգեստ, ինչո՞ւ է հարկաւոր, էլի կը

տանեն, ասաց նա... Պատան բերեք ինձ, պատան, հայեր. ինձ հենց պատանն է մնացել... Ով այսքան լուռ ու անտրտունջ իր շապիկն ու արխալուղը տուել է դուշմանին, իր երեսը դեմ էր արել նրա ապտակին, բռունցքի տակ ժպտացել է ինձ պես, թո՛ղ այսուհետեւ պատանով շրջի... Վալլահ, հայեր, մեզ հենց պատանն է մնացել, շապիկ ու արխալուղ շատ տուինք: Սե՛ւը, մեզ տանի, հո՛ղը մեր գլխին... ասաց տիրացուն եւ թուլացած՝ իր ամբողջ հասակով գետին գլորուեց, ինչպես փոթորկելով արմատախիլ դարաւոր կաղնի:

Աղօթքը սառեց մարդկանց շրթունքին... Արտասուաթոր աչքերով նրանք նայում էին այս արհեսաթաթաւ, խոցոտուած դիակին, այս վառուած, խանձուած դէմքին. նայում էին եւ մտածում՝

«Փրկութիւնը որտեղի՞ց պիտի գայ»...

1900 թ.

ՎԱԶՐԻԿ

Նուէր Դումանին

Ահեղ ու անհաւասար կռիւ էր Վանում:

Մենք ստիպուած եղանք բաժանուել իրարից. Վազգէն իր ընկերներով մնաց Արարոց թաղում, իսկ ես մի քանի հոգով Այգեստան անցայ:

Հարկաւոր էր մի առ ժամանակ մեր հետքը կորցնել: Երեք-չորս օրից ի վեր տեղաւորուել էինք ընդարձակ պարտիզի խորքում, կծկծուած մի փոքրիկ տան մէջ: Ուշ աշուն էր ու ցուրտ լայն փալասով ծածկուած քուրսին, թոնրի վրայ, տան կենտրոնում՝ հաճելի տեսք ուներ, ջերմութիւնը խիստ ախորժելի էր: Զուրսում առաջ կուճուած՝ նստած էր մօտ ութսունամեայ մի ծերունի, սպիտակ երկար միրուքով, որ ոլոր-ոլոր կախուած էր կրծքին. նրա թաւ ու երկար յօնքերի տակ խոր ընկած աչքերը անփայլ էին ու համարեա հանգած: Գլուխը կրծքին քաշ՝ նա անդադար քաշում էր «տէր ողորմեա»-ի սել հատիկները համաչափ չրխկոցով: Ծերունու կողքին տեղ էր բռնել մի վեց-եօթ տարեկան երեխայ, հիւանդոտ ու գու-

«Թթխմորը հարամ է, արիւնտ է»: Դաւիթն իրեն չլսելու դրեց եւ առհարկի վստահութեամբ ասաց՝ «Ողորմի՛ Աստուած: Ձայնն ասելի բարձր դուրս եկաւ քան հարկաւոր էր. գոնէ Դաւթին այդպէս թուաց, այս անգամ եւ նա այնպէս փակեց բերանը, կարծես մէկը ապտակով խփեց շրթուքներին: Այդ էլ վնաս չունէր, սարսափելին այն էր, որ իր «Ողորմի Աստուած»-ին ոչ ոք չպատասխանեց: Այդ էլ չնկատելու տուեց Դաւիթը եւ առաջ գնաց իր սովորական տեղը գրաւելու բուխարիկից դեպի ձախ, երկրորդ տեղը՝ հաստաբէխ Մանոյի եւ Խուս-Յովելի մէջ:

Դիտմամբ արդեօք՝ թե՞ անուշադրութիւնից այսօր այդ երկու մարդի մէջ շատ քիչ տեղ էր մնացել նրա համար, եւ երբ Դաւիթը մօտեցաւ, ոչ մէկը չշարժուեց, Դաւիթը մի կերպ ներս սողոսկաց, նստեց: Լռութիւնը շարունակոււմ էր. դիտմամբ չէին խօսում, թե՞ խօսել չէր լինում: Մօտիկ հարեւաններն էլ երեսները դարձրել էին Դաւթից...

- Ժամու՛մ շատ ցուրտ էր. տերտերը աղօթքները բօլ կուլ տուեց,- ասաց Դաւիթը: Ոչ ոք ձայն չհանեց. լռութիւնը շարունակուեց. խօսակցութիւն սկսելու նրա ջանքերն ապարդիւն անցան:

Դաւիթը հանեց չիբուխը, պատրաստեց, ոչ ոք կրակ չ'առաջարկեց նրան. ինքը կրակը վերցրեց. վրան դրեց եւ սկսեց արագ արագ ծխել: Յանկարծ Մանոն նրա կողքից վեր կացաւ եւ դուրս գնաց: «Ինչո՞ւ, մտածեց Դաւիթը. նա այսպէս շուտ չէր գնա»: Զիչ յետոյ նրան հետեւեց Խուս-

անկիւնից, ծառերի տակից, պատերի յետեւից, շաչում էին ու կեանքեր քաղում:

Կռիւ էր, փողոցից՝ փողոց, տնից՝ տուն: Եւ ամէն անգամ, երբ լսում էր դրսից մի հրացանի պայթիւն, ծերունին թողնում էր «տեր ողորմեան», բարձրացնում էր իր արեգարդ գլուխ, մարած ու միշտ խոնաւ արքերը երկինք էր ուղղում եւ մրմնջում.

- Բեռ կամքն ի տէ՛ր... մեղա՛յ, մեղա՛յ, ի քեզ տեր յուսացայ, մի ամաչեցից յաւիտեան, մեղա՛յ, մեղա՛յ...

Միեւնոյն ժամանակ լսում էր հատ-հատ շնեքի անկանոն ու այլանդակ ոռնոցը, եւ մայրն ու փոքրիկը նայում էին իրար լռութեամբ:

Փողոցներում անցուդարձը ի սպառ դադարել էր. տղամարդի երեւալը հաւասար էր պետական յանցանքի: Հազիւ հազ որեւէ սրտոտ կին համարձակում էր գլուխ դուրս հանել, տնից տուն անցնել: Մեզ էլ ընկերներից լուր քերոզը միշտ մի կին էր, բայց նա էլ դժբախտաբար չկար երկու օրից ի վեր. ես չգիտեի, թէ ո՞ր է Վազգէնը, ի՞նչ է անում, քաղաքո՞ւմն է, թէ խոյս է տուել. անկարող էի նաեւ իմ անելիքը որոշել:

Անհանգստութիւնը թունաւոր գեռունի պէս կրծում էր հոգիս, եւ ես աչքս չէի կարողանում դռնից հեռացնել: Ելի մի օր անցաւ, երեկոն մօտ էր արդէն, եւ ոչ ոք չեկաւ: Մտածում էի գիշերով դուրս ընկնել, ինչ եւ պատահելու լինէր:

Այս կացութիւնն անտանելի էր:

Իմ մտքերն ընդհատեց դրան ճռոցոցը. շեմքի վրայ յայտնուեց ութ-ին տարեկան մի երեխայ:

- Վազրի՛կը, Վազրի՛կը... գոչեց քուրսու առաջ նստած փոքրիկը, թողեց կատուն ու մնաց բերանաբաց. ծերունին գլուխը չբարձրացրեց:

- Դո՞ւն ես Վազրիկ, ասաց ջահիլ կինը անտարբերութեամբ, արի տաքացիր, տղա՛ս:

Ես դժգոհ էի. սպասում էի մեր բանբերին, եւ յայտնուեց այս երեխան. ակամայ դժկամակութեամբ մի հայեացք նետեցի վրան: Ներս մտնողի փոյթը չէր. նա մի վայրկեան կանգ առաւ դրան առաջ, ուշադրութեամբ մեզ նայեց, ապա համարձակ քայլերով առաջ անցաւ, տեղ բռնեց քուրսու առաջ:

Մտքերս դարձան Վազրիկի շուրջը. այս երեխայի եւ մեր մէջ մի նմանութիւն կար. նոյն անհանգիստ, արկածալից կեանքը, նոյն կռիւները, միայն երեխայական չափով:

Ո՞վ չէր ճանաչում Վազրիկին նա յայտնի էր ամբողջ Այգեստանում:

Գունատ այտեր ուներ ու հաստ շրթուկներ, որ նա սղմած էր պահում իրար վրայ, երբ սաստիկ զայրացած էր կամ երբ մի չարածճի միտք ուներ գլխում: Սեւ աչքերի վրայ խիստ վար քաշ ընկած յօնքերը նրա հայեացքը դարձնում էին խորամանկ ու քինոտ: Թուում էր, թէ Վազրիկը միշտ ոխ ունի մէկի դէմ: Նրա վերին շրթուկը շարունակ թաց էր, եւ Վազրիկը ստիպուած էր թելով յաճախակի սրբել կամ փնջացնելով վեր քա-

շել քիթը:

Ես նրան շատ էի տեսել Այգեստանի փողոցներում եւ սովորաբար միշտ հեւ ի հեւ, քրտնաթոր վազելիս, երբեմն ճանկոտուած երեսով, պատառոտած զգեստներով, մերթ գլխաբաց, յաճախ ոտաբոպիկ: Երբ Վազրիկը այդպէս վազում էր, հաստատ կարելի էր ասել, որ կամ հասակաւոր մէկը հալածում է նրան, կամ ինքն է ընկել մի ուրիշի յետեւից:

Նա մշտական պայթարի, անվերջ կռիւների մէջ էր:

Եւ բոլոր այդ կռիւների, բոլոր հալածանքների պատճառը միշտ ինքն էր, Վազրիկը: Ոչ ոք քարտրով նրա պէս շեշտակի չէր հարուածում կատուներին, շներին, հաւերին, փողոցների պատից քաշ ընկած խնձորենիների պտուղներին:

Եւ ամէն մի ձգուած քարից ծագում էր մի կռիւ, մի ծեծ, մի հալածանք: Ահա թէ ինչու Վազրիկն ստիպուած էր անդադար վազել կամ ազատուելու, կամ իր կրած որեւէ վիրաւորանքի համար վրեժխնդիր լինելու համար: Անթիւ անգամ նա ծեծ էր կերել ուրիշներից եւ նոյնքան ծեծ տուել: Երեսի վրայ էլ տեղ չկար, որ ճանկոտուած չլիներ, շրթունքներն ու յօնքերը քարտրով պատառոտուել էին ու սպիացել, եւ Վազրիկը շարունակում էր իր արկածալից կեանքը եւ գոհ էր:

Եթէ որեւէ չարածնի խաղի համար նրան վիրաւորում էր մի հասակաւոր, Վազրիկը հատուցանում էր իր ուժեղ թշնամու փոքրահասակ եղ-

բօրը կամ որդուն:

Վազրիկը ներել չգիտեր. օրերով ու շաբաթներով կը սպասեր, մինչեւ իանդիպեր այդ փոքրիկներից մեկնումէկին: Բռնում էր առաջները փողոցում եւ հատուցանում ճիշդ նոյն չափով ինքն էր ստացել, մի ապտակ կամ մի բռունցք, ո՛չ անել, ո՛չ պակաս: Վրեժխրդութեան մէջ սա նրա անխախտ սկզբունքն էր: Հարուածում էր եւ իր զոհի առաջին ճիջի հետ՝ նետի պէս առաջ էր ձգւում անյայտանալու համար:

Վազրիկը այժեամի պէս վազել գիտեր եւ նա միշտ վազում էր...

Եւ ոչ ոք նրա պէս չէր ճանաչում Այգեստանի բոլոր ծակուծուկը, բոլոր անկիւնները, ուր կարելի էր ապաստանել, պատերի այն ցածրիկ մասերը, որտեղից հնարաւոր էր ներս ընկնել պարտեզները, առանց ձեռք ու ոտք փշրելու: Նա շատ լաւ ճանաչում էր մանաւանդ այդ խուլ, ոլորապտոյտ ու մթին շաւիղները, որոնցով կարելի էր խոյս տալ առանց նկատուելու: Կամուրջները գիտեր, որոնց տակ կարող էր ամբողջ օրով թափուել, եթէ հարկ լինէր:

Վանի գաւառօշն էր Վազրիկը:

Այսպէս էր ահա այն երեխան, որ ներս ընկաւ մեզ մօտ: Եւ հաւատացած էի, որ չնայելով քաղաքի այս դժոխային վիճակին, նա դարձեալ հնար է գտել մէկին ծեծել եւ ապաստանել այստեղ, մինչեւ մութն ընկնի:

Նա ո՞ր չէր մտնում...

- Վազրիկ, էլի ո՞ւմն ես ծեծել, հարցրի ես ժպտալով, որ խօսակցութեան մէջ մտնեմ եւ մի կերպ ժամանակս սպանեմ: Պատասխանի փոխարէն նա ինձ նայեց խոժոռ աչքերով եւ քիթը վեր քաշեց, ուժգին փնջացնելով:

Վազրիկը պատասխանելու ցանկութիւն չուներ:

Համակերպուեցի եւ անձնատուր եղայ իր ծանր մտքերին: Չէի նայում քուրսու կողմը, ուր չրխկում էր ծերունու «տէր ողորմեա»-ն եւ ուր երկու փոքրիկները քաշքշում էին իրարու ու բարձրաձայն քրքշում: Դրսից դարձեալ մերթ ընթ մերթ լսում էին հրացանների ձայներ, ծերը ամէն անգամ կրկնում էր իր սաղմոսը, շները ոռնում էին հրէշաւոր ու մահասարսում ելեւէջներով: Երեխաները շարունակում էին խաղալ, ըստ երեւոյթին մոռացած շրջապատի բոլոր սարսափը: Ես նայում էի նրանց եւ մտքիս մէջ կրկնում. «Երանի՛ր քեզ մանկութիւն»: Խաղի ընթացքում յանկարծ փոքրիկ երեխայի ձեռքը թափով դիպաւ Վազրիկի կրծքին.

- Մ'անէ՛, մ'անէ՛... Ճչաց Վազրիկը կատաղած: Ես մնացի զարմացած, նրա ձայնի մէջ կար խորին գայրոյթի ու սպառնալիքի շեշտ: Ընկերը վախեցած՝ ձեռքը յետ քաշեց օձից խայթուածի պէս, կծկուեց ու խեղճացաւ, մինչդեռ Վազրիկը շրթուկքներն իրար վրայ սղմած՝ նայում էր նրան չար, անողորմ հայեացքով: Թւում էր թէ Վազրիկը կրծքի վրայ մի վերջ ուներ, մի ցաւոտ վերջ, որին

ընկերը դիպավ անզգուշութեամբ ու կսկծացրեց:

Նոյն վայրկեանին կատուն վերստին թռաւ քուրսու վրայ. երկու երեխաները մէկէն ձեռքերնին մեկնեցին դէպի կենդանու փափուկ մորթը եւ սկսեցին քաշքշել: Կատուն դժգոհեց, ճչաց ու փախաւ. երեխաները ծիծաղեցին բարձրաձայն եւ մոռացան անախորժ միջնադէպը: Վերստին սկսուեց խաղը, վերստին նրանք քաշքշեցին իրար, եւ յանկարծ էլի մի անգամ լսուեց Վազրիկի ձայնը՝

Մ'անէ՛, մ'անէ՛ կ'ասեմ...

Նայեցի. այս անգամ Վազրիկը սարսափելի էր. նա ատամները կրճտում էր, բռունցքները սեղմել էր կատաղաբար, իսկ աչքերից թոյն էր կայթում: Շշկլուած ու երկիւղից ոչնչացած ընկերը խոհեմութիւն համարեց քաշուել քուրսու միւս ծայրը. անգամ մեր ներկայութեամբ նա վախենում էր Վազրիկից:

Երեխաների խաղն է՛լ չվերսկսուեց. գլուխները քաշ ձգած՝ նրանք իրար էին նայում գաղտագողի կերպով եւ լուռ էին: Կատուն այժմ համարձակ բարձրացաւ քուրսու վրայ, տեղաւորուեց իր ուզածի պէս եւ հանդարտ մոմում էր: Ծերունին վաղուց հետեւ նիրիում էր նստած տեղում եւ նրա «տեր ողորմեայի» ձայնը դադարել էր: Տանտիկը գլուխը քաշ ձգած՝ հանդարտ կարկատում էր մի հնոտի, մերթ ընդ մերթ կրկնելով՝ «խախանդ կացէ՛ք, տղէկներ»: Ես նկատեցի, որ Վազրիկը մի քանի անգամ լուսամուտին նայեց. ըստ երեւոյ-

թին նա անհանգիստ էր: Երեկոն վրայ հասաւ. առաջին ստուերները կախուեցին, եւ տունը կամաց-կամաց մթնեց: Տանտիկինը կարը ցած թողեց, վեր կացաւ ճրագ վառելու: Որդին հետեւեց նրան. Վազրիկից նա խոյս էր տալիս, թէկուզ մի քանի բռպեով:

Նոյն վայրկեանին Վազրիկը գող կատուի պէս շուրջը նայեց, տեսաւ խոմբփացող ծերունուն, թռաւ տեղից շտապով, վազեց դէպի ինձ, ծունկ չոքեց առաջ եւ կուրծքը դեմ տալով փսփսաց.

- Զակի՛ր, էսա տեղ բան կայ:

Հասկացայ. սիրտս թունդ եւ հիացմունքով լի դէպի այս փոքրիկ գինուորը, դողդողջուն ձեռներով քանդեցի նրա կոճակները եւ կրծքի վրայից դուրս հանեցի նամակներ, «Դրօշակ» եւ այլ կարելոր թղթեր:

- Վազգենը տուեց, կրկին փսփսաց նա, սուր աչքերը վրաս յառած:

Վազգենի բանբերն էր թափառական, արկածախնդիր Վազրիկը:

Սքանչելի՛ մանուկ...

Աչքերս յուզմունքի արցունքով լցուեցին, գրկեցի նրա փոքրիկ անհանգիստ գլուխը, սղմեցի կրծքիս եւ պինդ, պինդ համբուրեցի: Ահա՛ թէ ինչու այս կայտառ, կենդանի երեխան ժամերով ինքնիրեն դատապարտել էլ նստել քուրսու առաջ, սովորութեան հակառակ յանձն էր առել խաղալ մի հիւանդ, թոյլ երեխայի հետ, ահա՛, թէ ինչու էր զայրանում, երբ ընկերը դիպաւ նրա

կրծքին, ուր նա կրում էր բոլոր ցաւերից ամենայն ուրիշականը, յեղափոխական փրկարար ու վսեմ գաղտնիքը: Նրան պատուիրել էին թղթերը յանձնել ինձ, երբ տանը մեզանից գատ ոչ ոք չէր լինի: Եւ նա սպասում էր համբերութեամբ:

Տանտիկինը ներս եկաւ:

- Վագրիկ, գնո՞ւմ ես:

Հա, ի հարկէ, նա գնում էր. նա արդէն դրան առաջն էր. պատասխան անգամ չտուեց, բացեց դուռը եւ ընկաւ, կորաւ խաւարի մէջ:

Ա՛յն դուրսը... ցուրտ էր, մռայլ ու ահաւոր: Հրացանների ձայները սաստկացան. շներն աւելի ողբաձայն եւ աւելի բարձր ոռնալ սկսեցին. ծերունին ընդոստ վեր ցատկեց քնից եւ երեսը խաչակնքեց:

Վագրիկը գնա՛ց... այն արիասիրտ, դիւթական մանուկը, որ ոչնչինց չէր վախենում:

Վագգէն գրում էր ինձ որ չչարժուեմ իմ թագստոցից եւ սպասեմ իր յաջորդ նամակներին: Եւ այնուհետեւ նամակները գալիս էին կանոնաւորապէս Վագրիկի ձեռքով. փոքրիկ բանքերը ամենայն օր, նոյն ժամերին- նոյն ձեւով ներս էր մտնում, կուրծքը միշտ խնամքով կոճկած, միշտ զգոյշ ու լուրջ: Տանեցիներից մենք գաղտնիք չուներինք, բայց Վագրիկը միևնույն վերջը յամառում էր իր ծայրայեղ զգուշութեան մէջ եւ նրանց ներկայութեամբ չէր համաձայնում կուրծքը բանալ: Նրա այդ սիրուն քմահաճոյքը կատարած լինելու համար իմ խնդրով տանտիկինը իր փոքրիկի

հետ ո՞նե է պատրուակով դուրս եր գնում, հենց որ Վազրիկը յայտնուում էր: Ծերունին շատ լաւ էր տեսնում, այդ լաւ գիտեր Վազրիկը եւ նրանից էր քաշուում, իրեն բոլորովին ապահով զգալով նա շտապով մօտենում էր ինձ, չոքում էր առաջիս եւ կամացուկ կրկնում իր սովորական նախադասութիւնը, ցոյց տալով կուրծքը:

- Զակի՛ր, էսա տեղ բան կայ:

Թղթերը հանում էի եւ նա կրկին անյայտանում էր, կրծքի վրայ փոխադարձապէս տանելով իմ նամակները Վազգէնին ուղղած:

Եւ մի երեկոյ նա սովորականից շատ ուշացաւ: Մուրթն ընկաւ, ճրագը վառուեց, բայց Վազրիկը չկար դեռ եւս: Ամենքս էր լուռ էինք եւ հանգիստ. մենք այնպէս սովորել էինք նրան տեսնել որոշ ժամերին: Խրճիթը իր մուրթ ստուերներով այդ երկոյ մեզ ճնշում էր: Լռութեան մէջ անախորժ էր հնչում նոյնիսկ ողորմելի կատուի սովորական մոմոռոցը եւ ծերունու «տեր ողորմեայի» չրխկոցը: Միրտս լի էր մուրթ թախիծով եւ ես սկսեցի անդադար քայլել յետ ու առաջ: Դեռ երբեք դրսի խաւարը այս աստիճան խեղդող, այս աստիճա անհաւոր էր թուացել ինձ. կարծես մի մուրթ ու սեւ բան, դանդաղ հրեշաւոր գալարումներով օղակ-օղակ պտտում էր մեր շուրջը թանձր խաւարի հետ, սպառնալով խեղդել, ոչնչացնել մեզ:

Հոգիս ցաւում էր անորոշ ու սեւ կասկածներից:

Յանկարծ մի ուժգին պայթիւն լսուեց հենց մեր

հազի մի քանի քայլ արած, նա աչքերը վեր բարձրացրեց.- առջեւում, խաւարի մէջ, երկու աչքերը փայլում էին, արիւնոտ, ճոթոտած: Նրա ծնկները ծալուեցին... Դողդողալով յետ եկաւ դէպի բանտապետը: Ամբողջ աշխարհն էր խօսում այդ մի հատիկ մարդու բերանով: Օգնականը դարձաւ եւ վազեց թափով: Քամին նրան չթողնեց առաջ գնալ եւ, կանգ առաւ հէնց կախաղանի տակ: Քրտինքը թափւում էր վրայից, բայց նա դողում էր, ատամներն իրար էին գարկում: Ապա վերեւ նայեց: Դիակն այս անգամ՝ էլ այնպէս բարկացած չէր, աչքերը նայում եւ թարթում էին մեղմ, կարեկից եւ արիւնոտ. շրթունքները կամացուկ մրմնջում էին՝ «ընկե՛ր, ընկե՛ր, ընկե՛ր»... Այս բանի տեղ նա կ'ուզէր լսել իր գլխին ճայթող մահացու կայծակի որոտը... Ո՞ւր փախչել ազատուելու համար: Ոտներն իրեն չէին հնազանդում. նա յենուեց կախաղանի սեանը եւ սարսափած նայում էր ճօճուող դիակին երկա՛ր երկա՛ր, եւ լսում էր կախաղանի ողբաձայն ճռռոցը:

Նա յիշեց բոլորը... Իր գլխի վերեւ օրօրուող դիակն իր «Ընկերն» էր... Ո՞ւր էր ինքը եւ ո՞ւր իջաւ... Կ'ուզէր արտասուել, բայց չկար այդ գովացուցիչ արցունքը, մինչդեռ կուրծքն ուռած էր, այրում էր, եւ նա անելի եւ անելի մօտ էր սեղմում օրօրուող սեանը, տրոհում էր կուրծքը՝ ներսի բոցը մարելու համար... Ի գո՛ւր:

Երկար նա գալարում էր վիրաւոր օձի պէս խաւարի եւ միայնութեան մէջ: Յանկարծ նա թո-

ապա խռպոտ ձայնով հեկեկաց ծերի սպանիչ արցունքով. տանտրիկինը սարսափած՝ իր փոքրիկին գրկեց, կարծես մի մութ վտանգից ազատելու համար եւ նոյնպէս հեծկտաց: Երկու հրացան բերինք, խաջածել դրինք նահատակի կրծքին եւ գլուխներս բանալով ծունկ չոքեցինք նուիրական դիակի առաջ: Ճրագի լոյսը պլալում էր մեղմիւ, մեր ստուերները խաղում էին մեռելի շուրջը ոգիների պէս, եւ մենք կատարում էինք հսկումներից վեհագոյնը:

Յանկարծ ծերունին ոտքի կանգնեց իր չորացած հասակի ամբողջ բարձրութեամբ, կարծես երկնքին աւելի մօտ լինելու համար, արիւնոտ ձեռքերը տարածեց դէպի վեր, դողդոջուն ձայնով բացականչեց.

- Տէ՛ր, տէ՛ր, քո գաւակի արիւնը համարիր... Փրկութեան արիւն... տե՛ս, ինչ մաքուր է, ի՛նչ կարմիր...

Մեր միահամուռ եւ ուժգին հեծկտոցը խլացրեց ծերունու ձայնը, նա ծնկների վրայ ընկաւ նորէն դիակի առաջ: Նոյն վայրկեանին դրսում նոր հրացաններ որոտացին, մենք շրջապատուած էինք: Չէնքերնիս խլեցինք եւ դուրս ընկանք խաւարի մէջ:

Բոլոր Վագրիկների անբիծ արեան սիրուն՝ կռիւ էր պետք:

Եւ կռիւն սկսուեց...

ՀԱՉՐԵՆ

Նուէր Անդրանիկին

Լեռների աղջիկն էր նա, մի ցուրտ ու խառար գիշեր ժայռոտ ու մռայլ այրերից ծնուած: Կանացի ու գրաւիչ ոչինչ չունէր իր արտաքինի մէջ եւ միայն զգեստն էր մատնում նրա սեռը: Ձմեռը՝ ցրտից եւ ամառը՝ արեւից այրուած դէմքը - բրօնզից ձուլուած մի դէմք - թէւ սաստիկ արտայայտիչ էր, բայց անհամբոյր ու խիստ: Սուր քիթը, իրար խառնուած սեւ յօնքերը, գիշատիչ թռչնի անհանգիստ ու կոլոր աչքերը, որոնց վրայ արագ-արագ իջնում էին նօսր թերթերունքները՝ երբ Հազրէն զայրացած էր կամ յուզուած, նրա ուժեղ ու դուրս ցցուած ծնօտը, նոյնպէս շատ հեռու էին կանացիութիւնից եւ միայն վկայում էին նրա անյողդողդ, անդդուելի հոգին - ժե՛ռ քարերի հոգին...

Երկար ու ջլուտ սրունքների վրայ ցցուած նրա ոսկրոտ իրանը ասես երկաթից ցուլուած լինէր միապաղաղ ու հարթ: Նեղ ու տափակ կուրծքը մայրութեան նշոյլ չունէր. երեւի այդ էր պատճա-

ո՞ր, որ բնութիւնը զգուշացել էր երեխայ կախել
 նրա չոր ստիկներից, սերունդ հաւատալ նրա
 կանացիութեանը:

Հազրէն անզաւակ էր, ժայռերի մէջ դուրս
 ցցուած մենակ ու անպտուղ ծառն էր նա:

Եւ նրա քայլուածքը... ինչպէս չորացած ծառը
 տեղահան լինի թափ ամռանի ու շարժուի: Երկար ու
 բարակ բազուկները ձգած յետեւը գլուխը բարձր՝
 աչքերը միշտ հեռուն՝ մէկին սպասողի դիրքով,
 նա յիշեցնում էր Ֆռֆռջարի վայրի ոչխար, որ
 հսկում է արածող հօտի վրայ: Այդ ամբողջ շուտ
 կազմուածքը բոլորովին զուրկ էր կանացի այն
 ալիքածէւ, օրօրուն շարժումներից, որոնք բնորո-
 շում ու հմայք են տալիս բեղուն մայրութեանը:

Ինչո՞վ էր նա գրաւում տղամարդկանց, յայտ-
 նի չէ, բայց երեք անգամ ամուսնացել էր եւ երեք
 անգամ այրիացել, առանց երբեք «ծնունդ նստե-
 լու»: Գիւղում կատակով ասում էին՝ «պետք է ժա-
 մում մոմ կպցնել, որ Հազրէն բնաւ երեխայ չունե-
 նայ, թէ չէ, ո՞վ գիտէ նրանից ի՞նչ «ջանաձար» կը
 ծնուի»:

Եւ Հազրէն չծնեց, մայր չեղաւ, մնաց սոսկ
 «Հազրէ բաջի» մէկի հետ հազիւ մի տարի ապ-
 րեց: Ասում էին, թէ Հազրէն չորրորդ անգամ սի-
 րով կ'երթար Աւետարանի տակ, բայց էլ ցանկա-
 ցող չկար, որովհետեւ նրա ամուսնական անկող-
 նից մինչեւ գերեզման շատ մօտ էր երեւում տղա-
 մարդկանց:

«Հազրէ բաջի», թէ «Գլխակեր Հազրէ» ըստ

Երեւոյթին միեւնոյն էր նրա համար. կատակներին պատասխանում էր աւելի կծու կատակով ու անցնում: Բայց մինչեւ վերջը Գոմեր գիւղում ոչ ոք չիմացաւ, որ այդ խստատեսիլ կնոջ ուժեղ հոգին գուտ կանացի քնքշութիւններ ունի, որ նրա սրտում լուռ լալիս է ամուլ, յուսախաբ մայրութիւնը, երեք անգամ գերեզմանի վրայ ծունկ չոքած մայրութիւնը:

- Հողս ձեր գլխին, գեղի զըմմէն ճըժեր իմը չե՞ն, ասում էր նա իր ամուլութիւնը հեզնող կանանց, եւ նրա խօսքի մէջ լսում էր վիրաւոր մայրական սրտի բոլոր թախիժն ու դառնութիւնը: Ասում էր, բայց դէպի փոքրիկ «ճըժերն» անտարբեր էր, սիրում էր միայն ընտիր-ընտիր հերոսներին, մի Սերոբ մի Մուրադ եւ վերջին օրերում երազում էր Անդրանիկին, որին տակաւին չէր տեսել:

Հագրէն մայր չդարձաւ, անգաւակ պառաւեց, բայց բոլոր մայրերից աւելի հռչակ ուներ ո՛չ միայն Գոմեր գիւղում, այլ եւ ամբողջ Սասունում: Եւ այն ոչ այն պատճառով, որ Հագրէն երեք մարդ էր առել եւ առնական ձեւեր ուներ, այլ որովհետեւ Սասունի ռազմիկ, ալեծուսի կեանքին միշտ մասնակցում էր տղամարդի պէս: Եւ այդ կեանքը նրա համար ընդունել էր երեք վերին աստիճանի պարզ եւ ըմբռնելի օրէնքների կերպարանք այսպէս, նա գիտեր, որ Սասունը միշտ պետք է կռուի, երբ թիւրք եւ քիւրդ հրոսակներ ոտք կոխեն նրա սահմանները, որովհետեւ Ծիրանակատարը, Շն-

կուզնակն ու Ֆռֆռ քարը հարամիների տեղ չեն. երկրորդ՝ կռուելիս պետք է շտապով լեռը քաշուել եւ երրորդ՝ միշտ պետք է յետեւից գիւղերը կրակ տալ, որ թշնամին ապաստան ու պաշար չգտնի:

Եւ Հագրեն կռիւների ժամանակ միշտ ինքն էր կրակ տալիս Գոմեր գիւղը, սկսելով իր սեփական խրճթից: Այս էր պատճառը՝ որ նա փոխանակ ասելու, թէ Սասունի վրայ չորս անգամ արշաւանք է եղել, հպարտութեամբ բացականչում էր.

- Ես ա ձեռներովս չորս խետ վառեր եմ Գոմերը: Զերոսական ու չարաբաստիկ 95 թուին ՌԵՍ Գրգոյի հետ էր նստել վեր կացել, ասում էր ինքը, իսկ Մուշում սասունցի ուրիշ կանանց հետ թիւրք ոստիկանների գլխին առաջին քարը նա էր նետել, այդ փաստ էր:

Յը՛, Հագրե, էդ չորացած ձեռներով մէկ էլ ե՞րբ պետք է վառես գեղը, հարցնում էին յաճախ կանայք կատակով:

Հագրեն լուրջ կերպարանք էր ընդունում, ձեռքը մեկնում դեպի սարերը:

- Այ, էն սարերի ասլանը երբ ցած գայ եւ նշան անի, կը վառեմ:

«Սարերի ասլանը» Անդրանիկն էր, որ քանի տարիներից ի վեր Սասնոյ սարերում, Սասնոյ ծոերի հետ հսկում էր ժայռերի վրայ թառած ժողովրդին:

- Անդրանիկին տեսե՞լ ես.

Պատասխանի փոխարեն Հագրեն թափով յետ էր ձգում գլուխը, լեզուն բերնի մէջ չփիւացնում

ասելու համար թե չի տեսել:

- Երբ պետք է լինի գոմերը վառել, ևս կ'երեւայ, եւ երբ երեւայ, կը տեսնեմ իր տղային ջանի՜ն մատաղ աւելացնում էր ևս:

- Սեւը տանի քեզ, գլխակեր Յազրէ, էդ էր պակաս:

- Սեւը դուշմանին տանի, ես ամիսոս չե՞մ. մէկ Սասուն, մէկ Անդրանիկ, մէկ էլ... Յա՛զրէ: Վերջին խօսքին վրայ կանայք հռհռում էին, եւ Յազրէն հեռանում էր հաստատ ուղղածի՞ց քայլուածքով:

Եւ մի օր Սարերի Ասլանը ցած իջաւ իր ծռերով...

Սասունը վտանգի մէջ էր, Գոմերը պետք էր թողնել: Գիւղը դատարկում էր եւ քաշում լեռն ի վեր:

Անտրտունջ ու համր ինչպէս ուխտուածներ՝ այդ երկաթե ժողովուրդը, թողնում էր իր տունն ու տեղը, վերցնում էր իր ունեցածից ինչ կարող էր, եւ ձմրան վերջին կատաղի հողմերի շնչի տակ, ձիւների միջից, սառուց կտրած առապարները չանգռելով՝ եւ լուծւում ժայռերի ու ամպերի հետ: Խմբապետի հետ միասին գիւղից վեր դիրք բռնած զինուած տղամարդիկ՝ պահ ու մռայլ ճակատներով, խոժոռ յօնքերի տակից ևայլում էին, թէ ինչպէս իրանց ծեր հայրերը, կանայք ու երեխաները անխռով ու հաստատ քայլերով անցնում են առաջներից: Ոչ ոք պետք չէր համարում քաջալերական մի խօսք ուղղել խուսափող բազմութեանը, ոչ ոք խորհուրդ չէր տալիս, թէ ո՛ր

գնալ եւ ի՞նչպէս. ամեն մէկն իր գործը գիտեր, անթիւ տարիներից ի վեր կռուի մշակուած ձեւ եր այդ - կին ու երեխաներ ծերերի հետ դէպի անմատչելի կատարները, իսկ կռուող մասը՝ հրացանը ձեռքերին քարերի յետեւում՝ պատրաստ՝ թշնամու հանդիպելու: Միայն մի անգամ խբի կենտրոնում կանգնած գունատ ու խստադէմ տղամարդը գլուխը բարձրացրեց հրացանի վրայից, եւ ասաց երկու բառ:

- Անցէ՛ք շուտով:

Անդրանի՛կն եր...

Եւ ո՛չ մի տրտունջ ծերերի շրթունքներից, որոնք գուցէ վերջին անգամն էին թողնում հինաւորց օջախը, որի հետ կապուած էին այնքան յիշողութիւններ. եւ ո՛չ մի կաթիլ արցունք կանանց աչքերից, որոնք այնքան տարիների տնտեսութիւնը ձգում էին թշնամուն եւ նրա հետ միասին գուցէ, եւ իրանց ամուսինների եւ եղբայրների կեանքը. անգամ փոքրիկները ո՛չ մի ճիչ չէին արձակում, նրանք մրսում էին, կպել էին մայրերի փէշերին եւ դողդողալով քաշւում էին դէպի լեռների ձիւնոտ կատարները եզնիկների ձագերի պէս:

Լուռ էին, եւ այդ սքանչելի լուութիւնը ծայրագոյն վտանգի ժամանակ՝ հայարտ ու խորհրդաւոր արհամարհանքն էր, որ լեռների այս քաջերի զաւակները շարտում էին բռնութեան ճակատին: Թափորն այն աստիճան լուրջ էր, եւ դէմքերն այնքան երկիւղած, որ կարծես նրանք ուխտի էին գնում ազատութեան ոգուն, որ թառել էր ան-

մատչելի կատարներին:

Դեպի վե՛ր, դեպի վե՛ր... արծիւները...

Սառած ծիւնը՝ չոր ու անախորժ ճոճոցով փշուում էր նրանց ոտների տակ, տեղ-տեղ սայթաքում էին նրանք, կռանում, փայտո՛վ կամ ուրագով սառցի մեջ շաւիղ ճեղքում: Քամին անելի եւ անելի խիստ էր փչում, ծիւնի չոր հատիկները շփում երեսներին. նրանք կապում էին, շրթունքները կրծոտնում չտնքալու համար. եւ դարձեալ բարձրանում:

Դեպի վե՛ր, միշտ դեպի վե՛ր...

Մի անգամ միայն յետ նայեցին, երբ ծխի պտոյտները բարձրացան գիւղի վրայ. բոլոր խրճիթները վառում էին, դարձեալ ո՛չ մի տրտունջ, ո՛չ մի բողոք, միայն մի մեղմ շշուկ անցա՛ւ շարքերի մեջ.

- Հագրեն է, շշնչացին ու լռեցին. էլ ո՛չ մի անելորդ խօսք չեկաւ խզելու, արատաւորելու այն քար լռութիւնը, որ նրանց ազատ կամքի ու սրտի գոռոզ արտայայտութիւնն էր:

Եւ հեռուն գիւղը շարունակում էր վառուել ծխրտալով, եւ բոցերը լափում էին այնքան աշխատանք, այնքան տարիների արիւն քրտինքի արդիւնքը: Մերթ ընդ մերթ քամու ուժգին հոսանքը ցրում էր ծուխը, այն ժամանակ երեւում էր գիւղում մի կանացի կերպարանք, սեւ ու կատաղի, ինչպէս չար ոգի, որ բոցավառուած մի լաթով վազում էր մի տնից միւսը, մի փողոցից միւսը եւ ուր նա յայտնւում էր, հրդեհը նրա յետեւից վա-

զում էր, ինչպես հրեղեն վիշապ: Չարիուրելի էր Հագրեն. տասն անգամ նա կորաւ բոցերի մէջ, կարծես հրդեհը լափեց նրա չորացած մարմինը, եւ տասն անգամ էլի յայտնուեց, միշտ վազելով, միշտ կրակ տալով այս ու այն տունը:

Գիւղից վեր՝ աներակ գոմերի պատերի յետեւում շարուած, զինուած խումբը նոյնպէս լուռ էր: Հրացանները պինդ սեղմած ձեռքերի մէջ՝ այդ մռայլ խումբը սպասում էր գլխաւորի հրամանին, որ գլխարկը յետ ձգած՝ ճակատը սառն հովի դէմ, մերթ սուր աչքերով, մերթ դիտակով պրպտում էր հեռուն:

- Պառաւին կը գարնեն, մոմռաց նա կամացուկ. խումբը նայում էր եւ լուռ էր:

Արդարեւ, գիւղից անելի հեռու, հարթավայրերի վրայից դէպի վեր էր խաղում մի սեւ, ահագին զանգուած, որ հեղեղի պէս լայնանում էր, փռում, գալարում եւ նեղանում միշտ առաջանալով սպառնալի կերպով: Թիրքական բանակն էր այն եւ քիւրդական բազմաթիւ հրոսակներ, հազարների արիւնարբու մի խուժան, որ առաջանում էր դէպի Գոմեր, դէպի Սասուն, աներուածն ու արիւնը ոտներին կապած: Եւ ո՛չ մի ցնցում գիւղի վերելում թառած կտրիճների շարքի մէջ, միայն յօնքերնին անելի խոժոռուեցին ու վար իջան, եւ աչքերի բիբերը նեղացան անելի լաւ որոշելու համար թշնամու շարժումները:

- Ձեն տուր, աղա, հրամայեց գլխաւորը կողքին կանգնած ընկերոջը, պառաւին կը գարնեն, մեղք է. թող փախչի, բաւական է:

Եւ մի հայդուկ ահագնադղորդ կանչեց.

- Հագրէ, Հագրէ Է... Եւ ձորերը թնդացին Է... Է... Է...

- Հէյ հօ՛ւ, եղաւ պատասխանը եւ գիւղի ծխերի ու բոցերի միջից դուրս թռաւ նա, այն զարհուրելի պառաւը, սեւ, խանձուած, ու այլանդակ, դուրս թռաւ ու սկսեց վազել լեռն ի վեր դէպի խումբը:

Նա արդէն մօտ էր. ահա կանգ առաւ, երեւի, մի վայրկեան շունչ առնելու համար, յետ դարձաւ, հպարտութեամբ ու իրճուանքով նայում էր իր աներիչ գործի բոսորային գեղեցկութեանը, ապա փոխանակ շարունակելու վերելքը, նա յանկարծ գլխին տուեց երկու ձեռքով եւ կրկին վազեց դէպի վար, դէպի հրդեհուող գիւղը:

- Հագրէ, Հագրէ Է... կանչեց նոյն ձայնը:

- Իրիցու տուն մնաց, եղաւ պառաւի պատասխանը. քիչ յետոյ նա կրկին կորաւ բոցերի ու ծխի մէջ եւ ապա գիւղի եզրին մենակ ցցուած սպիտակ տունը բռնկուեց: Տերտերի տունն էր այն:

Խմբապետը գլուխն օրօրեց եւ նրա խիստ դժմքի վրայ մի ժպիտ խաղաց. այսպէս են փայլում ձմերային արեւի գունատ շողերը սառած ձեան վրայ:

- Պառաւին անպատճառ կը զարնեն, մոմռաց նա դժկամութեամբ եւ վերստին դիտակն աչքերին դրեց:

Թշնամին մօտ էր, նրա ծայրը հասաւ ու մխուեց գիւղի մէջ ու կանգ առաւ. իսկոյն յետոյ հրացանների միահամուռ որոտը խառնուեց բո-

ցերի մռնչիւնին:

Վերելից չպատասխանեցին, ծուխը փակել էր նրան հայեացքի առաջը. պարանոցներն առաջ ձգած եւ հրացանների փողերը դեպի թշնամին, նրանք լուռ նայում էին կնճռոտ ճակատների տակից:

Հազրեն մոռացուեց. նա կորաւ բոցերի գնդակների տակ:

Թշնամին մի փոքր վարանումից յետոյ շրջան գործեց եւ նրա մի թելը յայտնուեց գիւղի աջ կողմից.

«Կրա՛կ» որոտաց գլխաւորի խիստ ու խորխտ ձայնը: Հայդուկների հրացանները միաժամանակ չխկչխկացին, միահամուռ որոտը դնդաց լեռներում, թշնամու ճակատն իրար անցաւ եւ ընկրկուեց դեպի յետ:

«Կրա՛կ անընդհատ», վերստին լսուեց հրամանը. էլ դադար չկար. կատաղի կռիւ էր:

Գիւղի ծխերի ու բոցերի շուրջը գնդակները սուլում էին, հազարաւոր բանակը ատամները կրճտելով գլուխ էր հանում մերթ ձախ, մերթ աջ ինչպէս շշկած վիշապ եւ ամեն անգամ վերի փոքրաթիւ խմբի գնդակների տակ յետ քշում:

- Հէ՛յ, հօօ՛, գարկեք ձեզ մատաղ, սուրբ Ախպերիկը ձեզ քեմագ, ջա՛ն, ջա՛ն:

Հազրեն էր... կռուողների թիկունքում:

Ե՞րբ եկաւ, ի՞նչպէս ազատուեց այս անօրինակ պառաւը, ոչ ոք չգիտէր, եւ մտածելու ժամանակ էլ չունէր:

- Կրակ, որոտում էր խմբապետը եւ լեռները դրնդում էին ուր մուր արձագանգներով:

- Ջա՛ն, ջա՛ն Անդրանիկ, կրկնում էր պառաւը զարկերի հետ, վազվզում էր դիրքերի վրայ, նայում էր ճանաչելու համար, թէ ո՞րն է Սարերի Ասլանը- «Իր տղան», բայց գտնել չէր կարողանում եւ կռուող կտրիճներից հարցնելու էլ սիրտ չէր անում: Նա լաւ լսում էր խմբի միջից բարձրացող այն հպարտ ձայնը, որ «կրակ» էր հրամայում, բայց չէր կարողանում իմանալ, ո՞րն է խմբապետը. բոլորը հայդուկներ էին, բոլորը կռուում էին հաւասար կատաղութեամբ:

- Վո՛ւյ քռնայ Յազրէն, բացականչեց նա յանկարծ, դօշո բաց է, դօշիդ մատաղ. եւ նա մի ահագին քար գրկեց ու տնգալով տարաւ տեղաւորելու կռուողներից մէկի առաջը, ուր պատը ցածր էր: Կռացաւ բայց յանկարծ քարը ցած թողեց, յետ-յետ գնաց, ընկաւ թիկունքին իր երկար հասակով, ձեռքերը տարածեց ու մնաց անշարժ:

- Յազրէ՛... Գնդակը թափ էր անցել կրծքից:

Նրա աչքերը շաղուեցին, եւ վտիտ մարմինը ձգձգուեց ու աւելի երկարացաւ: Նա, որի կուրծքն էր ուզում պատսպարել Յազրէն, կռացաւ, քնքշութեամբ բռնեց պառաւի գլուխը եւ իր ծնկանը դրեց.

- Յազրէ՛...

«Ձո՛ւր»... Նրան ջուր տուին: Պառաւն աչքերը կիսաբաց, ձեռները տարածեց եւ մէկին փնտռում էր:

- Ի՛նչ կ'ուզես Յազրէ:

- Սարերի... Ասլանին... Անդրա... լլա'օ...

Նա չէր իմանում, որ իր գլուխը գրկողը հենց Սարերի Ասլանն է, եւ ինքն առանց ճանաչելու, նրա կրծքի առաջ էր քար դնում, նրան էր գոհ գնացել. «Ե՛ս եմ» հազիւ մրմնջաց յուզուած տղամարդը. հերոսի աչքերը թացացան, նա աւելի կռացաւ պառաւի վրայ եւ որդու պէս համբուրեց նրա սառն ճակատը:

Հագրեի բազուկները յետին թափով փարեցին նրա պարանոցով եւ նա հազիւ մրմնջաց.

- Ես էլ...մատաղ... Անդրան... Սարերի Ասլան-Լա'օ... իմ լա'օ...

Եւ երջանիկ ժպիտը սառեց նրա գունատ շրթունքներին:

Հագրեն մեռաւ՝ գիւղը դեռ վառւում էր. թշնամին այդ օրը յետ մղուեց ահագին կորուստներով, իսկ համր կարաւանը ձիւների ու սառուեցների միջից շարունակում էր քաշուել դէպի վե՛ր, դէպի վե՛ր... արծիւները...

1905 թ.

ԼՈՒՍԱԲԱՑԻՆ

Խումբն իջնում էր ձիւնապատ լեռնալանջից դանդաղ ու զգոյշ:

Նրանք քայլել էին ամբողջ գիշեր:

Լուսաբաց էր եւ դեռ քայլում էին:

Արեւի առաջին շողերը դալուկ ու խեղճ՝ խաղում էին ճերմակ լեռնակատարների վրայ վախլուկ, անհամարձակ ձեւով: Իսկ մռայլ ձորում ձիւնի հաստ սաւանը դեռ կապտին էր տալիս ստոււէրի տակ:

Թում էր, թէ ճամբորդների պէս այն անհամբոյր բնութիւնն էլ անքուն էր անցրել գիշերը խիստ ցրտի տակ, դողացել էր ու տանջուել:

Եւ այժմ նայում էր արեւին առանց հաճոյքի, առանց վաղորդեան յօրանջի, որպէս քարացած սֆինքս:

Անտարքեր էին դեպի շրջակայքը նաեւ յոգնած ու մրսած ճամբորդները:

Միայն երբ լերան վերնագոյն մասերից նրանց ոտքերի դորդիւնով ձիւնի մը շեղջ էր պոկւում ու ցած հոսում, նրանք կանգ էին առնում մի վայրկեան, եւ վերեւ նայում: Ձիւնահիւսը վար էր գլոր-

լում փոշու ամպեր բարձրացնելով, անցնում էր նրանց առաջից եւ գնում էր ցրիւ գալու ձորի մէջ:

Խումբը շարունակում էր քայլել:

Երբեմն էլ խմբապետն էր կանգ առնում յանկարծ, դիտակն աչքին էր դնում, նայում էր դէպի ձորը, դէպի հորիզոնը եւ գլուխը քաշ գցած առաջ էր գնում:

Ձիւնոտ արահետը գալարում էր այլանդակ ժայռերի եւ հեղեղատների միջով՝ մերթ ծածկում մերթ յայտնւում էր խուսափող օձի պէս: Եւ նրանք՝ այն ճամբորդները, իրար յետեւից քայլում էին նոյնպէս լուռ, նոյնպէս մռայլ, որպէս իրենց գլխաւորը:

- Դօ, հօ, վալլահ իմ որսն եկաւ, յանկարծ բացականչեց հայդուկներից մէկը, որ կաղալով քայլում էր խմբի վերջից:

- Սո՛ւս, Խա՛ջօ, կամա՛ց, սաստեց խմբապետը, եւ դիտակը կրկին դրեց աչքերին, ուղղեց դէպի ձորակի խորքը: Այնտեղ մի անորոշ բան սեւին էր տալիս:

Ամենքը կանգ առան:

- Խաջօ՛, գիտես այն ինչ է, սասաց խմբապետը յետ նայելով:

- Ի՞նչ է, քեզ մատաղ:

- Քեզ նման մի կենդանի, մի ահագին գէլ որ քեզանից լաւ է, վիրաւոր չէ:

- Դը՛, տերը մեռնի գիլուն, ես կարծեցի քիւրդ էր, բացականչեց Խաջոն դժկամութեամբ. գարկե՛մ:

- So, անխեղք, մոռացա՞ր որ մենք շտապում ենք մեր հետքը ծածկել:

Խաչոն լռեց կրկին հրացանի վրայ յենուելով, սկսեց քայլել խմբի յետեւից:

Թշնամու գնդակը թափ էր անցել նրա աջ ոտքի սրունքի մսից. վերքը վտանգաւոր էր կապուած էր, բայց նա դժուարանում էր քայլել առանց հրացանին յենուելու:

Նախընթաց երեկոյ կռիւը տաք էր ու յամառ: Խումբն ահագին զոհեր էր տուել: Յեռո՛ւ, անիծուած ու արինտ ձորերում էին նրանք՝ այն ընկերները, որոնք ազատութիւնը փնտռեցին, հպարտ լեռնակատարների հետ այրեր կիսեցին ամբողջ տարիներ:

Եւ յետոյ ընկան նրանք՝ այլեւս երբեք վեր չբարձրանալու համար: Այժմ ընկերները խոյս էին տալիս նզովուած ձորերից, կրծքերի մէջ մի ահագին կսկից եւ սրտերում բոց վրեժի սեւ զգացմունքը:

Բոլորի ճակատները մռայլ էին, բոլորի հոգիները փոթորկուած եւ սրտերի մէկ ցաւն էր մխում ահագին ու կիզիչ:

Նրանք այնպէս էին տառապել:

Խմբի մէջ միակ վիրաւորը Խաչոն էր, փոքրահասակ, վտիտ մարմնով, բայց ջլուտ կենսութախ երիտասարդը որ ամենածանր պարագաներում անգամ մի զուարճալի խօսք էր գտնում ընկերների թախիծը վանելու համար:

Գնդակների տարափի տակ՝ նա միշտ շարու-

Ես կանգնեմ քեզ հարևանս
 Երբ քեզ հարևանս կանգնեմ

Յէ, հէ, հէ, հօ, հօ, հօ,
 Եղսօ՛ ցան,
 «Եղսոն նստէ կով կը կթէ»...

Մնացածը սա չգիտեր, եւ այսքանով բոլորովին գոհ էր:

Եւ երբ մի մոլորուած գնդակ շեշտակի գալիս էր նրա առջեւի ժայռը փշրելու ահագին շրիկոցով, Խաչոն դարձեալ չէր մոռանում իր կատակները եւ բոլոր ուժով գոռում էր թշնամուն.

- Յը՛, ես ձեր քեռն այքը... մի քիչ վեր բռնեցէք վեր. գնդակն ափսոս է, էյ կռի՛ւ մուռտառողներ:

Եւ Խաչոն անվնաս մնաց:

Բայց քանի՛սն ընկան վերջին անհրաւ կռուի մէջ այն արիւնտոտ ձորերու: Եւ ամէն մէկը իր հետ տարաւ Խաչոյի մի ժպիտը, մի կատակը, կեանքի եւ եռանդի մի մասը:

Խաչոն լռեց:

Նա միայն կռուում էր ատամները իրար վրայ սղմած, աչքերն արիւնտոտ, դէմքը գունատ, յօնքերը կիտած:

Եւ ամէն անգամ, երբ ընկերներից մէկն ու մէկը նրա կողքին տնքում էր ու խորտակում կաղնու պէս, Խաչոն արեւի պիտոյ էր սղմում հրացանը ձեռքի մէջ, աչքերն արեւի էին խոժոռում եւ յօնքերն արեւի կախում:

Կռիւն անհաւասար էր. թշնամին ժամ ան ժամ գօրանում էր եւ սպառնալի դառնում. դիրքերը վտանգւում էին: Խմբապետը նահանջի հրաման տուեց: Պետք էր խոյս տալ եւ գիշերուայ վրայ հասնող խաւարից օգտուելով, հետքը կորցնել խոտոր ճամբաներով:

Հազիւ տեղից շարժուել էին, երբ վերջին գնդակը սուլւելով եկաւ եւ հաչոյի ոտքից թափ անցաւ:

- Հայ՛, ես բարի ճանապարհն էր, ասաց վիրաւորը, ոտքը բռնեց ու նստեց:

- Խաչօ՛, գոչեց խմբապետը խնամոտ ձայնով:

- Ոչինչ, պատասխանեց Խաչոն, եւ վարտիկը պատռելով շտապ-շտապ կապեց վերքն ընկերների օգնութեամբ:

- Կարո՞ղ ես քայլել:

- Որտեղ մնամ, այնտեղ ձգեք գէլերին:

Եւ ամբողջ գիշերը, ցրտի տակ ձիւների միջից նա քայլում էր կաղալով, հրացանին յենուած, առանց տնքալու, առանց տրտնջալու:

Քայլում էր եւ լուր էր:

Լուսաբացին նրա ձայնը վերստին լսուեց: Նա սկսեց կամացուկ սուլել:

Մերթ լսում էր նրա հրացանի կոթի խշշոցը ձեան վրայ, մերթ ընդհատ-ընդհատ սուլոցը:

Միաժամանակ նա աչք էր ածում չորս կողմը, հորիզոնի բոլոր ծայրերը պրպտում էր սրատես հայեացքով:

Եւ նրա բաղդից տեսածը միշտ կամ մացառ էր,

կամ փախչող գազան եւ կամ այծեամ:

Խումբն իջնում էր հա իջնում եւ Խաչոն յետեւից քայլում էր սուլելով ու կաղալով:

Արեւն արդէն բարձրացաւ եւ նրա շողերը խաղում էին հանդիպակաց բլրի ձիւնապատ լանջի վրայ, անդրադառնում, երկբեկում էին ու ցուքեր արձակում:

- Վալլահ եկաւ. վերստին լսուեց Խաչոյի ձայնը. եւ նա կանգ առաւ ու հրացանը պատրաստեց:

Խմբապետը դիտակով նայեց. Խաչոյի սրատես աչքերը չէին սխալում. արդարեւ դիմացի բլրից հանդարտ իջնում էր մի մարդ, ըստ երեւոյթին մի քիւրդ:

- Խմբապետ գարկե՞մ, կրկին ձայն տուեց Խաչոն:

- Սպասիր մօտենայ, տեսնեսք ո՞վ է:

- Ո՞վ պիտի լինի, չե՞ս տեսնում գլխի քօլոզը, նրանցից է, կամ թալանից է գալիս կամ գնում է թալանի, դրանց հոգի չկայ...

- Խաչօ, ամէն քօլոզաւոր թշնամի չի՛, խիստ կերպով ընդհատեց խմբապետը:

Մինչ այդ մենակ ճամբորդը անխռով իջնում էր արեւի շողերով ողողուած՝ եւ երեւի այդ էր պատճառը, որ չէր նկատում հակառակ կողմից եկողներին:

Արդէն շատ մօտ էր, երբ յանկարծ, գլուխը բարձրացրեց, մտահոգութեամբ կանգ առաւ հակառակ կողմը, ու քարացաւ իր տեղում: Այդ տե-

Լեց սակայն մի քանի վայրկեան, ապա նա հաստատ քայլերով ու համարձակ առաջացաւ դէպի անծանօթները:

Մի փոքր յետոյ գինուած խումբը եւ մենակ ճամբորդը դէմ առ դէմ կանգնեցին:

Նա բարեւ տուեց. խմբապետը պատասխանեց:

Կտրիճ արտաքինով, գեղատեսիլ մի քիւրդ էր, լեռնային մի հոյակապ գագան, մէկը բնութեան այն գաւակներից, որոնք կարծես սեփական քմահաճոյքով ժայռերի ծոցից են ծնուում եւ իրենց հետ բերում ժեռ մայրերի գոռոզ հմայքը:

Նա բարձրահասակ էր, արծուաքիթ, հայեացքը դժնեայ եւ պարանոցը բարձր, ինչպէս լինում է լեռնականներինը:

Մագոտ եւ ուժեղ կուրծքը բաց ձգած վաղորդեան ցրտի դէմ, ահագին թաթերով յենուած իր հրացանի փողին, նա հանդարտ նայում էր անծանօթներին հպարտ ու անխռով: Կուռ կազմուածքով եւ երկաթի պէս թուխ այդ մարդն ամբողջապէս կեանք էր եւ ուժ:

Խմբապետը հիացմունքի հետ խառն զարմանքով էր դիտում այս վայրի լեռնականին, եւ ըստ երեւոյթին վայելում էր նրա առնական գեղեցկութեան հաճոյքը:

Ամէնքը լուռ էին ու անշարժ. խաչոն էլ դադարեց սուլելուց եւ առաջանալով պտոյտ էր գործում քրդի շուրջը կարծես նրան ամեն կողմից լաւ գննելու համար:

- Ո՞ր ես գնում քիւրդ, հարցրեց վերջապէս խմբապետը:

- Թէ Աստուած յաջողի ձեր սայալից գնում եմ Սեւ Սարերը:

Սեւ Սարե՛րը... խմբապետը վայրկենապէս գունատուեց, կանգնած տեղում անհանգիստ շարժում գործեց մի ոտքից միւսի վրայ յետուելով, ապա գլուխը քաշ ձգեց, աչքերը յառեց մի կետի եւ խոր մտածմունքի մէջ ընդկմուեց:

- Փոթորիկ կայ, կամացուկ փսփսաց Խաչոն մօտիկ կանգնած ընկերոջը, տեսնելով խմբապետի կնճռած ճակատը եւ խոժոռ յօնքերը:

Սեւ Սարե՛ր...

Այնտեղ՝ այն դումանոտ սարերումն էին կռում երեկ, այնտեղ ընկան այնքան ընկերներ, այնտեղ մնացին թշնամիները: Եւ այս քիւրդը գնում է հեկց այնտեղ. գնում է եւ իր հետ կը տանի խուսափող խմբի թագստեան գաղտնիքը, նա բաց կ'անի այն ճանապարհը, որով անցել են սարսափելի գիշերին, նա խմբի յետելից կ'ուղարկի թշնամիներին, ինչպէս որսկան շներ: Եւ ինչպէս վստահիլ նոյնիսկ, որ թշնամիներն արդէն չեն հետեւում, արդէն չեն պրպտում շրջակայքը:

Ի՞նչ անել. ի՞նչպէս դուրս գալ դժուարին կացութիւնից:

Թէ քիւրդը կենդանի մնար, իրենք մատնուած էին.՝ բայց ի՞նչպէս ձեռք բարձրացնել այսքան հոյակապ կեանքի գրայ, որին ո՛չ թէ թշամութիւնը, այլ մի անիրաւ, մի ճակատագրական դիպուած է

հանել նրանց այս արիւնտոտ ճանապարհին:

Խեղդող առեղծուած էր:

Խմբապետը տանջւում էր ներքուստ. ընկերները լռութեամբ նայում էին, առանց բան հասկանալու, իսկ Խաչոն անհամբերութեան նշաններ էր ցոյց տալիս:

Քիւրդն սպասում էր:

- Ինչո՞ւ ես գնում Սեւ Սարերը ես ձիւն ձմրանը:

Քիւրդը ժպտաց եւ նրա հայեացքը անուշացաւ.

- Գնում եմ մերոնց մօտ, նշանուած եմ, դուք էլ ջահիլ էք, գիտէք էլի:

Վերստին լռութիւն տիրեց. արեւն սկսեց խաղալ քիւրդի դէմքի վրայ, խմբապետը գլուխը բարձրացրեց, նայեց նրան, եւ իսկոյն աչքերը կախեց վար. նա կարծես ամաչում էր այն մտքից, որ իր գլխով անցաւ:

Նրա առաջ կանգնած էր մի բոլորովին անմեղ մարդ. երիտասարդ, լի յոյսերով, որ գնում էր տեսնելու իր նշանածին այս ձիւն ձմրանը:

Դիպուածը զարհուրելի էր եւ առեղծուածն ահաւոր: Իր բոլոր կռիւների մէջ, բոլոր վտանգների ժամանակ նրա ուղեղը չէր տանջել մի այսքան ծանր, այսքան հոգեմաշ խնդիր:

Նա նորից վերել նայեց. քիւրդի դէմքի վրայ դեռ խաղում էր քիչ առաջուայ ժպիտը եւ հայեացքը դեռ մեղմ էր: Խմբապետը գլուխը դարձեալ քաշ ձգեց, դարձեալ նոյն անիծուած միտքը, ինչպէս փակուած դուռը յամառ կերպով ծեծող մի

երկաթ բռունցք, ներսից սղմեց նրա գանգը: Նա ձեռքը տարաւ դէպի ճակատը, մի անգամ շփեց կարծես անախորժ միտքը վանելու համար:

- Չնում ես Սեւ Սարե՛րը... կրկնեց խմբապետն առանց գլուխը բարձրացնելու եւ միշտ աչքերը մի կետի յառած. զնում ես Սեւ Սարե՛րը, հա՛ա... բայց գիտե՛ս ինչ, այս ճանապարհը մենք նոր անցանք. սարսափելի ճանապարհ է. ձիւնը բռնել է ամեն կողմ:

Եվ դու ինձ լսիր ցած իջիր դաշտը եւ դաշտով գնա ապահով կերպով:

- Դաշտի ճանապարհը երկու անգամ երկար է, պատասխանեց քիւրդը առանց ըմբռնելու անծանօթի առաջարկի իմաստը: Եւ յետոյ ես այս ճանապարհով առաջին անգամը չէ որ զնում գալիս եմ:

- Այս կողմերում նաեւ դաջաղներ շատ կան. մեզ էլ վրայ տուին. տես մեր ընկերը վիրաւոր է, սաղ-սալամաթ տեղ չես հասնի, ծորերում հարամիներ կան:

- Է՛հ, դաջաղներն էլ ձեզ պես մարդ են, ես քարուան չեմ տանում, մի չոր գլուխ մարդ եմ, ասաց քիւրդը եւ դարձեալ ժպտաց:

- Հա՛, մի չոր գլուխ ես, դաջաղներից չես վախենում, կրկնեց խմբապետը ցրուած ձեւով կարծես ինքն էլ չլսելով իր ասածը:

Դարձեալ լռութիւն տիրեց:

Քիւրդն սկսում էր անհանգստանալ. եւ կարծես դրութիւնը պարզելու համր առաջ անցնելու

թշուառ այդ մարդուն. «Եթէ իմ տեղս դո՛ւն գտնէիր գանձը, ի՞նչ պիտի ընէիր», բայց լոեց, քաշուեցաւ մէկ կողմ ու շարունակեց քալել, քիթին տակէն մոլտալով.

- Ես այս աշխարհին...

Սիեննայի պատին տակ միայն մէկ սնտուկ կար, որուն տէրը՝ խղճալի մանուկ մը, երեւի յուսահատած յաճախորդի սպասելէ, իր ծակ ոտնամանները կը ներկէր: Սեդրակ հազիւ թէ ուշադրութիւն դարձուց եւ տեղաւորուեցաւ ամէնէն յարգի տեղը, մուտքին աջ կողմը: Ծիշոյ իր քով, խոշոր ցուցատախտակի մը վրայ, շարժանկարի անպարտելի հերոսը հրեղէն ձի մը կը թոցներ, մէկ ձեռքը անոր բաշերուն, միւսին մէջ ատրճաճակ մը: Դրան առջեւ թըմբուկ եւ փող նուագող զոյգ երաժիշտներ աղմկալի եղանակ մը կը հնչեցնէին՝ անցորդներուն հետաքրքրութիւնը շարժելու համար: Քիչ յետոյ անոնք ներս պիտի փոխադրուէին, որպէսզի իրենց նուագը համր նկարներու շարժումներուն թափ ու կենդանութիւն տար: Սեդրակ հազիւ երկու անգամ առիթը ունեցեր էր ներկայ ըլլալու կախարդական պաստառի ցուցադրութեան եւ այդ առիթները անջնջելի հետք մը ձգած էին յիշողութեանը մէջ, իբրեւ իր կեանքի կարեւորագոյն դէպքերէն մէկը: Առաջին անգամ յաջողած էր մուտք գործել՝ հին գիրքի մը փոխարժէքը վճարելով սիեննայի տոմսակին եւ երկրորդ անգամ ներս էր սպրդած գողունի՝ օգտուելով խուռնամբոխ հանդիսականներու իրարանցումէն: Այդ հազուադէպ երանութեանց վերյիշումը բաւական էր, որ ան կարօտով ու նախանձով դիտէր տոմսակավաճառի խցիկին մօտ հաւաքուած հասակակից տղոց բազմութիւնը: Տղաք՝ որոնց դէմքին վրայ անպատասխանատու զուարճութեանց հրրթիռներ կը բռնկին եւ որոնց ձայնին մէջ մանկութիւնը կ'աղմկէ: Իսկ իր մանկութիւնը լուծ էր ի սպառ. մեռած էր դեռ չծնած: Քանի գիտէր՝ ինք մասնակից էր մեծերու հո-

Սկսուած էր մի գաղտնի մենամարտ, ուր մէկն աշխատում էր մի գաղտնիք քողարկել, եւ միւսն զգալով, որ իր կեանքի եւ մահուան խնդիրն է այն, ճգնում էր կարգալ հակառակորդի հոգին:

Խմբապետը դարձեալ մտածում էր:

Մի վայրկենի գործ էր մեջտեղից վերցնել իրենց ապահովութեան սպառնացող այս կենդանի վտանգը, այս վրդովեցուցիչ քիւրդին, ընկերները նոյնիսկ զարմանում էին, որ նա դանդաղում է եւ թանկագին ժամանակ կորցնում: Սակայն խմբապետի համար, մահու չափ ծանր է ձեռք բարձրացնել այս հոյակապ կեանքի վրայ, այս մենակ ճամբորդի վրայ: Եւ յետոյ այնքան կորով, այնքան բաց-ճակատ առնականութիւն կար այդ գեղատեսիլ դէմքի վրայ, այդ հարուստ մարմնակազմի, լայն թիկունքի յաղթ բազուկների մէջ:

- Չիւսաթափ արեք սրան եւ մեզ հետ տանե՛ք, հրամայեց խմբապետը, ուրիշ ճար չկայ, թէ չէ կը գնայ եւ կը մատնի:

Խաչոն վաղուց էր այդ հրամանին սպասում, նա առաջինը ձեռքը մէկնեց եւ նրա հրացանի փողը բռնեց: Զիւրդը ինքնապաշտպանութեան մի յուսահատ փորձով՝ յետ քաշեց զէնքը, վիրաւոր ոտքը դաւաճանեց Խաչոյին, եւ նա երեսի վրայ փռուեց ձեան մէջ աղիողորմ ճիչ արձակելով վերքի ցաւից:

Այնուհետեւ ի՞նչ պատահեց, այդ առաջին վայրկեանին ոչ ոք չհասկացաւ. միայն լսուեց մի հրացանի որոտ, ծխի փոքրիկ ամպը պատեց

քիւրդի գլուխը, եւ նա ոռնալով գետին փռուեց:

Խաչոն էր, որ ընկած տեղում մի վայրկեան իր ցաւը մոռացած՝ գնդակահար արեց նրան:

Նոյն վայրկենին՝ խմբապետը, գունատ ու զարհուրելի, քաշեց հրացանը եւ ուղղեց տակափն ձիւնի մէջ թաւալած Խաչոյի կրծքին:

Միաժամանակ բոլոր ընկերները հասկանալով սարսափելի վտանգը, վրայ պրծան, շրջապատեցին իրենց գայրացած գլխաւորին, ոմանք նրա ձեռքերը բռնեցին, ուրիշները ծունկ չոքեցին, նրա ոտները գրկեցին աղաչանքով:

- Ծուն, անողորմ շուն, մռնչաց խմբապետը հրացանը բաց թողնելով ձեռքից: Այլա գայրոյթից դողալով ամբողջ մարմնով, նա ձիւների վրայ ընկաւ ինչպէս փոթորկից խորտակուած ծառ եւ գլուխը ձեռների մէջ առաւ:

Ահագին քիւրդը շարունակում էր թրպրտալ ու խռխռալ երեսին վրայ ընկած եւ արիւնը փռում, տարածում էր նրա շուրջը ճերմակ ձեան հետ բոսորային, նողկալի շաղախ կազմելով:

Խաչոն դժբախտ ու ոչնչացած՝ ոտքի կանգնեց եւ քարացած մնաց մի կէտում առանց համարձակուելու գլուխ բարձրացնել:

Խմբապետը այք չէր հեռացնում հոգեվառքի ցնցումներով ձգձգուող քիւրդից: Եւ երբ նա իր վերջին շունչը փչեց ու անշարժացաւ ձեան վրայ, երկու կաթիլ արցունք կախուեցին խմբապետի աչքերից եւ իջնելով թոքեցին այտերը:

Այնքան ընտիր ընկերների մահը մարտի դաշ-

տերում անխռով կրած այդ ուժեղ տղամարդը՝ սգում էր օտարականի եղերական մահը, սգում էր մի հատիկ անծանօթ կեանքը, որին դիպուածը հանել էր իր ճանապարհին եւ որ գուցէ պետք է մեռներ, որպէսզի իրենք ազատ մնային ազատութեան մեծ գործի համար:

Արեւը բարձրացաւ. նրանք վերստին քայլել սկսեցին, ծանր դժնդակ ճանապարհներով դէպի իրենց փոթորկոտ ճակատագիրը:

Լուսաբաց էր. արեւը հաշտ փայլում նրանց վրայ. բայց դեռ հեռու էր այն միւս լուսաբացը, երբ էլ հարկաւոր չէր լինի ո՛չ արիւն եւ ո՛չ արցունք:

ՎԵՐՋ

*

* * *

ՅԱՊԱՌՄՆԵՐ

Անտիս Ահարոնեանի տղան՝ Վարդգէս, երբ իր հօր գործերը սկսաւ տպել 1947-էն 51, տասը հատորներու մէջ, չորրորդ հատորին մէջ էին Ազատութեան ճանապարհիկի պատմութեան գրքերը: Այս պատմութեան մէջ ըրած ենք յապատումներ, անոնք հետեւեալներ են.- Ազատութեան

ողին, Դարբնի երգը, Հայդուկի Լոր Տարին, Ուխտաւորը, Արիւնի Ձայնը, Արտը, Մեր ճանապարհը, Օտար հորիզոնների տակ, Փոթորիկը, Մահը: Վարդգես Ահարոնեան, այդ ժամանակ իր ձեռքին տակ ունեցած տրամադրելի նիւթերով կազմած եւ հրատարակած է իր հօր երկերը 10 հատորներու մէջ: Հրատարակելի կը մնան երեք հատորներ եւս:

Աւետիս Ահարոնեան շատ կը սիրեր եւ կը հաւներ Րաֆֆիի գրածները եւ ինքն ալ սմանեցաւ Րաֆֆիին, երկուքն ալ նոյն նպատակները ունեին - արթնցնել հայութեան միտքն ու հոգին, ինքն իր տերը ըլլալ, ապրիլ ինքնավար եւ արդար պետութեան մը մէջ եւ ասոր համար պայքարիլ յանդուզն եւ խիզախ մեր նախնիքներու, իշխաններու եւ բոլոր քաջերուն պէս:

Ահարոնեան եղած է Առաջին անկախ Հայաստանի հանրապետութեան խորհրդարանի նախագահ: Ինք ստորագրած է 1920-ին Սեւրի դաշնագիրը:

Խմբագիրը՝ Լ. Ճ.

ԿՈՅՐ ԱՇՈՒՂ

Սե խաւարը իմ ընկերս է անբաժան,
 Ես չգիտեմ, ի՞նչ ասել է պայծառ օր,
 Բայց այսօրուայ խաւարն է խոր, հոգեհան.
 Դիակները փսփսում են ահաւոր
 Եւ պատմում են իրենց ցաւերն անպատում,
 Որից Աստուած գուցէ դողայ երկնքում:

Հին դարերից ցաւեր շալկած յամբօրէն,
 Հառաչելով անցաք արեան ծովերով,
 Համբերութեան դասեր առիք լեռներէն ...
 Զնէ՛ք այժմ բոցով, ցաւով, վերքերով,
 Եւ պատմեցէք ցաւերն անպատում,
 Որից Աստուած գուցէ դողայ երկնքում:

Տառապանքի, սուգ ու սեւի ինձ ընկեր
 Մարդ չմնաց իմ արիւնտ վաթանում,
 Լուռ են շուրջս լեռներ, ձորեր, շիրիմներ,
 Լոկ քամին է կողկողագին մրմնջում...
 Դո՛ւք պատմեցէք ձեր ցաւերն անապատում,
 Որից Աստուած գուցէ դողայ երկնքում...

Ոռնա՛ քամի, հազար ու մի ձայներով,
 Թո՛ղ սարսռան լեռներ, ձորեր, անդունդներ,
 Անցի՛ր մէկ-մէկ դիակների վրայով,
 Լիզի՛ր վերքեր ու հաւաքիր հառաչներ...
 Կոյր աշուղը, մրկաշունչ խոլ քամին,
 Կը պատմեն ձեր տառապանքներն աշխարհին:

Խօսի՛ր քնար... արար-աշխարհի թե լռի,
Յաւի, արեան, տառապանքի լուռ ծոցում,
Կոյր աշուղդ հառաջանքի պարտք ունի
Թշուառութեան ու անէծքի վայրերում:

**Այսքան չարիք թե մոռանան մեր որդիք,
Թո՛ղ ողջ աշխարհ հային կարդայ նախատիկք:**

Երեք լար կայ, մէկը մէկից սգաւոր.
Մէկն արիւն, մէկն արցունք է քամում,
Եւ երրորդը-այն ամէնից թունաւոր,
Անէծք ունի իր թրթռուն խաղերում:

**Այսքան չարիք թե մոռանան մեր որդիք,
Թո՛ղ ողջ աշխարհ հային կարդայ նախատիկք:**

Սեւ բռնութեան, ակերածի գիտուորներ,
Խոպան, ակեր, բոց փռեցիք ձեր ոտքով,
Բնակութիւն, շէն քաղանք ու տներ,
Անապատի վերածեցիք անվրդով,

**Այսքան չարիք թե մոռանան մեր որդիք,
Թո՛ղ ողջ աշխարհ հային կարդայ նախատիկք:**

Դիակների վիշտը լացի ու ցաւե՛ր...
Քանի՛ դարեր լոկ ողբ ու սուգ ենք ասում,
Այժմ անէ՛ծք դահիճներին մարդակեր,
Վրէ՛ժ միայն լոկ վրեժ ենք պահանջում...

**Այսքան չարիք թե մոռանան մեր որդիք,
Թո՛ղ ողջ աշխարհ հային կարդայ նախատիկք:**

ԱՌԵՏԻՍ ԱՅԱՐՈՆԵԱՆ

«ՈՍԿԵՂԱՐԻ»

Հրատարակութիւնները

- 1 - Ազատութեան ճանապարհին Ա. Ահարոնեան
- 2 - Ապրուած օրեր - Արմէն Գարօ
- 3 - Ազգային, Յեղափոխական Երգարան, Եռագոյնի ծագումը, Ֆետայիներու կարծ կենսագրականները - Խմբագիր Լ. Ճ.
- 4 - Ազգային Ջոջեր - Յ. Պարոնեան
- 5 - Երազահան (576 էջ) - Աշխատասիրութիւն՝ Լեւոն Ճերմակեանի - Իմաստասիրութեան Տօթօրա DEA Kaslik
- 6 - Երազահան եւ այլ (1184 էջ) - Լեւոն Ճերմակեան
- 7 - Վահան Թեքեան - Հատընտիր
- 8 - Ֆրանսերէն - Հայերէն Բառարան (ինչիւններով) - Լեւոն Ճերմակեան
- 9 - Արդի Խոհանոց Ա. - Սիլվա Պեգիրճեան
- 10 - Արդի Խոհանոց Բ. - Սիլվա Պեգիրճեան
- 11 - Արդի Խոհանոց Գ. (Անուշ) Սիլվա Պեգիրճեան
- 12 - Խնդալով - հանելուկներ, երգիծանկարներ Սարուխանէն եւ Համբարձման վիճակ

* * *

- Ատանայի Հայոց Պատմագիրքը (Առաջին Տիպ - 1970)
- Եոզկատի Պատմագիրք (Ա. Տպագրութիւն - 1980)
- Չէյթունի Պատմագիրք (1996)
- եւ այլ հրատարակութիւններ:

ՑԱՆԿ

Ինչո՞ւ էս գրողները աշակերտեցին ՃԱՆԱԳՐԱՐԻՆ Էջ 3	
ՆՐԱՆՏ՝ ՈՐՈՆԶ ԽԻՉԱԽ ԿԵԱՆՔՈՎ	
ԴԱԺԱՆ ՄԱՅԸ ՀԵԳԼԵՑԻՆ ԵՒ ՀՊԱՐՏ	
ՄԱՅՈՎ ՄԵՐ ՍԵՒ ԿԵԱՆՔԻՆ ՓԱՅԼ ՏՈՒԽՆ	Էջ 11
ՅԱՐԳԱՆԶ ԶԵՉ.....	Էջ 13
ԽԱՅԸ.....	Էջ 18
ՊԱՏԻԸ.....	Էջ 34
ԷԼ ՄԻ ԱՂՕԹԻՐ.....	Էջ 45
ՄԱՅՐԸ.....	Էջ 63
ԱՐԻԽՆՈՏ ԹԹԽՄՈՐ.....	Էջ 74
ԲԱՆՏՈՒՄ.....	Էջ 86
ԶԱԲՕՆ.....	Էջ 101
ԱՇՈՒՐԸ.....	Էջ 114
ԿՈՈՒԻ ԴԱՇՏՈՒՄ.....	Էջ 124
ՏԻՐԱՅՈՒ ԳՐԻԳՈՐԸ.....	Էջ 135
ՎԱԶՐԻԿԸ.....	Էջ 149
ՀԱԶՐԵՆ.....	Էջ 162
ԼՈՒՄԱԲԱՑԻՆ.....	Էջ 174

نضال الفدائيين الأرمن ضد الاستعمار العثماني

بقلم أواديس أهارونيان

Levon Jermakian

(Doctorat DEA-Kaslik university)



VOSKETAR BOOKSTORE

Bourj Hammoud

Facing Armenian Catholic Church

Tel.: 01/264750

e-mail: vosketar@yahoo.com